













VENETIIS IN TYPOGRAPHIA PINELLIANA  
Superiorum permisso et Priuilegio. j625.





# ILLVSTRISSIMO.

& Amplissimo Senatori,

## DOMINICO MOLINO.



LAVRENTIVS PIGNORIVS SAL.



*Citum est illud, & decantatum antiquissimi Legum-latoris præceptum, Illustrissime Domine, ut mulier viro, cui liberi non obtigissent, orbata, conueniret in manum fratri viri sui, qui familiam emortuam suscitaret, et sisteret. Pium sane institutum, & quod humanitatem proxime attingeret. Quod si hoc placuit cordatis viris, & rerum mortalium incertos, & caducos exitus miserantibus, cur porro non placebit uniuersis benignum illud officium, quod impenditur politis, et doctis Ingeniorum imaginibus, quæ carissimorum pignorum locum, & vicem obtinent, si eas contigerit, vi aliqua maiore, suis parentibus priuari? Placebit sane, et nemo erit qui improbet, cum in hoc potissimum eluceat vetus Paroemia, ubi amici, ibi opes. Opes nimirum a fato, a rogo, ab ipsamet obliuione. Prædicaui olim de semetipso Cicero, et dignum laude duxit, quod Syracusis Archimedis sepulcrum pene eruisset e dumis, et nobilissima Ciuitati sui ciuis monumentum ostentasset. At  
quanto*



quanto maiore praconio celebrandum hoc, amplissime Domine, quod tu nunc consilio, ope, opera praestas? Erat apud me Religiosi viri Musaeum, postumum, ut ita dicam, opus Jacobi Cauacij, quod ille viuens fidei meae commendarat, ut lege inter amicos recepta, viderem, peruiderem, atq; ideo si videretur, & ubi videretur expungerem. diem obierat ille satis immature, cum ego multo post de lucubratione optima inieci mentionem, quam Tu diu latere non passus, monitis, & obtestationibus peruicisti ut ederetur, et in publicum aliquando prodiret. Maeste virtute, & pietate DOMINICE MOLINE, cui debebit caelum hoc nostrum, inter alia plurima, reduces musas, et non parua excitamenta nostratium Ingeniorum. Tibi igitur iure optimo sacratur hic foetus, quem Auctor eximie coluit, patronum videlicet suum, et cui quā multa deberet. Ego sane laudaturos etiam nunc confido amicissimi viri ter beatos manes, quod hoc opus, nominis forte indigum et fama, Amplitudini Tuae data opera lubens, et volens inscripserim: Et ò nancisci licuisset omnes amici Auctoris litterarios labores, quos mala, & sacrilega manus plagiarij alicuius alio auertit; haberent profecto eruditi Lectores Epistolas, Carmina, et alia Litteraria monumenta, quibus se cum fructu per diu oblectarent. Ex unica sane Ode, quam ego apud me, & quidem autographam, delitescere non sum passus, admetientur studiosi, velut ex pede, Herculem hunc nostrum, si non Musagetem at mystam Musarum. Vale Vir Illustrissime, & Pignorium tuum ama ut facis.

Patavij Nonis Octobris. M. DC. XXIII.



# LECTORI PIGNORIVS.



**N**E M O forte melius nostra hac ætate monstraui-  
t quid valeat viuida, & felix ingenij ab ipsa natura  
vis, quam **IACOBVS CAVACIVS** con-  
discipulus olim noster, & amicus omnium hora-  
rum. Is enim tenui patre, institore aromataria-  
tabernulae natus, in tenuiore censu, neque magno  
admodum profectu apud præceptorem Gram-  
maticum in ipsa pueritia instructus, Casinensi fa-  
miliae, in clarissimo Cœnobio, cui apud nos D.

**IUSTINA** tutelarisis est, grandis iam natur, nomen dedit. Vbi rara  
acerrimæ indolis felicitate, partim in exacto tyrocinio monasticæ institutio-  
nis, partim in quotidiano celebrique precum horariarum penso, Litteras  
latinas didicit eo Genij plausu, vt & prosa, & versu seria quæque, iocosa  
etiam pangeret luderetque ad miraculum vsque. Historiarum Libri sex,  
breuissimo temporis intervallo absoluti, eruditorum manibus teruntur,  
quos Phoenix Litteratorum **Isaacus Casaubonus**, vnice mirabatur. Eodem  
naturæ fauentis impetu delineantem, penicillos tractantem, varias Littera-  
rum figuras artifice plane manu ducentem, acu pingentem, Ichnographi-  
cas, & Ortographicas ædificiorum formas describentem, & explicantem  
vidimus olim non semel; & quidem stupentibus magni nominis Archite-  
ctis. Ad hæc rei harmonicæ peritiam eo successu sibi comparauerat, vt &  
canere ad morosiores illam Ecclesiasticam normam, & modulari ad recen-  
tioris concentus delicatas leges apprime nosset. Elogia hæc sacra, magni  
operis exiguam sectiunculam, vnius anni spatio elaborauit, pressus ingenti  
mole negotiorum, quibus par omnino erat, seu facto, seu consilio, seu elo-  
quio esset opus: ingens omnino ornamentum futurus, & religiosæ familiæ,  
quæ alumnum suum certa spe ad maxima quæque destinauerat, & non in-  
gratæ Patriæ, quæ illum inter præcipua gloriæ suæ columina iam tum adnu-  
merabat; ni Mors sueta illudere mortalium votis, & optima quæque, in ip-  
so plerumque florentis gloriæ exordio, surda, & implacabili falce sibi de-  
metere, subita ingentis morbi veluti ruina oppressisset Venetijs annos natum  
V. & XL. anno salutis **M. DC. XII.**





*Vixit in abrupto BENEDICTVS vertice montis,  
Hoc propior caelo, quo magis vrbe procul.*

*Virgineum florem torrebat amere Cupido,  
Quam pater implicuit sentibus, et necuit.*



D. BENEDICTO.

PRÆSTITI. PATRONO. VNDIQVE. OPTIMO.

ANACORETARVM. MAX.

COENOBITARVM. MAX.

CVIVS. DONVM. EST. SI. QVID. EST.

QVOD. ESSE. VULT. ASSECLA. IACOBVS.

CAVACIVS. PATAVINVS.

SVÆ. MENTIS. SVI. CALAME.

VOTVM. PENSVM.

HOC. MVSÆVM. EREMO. RVDE.

AT. NON. RVDIS. ANIMI. MONVMENTVM.

PERPETVO. SACRAT. DICATQVE.



AD

# AD DIVVM PATRIARCHAM B E N E D I C T V M

Operis excubito rem.



Vod in hoc operis pene vestibulo tū conspi-  
ciare BENEDICTE Anachoretarū ma-  
xime, Cœnobitarū maxime, id verò sum-  
ma cum ratione factum est. vt enim omit-  
tamus, hoc omne, quod in oculos dein-  
ceps incurret, elaboratum fuisse ab asse-  
cla quondam tuo, qui nomen dederat re-  
ligiosissimo Cœnobio, quod certat etiam  
nunc cum multo clarissima illa denominatione, quæ tuum olim  
Casinum attingit; quis te non prodromum tot splendorum  
siderum in hac statione libenter conspiciat, qui tractus terra-  
rum occiduos, vitiorum tenebris circumfusus, veluti exoriens  
Sol, nitidissima luce perfudisti? Hoc tibi iure sane optimo de-  
betur, cuius nomen non inane quidpiam, nuda voce tenus si-  
gnificauit; cuius vita iuge, & perpetuum serium, sine aliqua  
pueritiæ, aut adolescentiæ labe, vnico tenore decucurrit. Tu  
enim id re quod nomine, fauente Deo, præstitisti, vti esses bene-  
dictus vberiore cumulo gratiæ, & sisteres te numini vocanti,  
spreta auita nobilitate, posthabitis honestissimorum paren-  
tum studijs, prælata Sublacensi solitudine celeberrimæ frequen-  
tiæ Romanæ vrbis, & amore litterarum in amorem cœlestis Pa-  
triæ commutato. Tū patrator rerum supra omnem fidem ad-  
mirandarum, cum & intima cordis nosses, & inanima tibi ad-  
nutum vi diuina præsto essent, & ea præstares, quæ non nisi Deo  
summopere coniuncti consueuerunt, tecum tamen habitasti;  
neque te transuersum abripi passus es in imos, & præferuidos  
illos



illos vortices, qui perpetua vertigine circumagunt superbas, & nimium sibi fidentes animas. Te beatum BENEDICTE, te benedictū BENEDICTE; cuius memoria in benedictione est; quē Dominus pręuenit in benedictionibus dulcedinis; cui benedictionem omnium gentium elargitus est, vt scilicet fruereris benedictione non opimi soli, aut roscidi cœli, sed vbertatē spiritus pinguis, & copia cœlestium deliciarum abunde beareris. Adsis interim o Pater, & hoc vestibulum lumine tuo collustra; filiosque tuos, quos in Christo genuisti, edoce, vestigijs tuis insistentes veras diuitias, & bonam mentem amare, vt potiantur aliquando ea quiete, & securitate, quam hæc nobis obuia peritura bona, laruato, & fucato cultu vt vt polliceantur, minime tamen præstare certum est.

*Laur. Pignorius.*





# DOM. IACOBI CAVACII

## Manes

AD AMICOS SVPERSTITES.



*H*eganeî saluete Lares, saluete Penates  
Numina nascenti conscia facta mihi :  
En alios Cœli tractus mea sidera noui  
Teque Halicaoniæ Regia nympha Sali,  
Et vos reliquæ Troïm, sedesque beatæ  
Mœnia Dardaniæ signa superba fugæ ;  
Modacides Nymphæ, siluæque, umbræque virentes  
Et rura Hæmonijs inuidiosa iugis ;  
Vos oculis haurire meis iuuat vsque, domosque  
Pæne Jouis Patriæ posthabuisse meæ :  
Jam pridem æthereis quamuis assuescimus oris  
Et toto Elysîæ perfruor ore plagæ,  
Hic mihi nascenti doctæ arrisere Puellæ  
Primaque Castalio lauimus ora vado .  
Pythius, & tenerum placidus suscepit in vlnis  
Et dedit Ausoniæ plectra, fidesque lyræ .  
Iussit & æternas famæ volitare per oras,  
Et fera luctificæ spernere tela necis :  
Hinc pia Religio sanctæ commercia vitæ,  
Delicijs animum detinere meum :

Vos,


Vos, Divi Heroes, testor comitesque Deorum  
Cœlica cum Musis Numina mista meis:  
Si vos placavi sacro si percitus Oestro  
Tentaui humano nomina tanta sono.  
Este mihi faciles raptæque obliuia Musæ  
Pellite. Non satis est occubuisse semel?  
Quæ rabies fati, quæ me mala torquet Erinnyes,  
Sævit, & in cineres impia Parca meos?  
Quid iuuat æternas cum Musis ducere noctes  
Aut calamo lassas detinuisse manus?  
Omnia si nigro tantum debentur Averno  
Si mea cum fragili corpore fama perit?  
Tu tamen Hadriacæ Lux ô clarissima gentis  
MOLINE Aonij duxque paterque chori.  
Vosque Antenorida iuncti patriaque fideque  
Ingenio, & studijs pectora chara meis:  
Tu primo Hermagora nostræ lux alteraturbæ  
Altera Palladiæ cura seuera togæ:  
Et cui cum sancto contendunt omine mores,  
Nee non siderea de Cruce nomen habes.  
Et tu Romanæ reparator magne Senectæ  
Pignori Aoniæ doctæ Sititor aquæ;  
Ferte pedem, dulces animæ, vatemque caducum  
Cogite Lauriferum ferre sub astra caput:  
Elysios iuxta procures tunc Laureus ibo  
Dux inter patriæ nomina magna meæ.  
A tineis blattisque meas secludite chartas  
Et famæ faciles ire iubete vias.  
Nec me cum Flacco spaciari sæpe pudebit,  
Nec tecum Ausoniæ splendida Stella lyræ.  
Sæpe mihi dicet Romano Iuuius ore,  
Esto, licet, patavæ fama secunda togæ;  
Magna-



*Magnanimi manes Poeti grauiore cothurno.  
Expedient æui tempora dura sui,  
Tollere quem potuit generose uxori ensis,  
Frangere Cæsariæ non potuere minæ.  
Inde per Aeterios tractus melioraque regna  
Instituam ad summi te cæta tonantis iter:  
Illic Heroes, nostræ pars magna Camanæ,  
Ingens ætheriæ turba decusque domus,  
In mea diuinis properabunt basia labris  
Forsan in Ambrosios, accipientque sinus.  
Est aliquid meruisse Deos, animosque beatos,  
Et gratum æthereis nomen habere locis.  
Protinus hic vestras cantabunt sidera laudes,  
Et secum voluet nomina vestra polus:  
Siue ego per superum sedes, seu dulcia Regna  
Qua crepat Elysiis aurea silua iugis,  
Inter Semideum numeros, mentesque perennes  
Traducam vitæ tempora longa meæ.  
Sepe ego ab Elysiis vobis præconia mittam  
Et precor, ut grates perferat aura meas:  
Sepe ego ab æthereis mittam præconia vobis  
Et precor, ut grates astra benigna ferant.*

*Georgius Camerarius.*





*Vitiferi colles, FORTVNATIQVE recessus;  
Exprimeret cum vos calamo CAVACCIVS aureo,  
Fama est Medoacum gemmisque auroque superbum  
Fluxisse, & preciosa impleffe aspergine ripas.*







*Hospes Elysios mirari desine Campos.  
Religio Elysios hic habet alma suos.*





AD AMICVM HOSPITEM

I N

MVSÆVM ILLVSTRIVM

A N A C O R E T A R V M.



P R Æ F A T I O.



**V**TI NAM amice hospes Larij lacus, & proximæ regionis amœnitatem, Musæo huic nostro præfari possem, qua iucunditas tuo genio, rebus nostris ornamentum accederet. Fortassis ea, quæ in religiosa domo minus splendide oculis tuis exhibentur, loci felicitas iuaret; & qui in minima re voluntatem exceptoris aliquam putas, etiam diceret illum supra vires aliquid appetuisse. Potuit Paulus Iovius Episcopus Nucerinus Pliniani fundi heres veteres illius delitias scriptis, & ædificijs instaurare, at in ipsa prope Larij ripa genitus, paternis opibus, & principum favore adiutus. Adiecit ædibus ornatis Musæum illustrium virorum imaginibus conspiciendum, quas eruditio, vel militaris gloria cuexit; sed affuit eidem Romæ occasio ab aula Summorum Pontificum, quibus perquam familiaris etiam ceterorum principum benevolentiam assecutus est, qua ipsorum, & auorum imagines adeptus facile potuit Musæum magnis accessionibus exornare. Demum auxit rerum suarum magnitudinem ingenio pereleganti, multiplici doctrina, atque eximia in scribendo felicitate, qua celeberrimos priscae ætatis scriptores æmulatus tanto ad eos propius accessit, quanto mediocres eorum citatiore gressu antevertit. Nobis autem, quibus neque opes, neque ingenium ad vota contingere, una

A laus




laus erit simile quippiam cupiuisse, dum rebus e dignitate gerendis fortunæ  
liuor intercedit. Quod aspicias Cœnobiolum Fortunato Martyri dicatum,  
veras amplissimi Monasterij D. Iustinæ delitias, iam olim senectuti, & ocio  
literario seposui meo. Et quamuis nullis ad luxum, paucis ad ornatum ædi-  
ficijs abundet, tamen necessaria vsui, & frugalitati Monachorum sic admini-  
strat, vt si commodum, nitorem, vel prospectum intueare, id iure non paucis  
& ditioribus, & frequentioribus præferas. Hoc in tumulto fitum est, qui vt  
cernis leniter assurgens proximo imminet Medoaco fluuio ex alpibus Triden-  
tinis defluenti, perinde atque turgentes illius iras, quibus frequenter Pataui-  
num agrum populatur, subiectis accolis de specula præmonstrare velit. Flu-  
mini porro quod alluit Cœnobioli nostri ripas nauigijs ineptum est ob in-  
gentia saxa, quæ secum rapit, quando niuib. æstu solutis, vel pluuijs autum-  
nalibus exundans, turbido cursu rupes, arbores, domosque euellit. Sed e sa-  
xis, quæ lintres arcent, altera est voluptas, dum fluctus his colliduntur edito  
murmure, qui vel ipsi vigiliæ somnos conciliet. Pisces alit, & si non pluri-  
mos, tamen haud vulgares. Qua ædes in occasum vergunt pulcherrima se se  
offert pars agri Vicetini ab ipso fluuio vsque ad colles extensa, deinde monti-  
bus obtecta, quos Cimbrorum reliquiæ occupant, adhuc suas clades, & Caij  
Marij victorias, corporum proceritate, ferocia, & antiquo idiomate conte-  
stantes. Qua Aquilonem spectant, Bassanum conspicitur Oppidum vrbibus  
conferendum, & pluribus earum longe amplius, si ciues, opes, & ædificia co-  
gites, quibus splendide admodum nitescit. Finditur ab ipso Medoaco, sed  
ponte coniungitur sublicio quidem, sed qui marmoreis præstet vastitate, &  
elegantia, quam incolæ ad publicum decus maxima impensa tuentur. Hac  
breuior in Germaniam traiectus est, vnde mercium confluxus, & commean-  
tium frequentia, quibus oppidi res eximie augentur. Hac in orientem Tarui-  
sinos, ea in meridiem Patauinos fines aspice quam pulchre de cultu, & fertili-  
tate certent. Haud facile dignosces, vtros natura liberalius ditauerit, aut ho-  
minum industria ad eam frugem perduxerit. Regio tota villulis, & adibus  
abundat, quas præ ceteris Venetę vrbis Patricij regali sumptu extructas etiam  
condigno rerum omnium apparatu instructas habent. Cœlo fruitur adeo sa-  
lubri, vt a plerisque nimis tenue, purumque prædicetur. Hiemis rigorem  
montes temperant in septentrionem protensi, quo fit, vt præter ceteras hor-  
torum delitias, etiam exoticæ arbores hic felicius degant, germinent, nec li-  
guriæ, vel Benaci ripis facile concedant. Gens ita literarum, vt armorum stu-  
dijs apta; sed his aliquanto addictior, quod ex animi elatione frequenter in  
cædes ruat, atque iniurias etiam leuiiores acerrime vlciscatur. Ceterum erga  
diuinam rem egregia omnium pietas, ciuiles mores, mira erga hospites offi-  
cia. Hic igitur lares statuimus nostræ senectæ, quandiu licebit ex indulto



maiorum, quibus libertatem, ac voluntatem nostram submisimus. At hospes dum Musæum audis, non tamen arbitreris velle nos specioso titulo Iouianum illud æmulari; nam in pari studio longe dispar ludit fortuna. Nos a pubertate intra claustra educati de Monachis scribentes ingenitam moribus, ac stilo humilitatem sequimur, ideo etiam tabulas consulto comparationi subducimus, quia neque artificis ingenio excellunt, neque imagines ex aspectu reddunt. Quis enim pictor in deserta feris metuenda penetrauit, vt seminudi senis vultum situ squalentem exciperet? Tu Iouium Episcopum, diuitem, eloquentem, & Regum clientelis fortunatum nosti. Nos hic delitescetes, rudes, & aulæ ineptos quis norit? Ingenium eadem cupit, paupertas negat. Attamen mihi ipsi defuerim, nisi vno exemplo Maximi Pontificis permotum dixero his maiora animo concepisse. Clemens VIII. vt ab negotijs, & aulæ frequentia interdum fatiscentem animum leuaret, pingi in Vaticano iusserat celebriores totius Italiæ eremos, quæ cupiditatem tranquillioris vitæ, ac studium sanctæ austeritatis augerent. Eminuere inter eas Sublacenses rupes Benedicti nostri specu, & vestigijs clarissimæ. Vallis vmbrosa Ioannis Gualberti laboribus, & foetu nobilis. Iuga Camaldulensia inter niues Apennini sanctitate, & arduis Romualdi institutis calentia; atque Aluernæ montes Francisci sanguine, & Seraphicæ visionis gloria illustres. Has tum primum Musæo nostro expressas minoribus tabulis intulimus, deinde libido sensim nos incescit, vt celebriorum etiam Eremitarum imagines in eodem conclauī dedicaremus. Ea propter pictori opus locatum est non infimo. Elogia prope quadraginta, quot ipsæ tabulæ, ipse conscripseram, vt in Musæo nihil vacuum esset, præterquam desideria amplioris loci, & fortunæ. His substiteram nihil vltra moliturus, cum e Germania res prodijt, quæ sicut extructi nuper Musæi Religiosi laudes mihi præripuit, ita ad plura elogia animum incitauit. Ioannes, & Raphael Sadelerij accurati Calatores Eremitarum imagines a Martino Vossio delineatas in tabellis aeneis sculpserrant, & euulgauerant, quibus alteras Mulierum Eremitarum adiecerat Adrianus Collaertius æque auide ab Italia nostra susceptas: nam Vossius his regiones appinxerat alicubi peramænas, alibi horridas; has siluis & rupibus, eas fluuijs, aut mari ornauerat, vt vario aspectu mens impensius oblectaretur. Arrisit inuentum commoditati, vt Patrum imagines paruo volumine circumferrem, quas domi maiores tabulæ vix continerent. Et quia meis iam olim elogia subieceram, non displicuit idem officium vniuersis præstare, & ab earum serie nec punctum deficere. Impellebat animum obscuritas historiarum, quam apposita distica haud satis illustrarent: sed præcipue anxium agebant imagines quorundam extra limen Catholicæ Ecclesiæ eiectorum, quas pictor inmixtas memorijs Sanctorum sæde honestauerat, cum

Summorum Pontificum, & Conciliorum censura hærescos damnati digni habeantur, qui sola nominis turpitudine, & detestabili exemplo, posteritati innotescant. Habes igitur amice hospes Musæi initium, & consilia. Nostram ipse vtilitatem meditare, quando erga diuina obsequia tepidiores talia nobis ob oculos statuimus specula alacritatis, & asperitatis. Hos itineris duces sequi imperamur, hos aspicere, qui salebrosam arctamque viam ad perennem felicitatem labore, & continentia ceteris strauerunt. Horum meritis res nostra creuit, horum precibus stat, ac horum tutela defenditur. Excitant torpentes animos egregia hæc virtutum exempla, vt si quos pigeat imitari, etiam pudeat genus suum ad Sanctos Patres referre, cum ab eorum moribus in turpe ocium, & sacrarum rerum incuriam prolabuntur.











Tempore quo Decij feruebat sæua tyrannis,  
Christicolas duris pressit acerba malis.

Territus his, fugiens Thebaide PAVLVS, cœcum  
Intrat, et à coruo pabula grata capit.



# PAVLVS THEBÆVS.



VNC aberemo primum religiose exulta Eremitæ cognomen adeptum merito principem habent quot quot aduersus oblectamenta vitæ huius pugnaturi agones quæsierunt nemora, & specus, vbi a conspectu liberi cum spiritalibus nequitijs Deo iudice decertarent. Thebæ Ægyptiæ Pauli natalibus claræ sunt, atque longe his clariores proximæ regiones tunc vel feris inhospitæ, mox illius exemplo frequentes Monachorum palestræ. Ea adole-

*Hier. 1. Epi  
Solitarum.*

scenti ineundæ solitudinis occasio. Impij Cæsares proscripserunt Christi fide ipsius cultores imperijs, ac tormentis tētari iussos, vt ritu patrio libarent, abnuentes mortis supplicio damnauerant. Proinde cedes vbique, & exilia, cum delatores etiam priuatas ades irrumpentes, vel spe maioris apud Imperatores gratiæ, vel studio auitæ superstitionis, vniuersa tumultu miscerent. Sæpe filij parentum, vir vxoris, & fratres inuicem accusatores admissi. neque indecorum ab domesticorum sanguine præmium, & religionis opinionem petere. Adijt hoc ipsum discrimen Paulus deferente sororio idolatra, qui cognati opibus inhiabat. Ea propter consilium fuit ad teporem vsque ebullientis tum maximè persecutionis in proxima cremo delitescere. Ibi dum abditiores recessus quærit, ad radices cuiusdam montis antrum reperit, vbi constans fama erat cufas furtim pecunias eo tempore, quo Antonius Cleopatram deperijt, illa opes, pudorem, ac postremo vitam profudit. Testes tunc etiam incudes per ea loca, & mallei quam plures. Antrum, quod nullo fornice obtectum cœli intemperies affecisset, vetus palma tuebatur, quæ ramis late protensis tectum, ac cibum egregie ministrabat. Eadem, postquam vestes tempus & vsus absumpsit, folia exhibuit, quibus aliæ texerentur. Iuxta fons pellucidus erumpebat, qui humo proxime absorptus videbatur ad vsum tantum leuandæ sitis diuinitus immitti. En Hospes, quæ mira Dei liberalitas seruulo extorri oia seposuerat, & quæ Anacoreticæ vitæ crepundia, & futuræ probitatis indicia edebantur, cum adulterinæ pecuniæ latibulum contemptor diuitiarum iuuenis occuparet, atque regiæ prodigalitatis scelus ibidem cultu sanctioris cuiusque virtutis expiaretur. Itaque locus ad vota accedens fugæ necessitatem in moræ diuturnioris voluntatem vertit. Ceterum qua athleta noster impetus feruidæ ætatis represserit, qua asperrimum vitæ genus tolerauerit, atque dæmonum vires attriuerit, is tantum nouit, qui certaminum spectator ac præmium fuit. Verum eodem specu latuisset cum Paulo Anacoretarum

*Euseb. Hi-  
stor. 6. cap.  
24.*

*Nicephor.  
Hist lib. 5.  
cap. 28.*



*Sozom. lib.  
1. cap. 8.*

retarum origo, nisi Antonium eiusdem sanctitatis, & propositi virum, cogitatio subiisset, an ipse omnium primus solitariam vitam amplexus esset. Iniecit Deus eam curam seni minime ambizioso, ut de viro excellentiori pie sollicitus eundem extemplo inquireret, atque ex humanis creptum tumularet. Sed ubi vastæ solitudinis illius sedes? Quod iter in inuio? Ausus tamen est prævia fide incertum iter capeffere, triduum oberrans, donec diuina ope monstra, ac bestias duces itineris assecutus est. Tunc satyros, & Centauros credita olim poetarum figmenta Antonius allocutus scribitur, atque lupæ sitientis ductu fontem, & speluncam Pauli tenuisse. Exceptus a seniore longe antea præmonito virtutis suæ, & aduentus, agnouit præreptam sibi inchoatæ solitudinis gloriam, neque inuidit. Verum quæ oscula, quæ in complexu lacrimæ, dum alter Pauli desiderio, & labore itineris pene enectus, alter ultra octuagesimum annum expers consortij, sibi mutuo aspectu solatia exhiberent? Auxit huius lætitiæ hospes optato nuntio, quod Tirannorum in Christianos odium, & Idolorum cultus concidisset, atque reddita Ecclesiæ pace diuinæ, & humanæ res apprimè efflorescerent. Etiam res accidit, quæ inter senes humilitatis contentionem excitaret. Fractæ iam ætatis viro cælitus alimonia erogabatur alite ministro, qui panis semissem quotidie afferebat. Is ad hospitis aduentum liberalior integrum panem attulerat, quem dum ille iure ætatis, hic more hospitij diffractum vellet, integrum ad multum diem dimiserunt. Vbi tandem eo pane, & aqua proximi fontis naturæ indultum est, nox sacris precibus insomnis transigitur. Sed iam Pauli mors appetebat, quam Antonius non obscure ex verbis ipsius suspectans ægerrimè ferebat, dictitans sibi adimi diem ab ipsa aurora, & sitibundo fontem citius eripi, quam ostendi; quoniam nec liceret cum eo diutius commorari, neque abeuntem sequi. Ille fræno charitatis compescere dolorem suæ mortis, quæ breui perennem felicitatem adipisceretur, & desiderio insequendi se obijcere Dei voluntatem, qui asseclas vellet abundius proficere eo superstite. Ablegare deinde moerentem ea obsequij specie, ut pallium olim dono acceptum ab Atanasio Alexandrino Episcopo perferret, quo morte insecuta corpus obvolutum sepeliret. Profectus Antonius e Cœnobio anxius pallium referebat, neque aberat a specu Pauli decimum milliarius, cum illum Angelorum ministerio inter choros Prophetarum, & Apostolorum sublimem ferri conspexit. Ea mortis suspicio senis cursum ad reliquum iter incitauit. Beati senis cadauer ita genibus ad orandum flexis, erecta ceruice, & protensis manibus stabat, ut viuere adhuc, & preces fundere videretur. Sed mors innotuit ex silentio. Et quamuis funebres pompas vetaret solitudo, eas tamen celeberrimas egit Antonius sacrorum hymnorum, & piarum lacrimarum apparatu. Tumulus etiam prodigijs illustris fuit. Nihil aderat quo humus fodi posset,

&



& senilem imbecillitatem durum opus respuebat, cum bini Leones ex eremo vltiori accurrentes immani rugitu, perinde ac mortem Pauli condolerent, ad pedes Antonij procumbunt, eosque lambunt officio non vulgari. Sentit illi auxiliares ad tumulum aduenisse. Hi terram vnguibus fodere aggressi scrobiculum aperiunt corpusculo satis, mox erga Senem gestientes ac si missionem postularent, eo annuente in desertum e conspectu relabuntur. Heres ipse ab intestato defuncti Patris accepit mœroris solatium palmeam vestem, Tunica sibi Palmata cariorē, quam celeberrimis tantum diebus Paschatis, & Pentecostes ad obitum vsque gestauit. Hæc Monachorum initia, is Proteremitæ exitus fuit, cuius gloriæ accedit toto æuo, quod centenarium excessit, fortiter executum esse, quod inconsulto cperat adolescens.

## N O T A.



*PAVLO inter sanctos statuta dies est pridie Idus Ian. Anno Decij Imper. primo desertum petiuisse, defunctum Constantij sexto, colligit Baronius in Martyrologio, qui ætatis illius fuit 113.*

*Vitam S. Hieronymus scripsit, quam ab Amatha, & Macario Antonij discipulis accepisse testatur.*

*Res inter Paulum, & Antonium gesta præterierunt Athanasium, qui vitam Antonij viuentis scribens eius extrema non attigit.*

*Pallium Athanasij propheticæ a Paulo quesitum morituro corpori inuolucrum, fuisse symbolum Catholicæ cum Athanasio communionis, idem Baronius pie meditatur in tertio Annal. ubi etiam plura affert aduersus illos, qui de Centauro, & Satyro ambigentes historiam in dubium vertunt. Præterea, quæ de his, & marinis Tritonibus ex Plinio, & Alexandro ibi habentur, inter scholia Mariani Victorij mentio est de Satyro Sylle Dictatoris tempore inuento.*

*Posse humanam speciem cum bruta sibi maxime simili commisceri, nos testem habemus historiam apud Lusitanos decantatam, & a scriptoribus, Barrio præsertim repetitam, damnata mulieris, quæ apud Insulam desertam, relicta, & a Simio compressa eidem filios peperit. Eos tamen expertes fuisse rationis sentiunt omnes, qui nouerunt substantialem hominis formam, nempe ipsam rationem, ab excellentiori agente præcipue deriuare, quæ Simius carebat. Sed neque res integra haberi potuit ex ipsa filiorum natura, quia Simius, femina fugiente ob oculos, illius e naui aspicientis filios discerpit. Hinc apud nos Centauro, & Satyro, etiam fides. Sed mouent animum Satyri huius verba dicentis, se gregis sui Legatione fungi, & Antonium intercessorem cupe-*

B re apud



re apud communem Deum, quem pro salute mundi aduenisse cognouerant. Hæc non solum rationis vsum præferre, sed etiam quippiam fidei lumen ostendere lector probe cognoscit, quæ tamen longe absunt ab ingenio illius monstri, quod post pauca verba idem Hieronymus petulcum animal appellat. Itaque si in re alicuius momenti, & auctoris summae integritatis, & eruditionis, licet homini imperito iudicium intermiscere, cogitarem libentius naturalia quidem monstra extitisse, sed miraculose de admirabili Dei prouidentia erga mundi salutem elocuta. Video enim hic etiam Coruum panis dimidium quotidie afferre, & ad hospitis aduentum annonam duplicare. Ve etiam spectra dixerim diuino permissu oblata Antonio ad itineris indicium, & vitæ subsidium; nam Satyrus idem scribitur Seni palmarum fructus exhibuisse.

Ex Arch:

Eccles S.

Inliani.

Corpus humo effossum iussu Emanuelis Imp. Byzantium translātū, deinde anno 1240. Venetias cura ac pietate Iacobi Lanczio Veneti Senatoris exportatū in D. Iuliani Aedibus pie adhuc seruatur, & colitur; corporis eiusdem parte aliqua Ludouico Hungariæ Regi S.C. concessa anno 1381.











*Progenie clarus, virtute ANTONIVS ardens,  
Pauperibus largus, sobrietatis amans,*

2

*Castus pijs nūscet precibus ieiunia, et atri  
Dæmonis insultus reprimit atq; delos.*



# ANTONIUS ÆGYPTIVS.



EGYPTVS etiam apud veteres sæde supersti-  
tiosa, exundante postea Euangelio, velut Nilo al-  
tero fecundata, religiosis apprime viris exubera-  
uit, quorum plures martyrio, plurimi vitæ asperi-  
tate claruerunt. Hi non longe a suis villulis, vt sa-  
cris rebus impensius studerent, sibi primum cellu-  
las extruere, deinde populorum frequentiam pe-  
rosi desertas regiones petere, vnde nouercali qua-  
dam naturæ illiberalitate cuncta humanæ vitæ so-

*Athanas.  
Episcopus.*

latia exularent. Alterum id martyrij genus, sed vltroneum. Nam quisque  
sibi ipsi bello indicto, antequam aduersus Dæmones dimicaret, ne domesti-  
corum transfugijs vires hostium augerentur, carnem, quæ ad cognatum ho-  
stem facilius descisceret, locorum asperitate, labore, ac inedia macerabat.  
Et si alibi vmquam fortiter pugnatum est, hic fortissime, vbi Dæmon totus  
prodiit, neque vt olim spectris, vel suadela, sed in grassatorum morem flam-  
mis, ac ferro sæuus. Horum pugilum ducem Antonium tum veteres, tum  
recentiores efferunt, qui ab eo male cæsus, & semimortuus relatus, cruentis  
adhuc plagis ausus fuit certamen instaurare, atque sauiora sustinere, donec  
Christus militem suum benigno affatu consolaretur. Inde dialogismus ille  
ceteris athletis vel stimulus, vel solatium. Vbi eras bone Iesu, vbi eras? Hic  
aderam spectator agonis tui. Idem intra castra (Æthnicorum sepulcra)  
hostes audacior persecutus nos docuit vires Dæmonis non eas esse, quæ Chri-  
stianorum fidei, & innocentia diutius reluctentur. Sed nihil de eo minus  
fuerat sperandum, qui pridem erogato pauperibus patrimonio, diues vno  
beatæ æternitatis desiderio sponte ceteris omnibus egere cœperat, atque ma-  
nuum industria sibi victum quærere. Eadem animi magnitudine, qua opes  
contempserat, etiam voluptatum illecebras, & Veneris procacitatem eum  
spreuisse, etiam fornicarius Dæmon ab eo sæpius repressus, ac profligatus  
egregie fassus est. His itaque virtutum auspicijs beatiorem vitam capefitu-  
rus ad instar ceterorū cellulæ se se tradidit, vnde celebriores patres inuisens,  
more apis, e singulorum floribus succos hauriens virtutis, fauos aliquando  
perfectioris instituti conficeret. Huius vigilas, & orationis studium, alte-  
rius in victu parcitatem, & morum lenitatem pie æmulatus iam omnium  
vnus ipse virtutes expresserat, cum altiora appetens, apud sepulcretum mau-  
siunculam nactus, quod ibi atrocius hostes debaccharentur, diutius confedit.  
Sed quas illic iniurias, strepitus, atque verbera perpeffus est? nonnihil ex his

*Soz. l. 6.  
1. cap. 17.*

præfati



præfati sumus, cetera horret animus describere. Sat fuerit dixisse acerrimi hostis pertinaciam, odio inuictam, labore indefessam, Antonij humilitate, & orationibus fractam exoleuisse. Vltiorem deinde eremum ingressus inter dirutæ arcis ruinas, quas nemo præter aspides, ac lemures coleret, obstructo cellulae ostio, viginti prope annos latuit. Cibos quidam ex familiaribus afferebat, panes nempe, quibus in sextum mensem vesceretur. Angues ex templo aufugerant, Dæmones adhuc infesti erant, sed viribus toties afflictis longe debiliores. Sed cum virtus in prodigia erumperet, & fama sanctitatis ipsius increbresceret; alij religionis cupidine, alij spe beneficiorum exciti, inaccessum montem peruium fecere, qui etiam, non longe postea constructis passim mansiunculis, in stationem Monachorum diuertit. Horum ipse tunc primum Syriaca voce Abbas nuncupatus vagantes sub iugo obedientiæ coegit, exemplo, & præceptis instruxit, vt merito Cænobitarum auctor habeatur, quos omnium primus centuriavit. Prorsus e militari ratione. Cum enim antea in eremo veles extra ordines militasset, æquum videbatur, vt postea in Cœnobio statarius ordines duceret vbique victor, vbique magnus. Plura illic miracula edidit, & in Dæmonibus depellendis præcipua. Martirianus quidam Tribunus militum, cuius filiam hi infestam agebant, iussus ab Antonio fide agere, cum abiens fidenque Iesu Christi nomen inuocasset, puellam incolumen recepit. Arsit etiam Pater Martyrij cupiditate, qua secutus aliquando fideles Alexandriam pertractos, non semel se se Christi testem obtulit, etiam spe subeundæ necis ipsis persecutoribus iniuriosus. Sed diuina ratio discors ab eius voluntate Martyrium, & persecutionem sustulit. Igitur ad montem suum reuersus, cum adeuntium frequētia iniquius ageret, ad superiorem Thebaidem fugam iniuit. Dissensit tunc etiam Deus ab eius voluntate, & vocis suæ oraculo ab itinere retractum in vltiorem eremum impulit, Sarracenos eo mercatores sequi iussum. Illic prope montem aquæ riuulo, & proximo palmeto vitæ aptum, quamuis alibi tota eremus squale-ret, substitit diutius. Accessit leniendo solitudinis tædio cultus hortuli, & agelli, vnde messis, & obsonium. Sed quid imperuium charitati? Discipuli, quos diximus in priori Cœnobio ab eodem institutos, Patris desiderio incensi, quem illic audierant confedis- se, eo irrumpunt maximo tamen vitæ periculo, quod regio fabulosa puteos, ac fontes vetaret, atque nonnullos ex his siti enecasset. Horum tandem precibus deuictus Cœnobium, & patriam repetijt; neque tamen huius recessus memoria adeo oblitterata, vt eum Sapius non reuiferet. Ita Ægyptus Antonij magisterio diu schola virtutum, & sanctitatis fuit; nam præter exemplum continentiae, quamuis ingenium nullis literarum studijs, sed tantum orationis, & meditationum frequentia excoluisset, tamen altiora quæque fidei mysteria penetrabat, eaque aduersus Gentes,

& Hæ-

*Cassianus  
collat. 18.  
cap. 5.*



& Hæreticos docte, ac diserte tuebatur. Porro Ariani veteratores, ut miram  
 eius sanctitatis, & doctrinæ opinionem in suam rem traherent, falso apud  
 Alexandrinos vulgauerant favere Ario Antonium, qua voce nihil gravius  
 Catholicorum mentes concussit. At ubi religioni, & famæ consulturus ipse  
 Alexandriam venit, & assertorem se gerens Catholicæ veritatis eorum in-  
 posturam detexit, non minimum visus est Ecclesiæ contulisse. Verum Ægy-  
 ptus iam minus capax ipsius gloriæ, famam Byzantium usque apud Constan-  
 tinum, & Cæsares filios ablegauerat, qua permoti illum patris titulo, nec se-  
 mel literis salutarunt. Neque tamen Augustorum ea de se opinio quicquam  
 factæ humilitati detraxit, quin longe humilior effectus cum oblatam Cæsa-  
 rum gratiam minus appeteret, minimos tamen Ecclesiæ ministros semper  
 maximi fecit. Consecuta est etiam in deserto occultantem se gratia prodi-  
 giorum, ex quibus Frontonis viri Palestini insignis curatio fuit. Is pessimo  
 genio correptus dentibus linguam, digitis sibi oculos lædere, ac lumen ipsum  
 odisse. Cum ad virum Dei perrexisset, & salutem obnixè precatus esset, ius-  
 sus ab eo in Ægyptum redire statim ac regionis illius fines attigit, Dæmons  
 exemptus est. Auxit & Antonij decus virgo Tripolitana, cuius e naribus, at-  
 que oculis excrementa defluentia illico in vermiculos putrescebant. Eadem  
 paralisi totum corpus dissoluta, oculis denique oblique contortis, miserum  
 sibi ipsi supplicium vivebat. Tunc forte monachi quidam ad Cœnobium  
 Antonij iter agebant, quos parētes secuti apud Senen præcabantur pro salute  
 filiæ legatione fungi. His, cum grauter pro officio agerent, Senex dixit, scire  
 se quale parentum fuisset consilium, quibus morbis puella affligeretur, & ubi  
 substitisset Legationis euentum expectatura, sed iam pro incolumitate eius  
 me exorasse vel ipsi cognoscetis, cum redeuntes restituta incolumitate lætam  
 ipsam, ac parentes reperietis. Ita prorsus nonagenarius iam Pauli primi  
 Eremitarum funus curauerat, & Ammonis Nitriotis animam Sanctorum  
 turmis circumuallatam aspexerat cœlum ascendere, eam patriam suspirās, sed  
 nihil de inita olim vitæ ratione remittens. Adjicitur his virtutibus prophe-  
 tiæ donum, quo cruentam Arianorum in Catholicos grassationem didicit, &  
 discipulis caussam mœroris sciscitantibus, post imminentem tempestatem,  
 quam deflebat, asseruit mox secuturam tranquillitatem. Etiam Balacio cui-  
 dam Arianorum patrono mortem præscripsit, quæ vaticinium subsecuta est.  
 Mortem vero suam, quam diu antea expectauerat, cum annum ageret quin-  
 tum supra centesimum, & prudens prospexit, & religiosus pia alacritate susce-  
 pit. Oderat morem Ægyptiorum, qui funerum superbe studiis cadauera  
 mire exornata humi defodere indignarentur. Propterea salutatis extremum  
 Cœnobitis ad interiorum eremum reuersus, post menses aliquot ætatem pro-  
 be actam, probe clausit. Ibidem a discipulis suo iussu clam sepultus, videri  
 poterat

*Sozom. lib.  
1. cap. 13.*

*Hieron. in  
Paulo.*

*Theodor.  
hist. lib. 4.  
c. 19. et 20.*

*Cassianus  
coll. 15 ca-  
pite 3.  
August. de  
diversis  
Serm. 120.*



poterat digno sui nominis sepulchro caruisse, nisi ipsum terrarum orbem famę monumentum, & magnum Athanasium habuisset epitaphium suę virtutis.

## N O T Æ.



*ENSETVR* in albo sanctorum sexto decimo Cal. Februarij. Corpus diuinitus reuelatum Iustiniano Imperante Alexandriam defertur, & in Ecclesia Præcursoris reconditur. Inde post multos annos sublatum apud Viennam Narbonensis Gallie urbem suscipitur, quo frequens diu peregrinatio fuit, sicut in Pataui-  
na historia meminimus, cum de Francisco Carrariense iuniore egimus.

Memoria apud Italos celebris est ex supplicio Sacrilegorum, qui facultates Ecclesię ipsius diripientes diuino igne succensi sunt.

Vitam ab Athanasio Græce editam Euagrius Antiochenus Latinis communi-  
cauit, in qua etiam Hieronymum laborasse oportuit, qui in Epistola ad Pamma-  
chium prodit rationem interpretandi, & opus suum fatetur præfatiunculam vitę  
præfixam.

Idem Antonium enumerat inter Ecclesiasticos scriptores, cuius recenset sc-  
ptem Epistolas Aegyptiace Apostolico sensu conscriptas, quas adhuc legimus in  
Bibliotheca Veterum Patrum.

Eiusdem præclara mentio est apud omnes fere Ecclesiasticos scriptores, Chri-  
sostomum, Ruffinum, Augustinum, Theodoretum, Socratem, Sozomenum, &  
alios.











HILARION fugiens fallacis gaudia mundi    E folijs iuncisq; sibi tentoria texens  
 Deserto abstrusus maluit esse loco    Excoluit vitam sobrietate suam.



# HILARION PALESTINVS.



V I S Hilarionē audiens apud parentes Idololatrias *Hier. Epistolarum. tom. 1.*

Christianæ militiæ rudimenta posuisse, ac deinde sub Antonio militasse, non illico dixerit æquaturum summos Imperatores? Quippe maximus adipiscendæ arti stimulus est magistri gloria; optimaque industriæ mater rerum initijs immixta difficultas. Alexandria literis traditus quamuis cum eruditione plurimam ingenij laudem assequeretur, tamen se se frequentius e schola in Ecclesiam pro-

ripiens, nulla vel coeuorum societate, vel spectaculorum cupiditate illiciebat. Ineunte pubertate celebrem Antonij famam in desertum secutus, abiecta ex templo togula sacrae militiæ sagum induit, atque sub eo didicit tenera adhuc manu acerrimum quodque armorum genus tractare. Mirum quam breui illic militarem disciplinam fuerit affecutus. Nam bimestri spatio tantiducis exemplo ausus est hostium impetus oratione excipere, vigilijs stratagemata eludere, ieiunijs aggredi, atque humilitatis ordine vbique retento se se tuto in castra charitatis recipere. Tironi initium fecit dignioris stipendij inimica solitudinis frequentia populorum, qui salutis, vel religionis causa ad Antonium confluebant. Coactus enim patriam repetere, cum parentes iam fato functos reperisset, hereditarijs opibus inter egenos dispersitis nudus pene in proximum desertum abscessit, quod sterilitate ceteris mortalibus inuisum, latronibus mire frequentabatur. Hic adolescens ætatem virtute superans (quintum decimum annum agebat) sacco amictus, incertis sedibus, & fortuito cibo pererrabat, ibi somnum capiens, vbi nox ambulanti opprimeret. Sed in sterili regione qualis fortuitus cibus? Nihil præter carices, & herbas, quarum succo illum aliquando victitasse scriptores meminerunt. Verrente anno cum latronum pauorem exuisset, tuguriolum extruxit, coepitque farculo terram excolere, & more Monachorum Ægypti e iunco fiscellas texere. Obstupuit perditum genus adolescentis audaciam, qui diutius auderet desertum inhabitare, cuius alij ætate, ac viribus audaciores, etiam aspectum exhorrent. Et quamuis nulla ipsius diuitiarum opinio, neque necis libido stimulare, tamen vt incusso metu illius constantiam experirentur, nocte tota frustra quæsitum mane obuium habuere. Truces aspectus, cruentæ manus, & armorum apparatus, nihil magis animum iuuenis terruerunt, quam si pacis nuncios exciperet. Inquirentibus an latronum incursus timeret, respondit nudo latrones non obfuturos. Quid si mortem intentarent? eam se pa-



ratum subire. Constantibus adeo responsis delectati, nocturnum errorem, & inferendi timoris voluntatem confessi, æquiora deinde vitæ consilia se inituros promiserunt. Abactis horum metu, qui animum sollicitauerāt, tugurio cellulam adiecit (an sepulcrum?) se ipso breuiorem, vbi defessa diurno labore membra ægere extenderet. Sed quis pro victoriarum nitore digne referat pugnas, quibus hostem aperta vi, & occultis vbique insidijs prouocantem toties deuicit? Quot annos noctu diuque in armis fuit? Improbis hostis nihil prætermisit, quo inuictam mentis aciem perrumperet. Ostenta ad terrorem horribilia, ad mollitiem spectacula immundæ voluptatis exhibuit; nunc Leonis, nunc vulpis artibus innocentiae struxit insidias. Attamen contra callidum, & præpotentem hostem inuictus stetit adolescens iisdem armorum præfidijs nixus, quibus ab Antonio Dæmonum vires infringi didicerat. Innumeris itaque de hoste triumphis, & gloria subactæ suæ ipsius cupiditatis clarissimus, annos duos, & viginti degerat in ea solitudine, cum fama ipsius e Palestina in proximam Ægyptum effusa multos eo pertraxit opem imploratum. Omnium prima mulier prolis experts, ac propterea marito exosa, felici partu sterilitatem exiit. Altera præclari generis matrona liberos tres morti, quam vitæ propiores, cum Dei seruum suis lacrimis nocte appetente in urbem deduxisset, incolumes recepit. Cæca item foemina lumini restituta est. Obsessos Dæmonibus viros, ac bestias supra naturæ impetus in ceteros truculentiores, catenarum, ac vinculorum nexus dissoluere suetas, coram solui iussas manu demulsit, ac imperio Christi, eiectionis obsessores, pristinae quieti reddidit. Ingens proinde virtutis admiratio plures eo Monachos traxit, alios etiam plurimos suavitatis religiose apud eum institui. Itaque cellula tuguriolo primum adiuncta paulatim in Coenobium creuit, & prædonum latebræ choros monachorum susceperet, quibus Hilarion ita præerat, ut prodesset. Sed iam ægrorum, & procerum affluxus cœperat torquere ipsius animum, quasi eremo in urbem conuersa nequiret austeritatis, & orationis studia sequi, atque veterem hostem pro desiderijs vlcisci. Biennium igitur huiusmodi curis obuolutus nunquam effugium assequi potuit obicem inferentibus Palestinianis, quorum aliquando decem fere millia ad suspicionem fugæ ipsius coacta etiam piam vim minitabantur. At Hilarion aperte experturus quod clam infeliciter cupiuisset, fama discessus consulto euulgata, dum eorum studiis retinetur integræ hebdomadis ieiunium tolerauit, comminatus se potius inedia e vita decessurum, quam non recessurum. Euicit plebis pertinaciam senis constantia, qui cum lacrimis dimissus recta in Ægyptum ad Antonij cellulam perrexit, qua lustrata, proximæ regioni iam triennium siccitate laboranti imbres impetrauit. Inde Alexandriam profectus vix securi iam imminentei ceruices subtraxit. Iulianus Cæsar a Christi fide ad Idolorum cultum reflectens,

Hilarion-



Hilarionem a Gentilibus Gazæ Urbis delatum, quod acrius in eorum superstitiones inueheretur, edicto proscripserat, immisso lictore qui in eum legere soxom. li. 5. cap. 9. ageret. Aderant vbiq̃ue lictori Gazenses, & cum senem digressum accepissent, Cœnobium ipsius funditus exciderant, Inde Alexandriam profecti illum ibi ad supplicium operiebantur. Senex tunc forte ad viculum vrbi proximum apud religiosos viros diuerterat; & quamuis auide exceptus esset, tamen precipitante in occasum die discipulos iussit propere asellum sternere extemplo abiturus. Indoluere hospites repentinum abscessum, quibus ille fore dixit, vt quam breuissime fugæ necessitatem rescirent. Die postera Gazenses, lictoresque, vt in Senem animaduenterent ædes irrumpunt, & diuina ope subtractum periculis falso magiæ nota deturpant. Res apud hospites vaticinium denudauit. At Hilarion deserta vltiora euagatus, cum etiam in Oasi annum ferre integrum asperrime degisset, quo non nisi crudeli exilio damnati deportabantur, in occidentem soluens naui Pachinum Siciliae promontorium applicuit. Dum in proximo agello nominis sui, ac virtutis occultator tuto delitesceret, fanaticus quidam Romæ in templo principis Apostolorum euulgauit aduenisse in Siciliam Hilarionem, vt lateret, sed velle se virum prodere. Conscensa naui in Siciliam tendit, senis secessum adit, & ad pedes ipsius prostratus depulso Dæmone liber exurgit. Inde multiplex eo ægrorum, ac piorum accursus, & prodigia. Oderat ipse suam gloriam, vnde Adriatico sinu traiecto cupiens in Dalmatia apud Epidaurum latere, ibi longe clarior fuit. Boam ex aquis serpentem maximum regionem late deuaſtantem, accolarum precibus permotus, super ſtruem lignorum conscendere imperauit, & subiecto igne incendit. Etiam æquor maximo terremotu nutans, qui necem Apostatæ Iuliani subsecutus est, cum in vrbis perniciem exundaret, obuius repressit. Hæc præ ceteris priuatæ salutis dona admiranda eandem viro nominis celebritatē, ac fugæ desiderium peperere. Cyprum clam abit, sed pari successu. Agmen arreptitorum Papho vrbe elapsum ad Hilarionis aduentum littus obsidet, naui descendente ambit, ac penè sanitatem ab eo extorquet. Ipse præmissa ad Deum oratione vniuersos fugato Dæmone liberos iubet, sed insignem de eo victoriam sibi in sæuiorem pugnam adsciscit: nam in proxima solitudine nactus montem vel Ibicibus imperuium, eo lubentius irrepsit. Inerat Idolorum vetus fanum, quod Dæmonum infestatione ab incolis olim desertum hætenus laruarum terrore gentem arcebat. Id seni pergratum obuenit, quia cominus poterat hostes laceſſere, & senilibus prælijs iucundam victoriarum memoriam sibi refricare, quas vigente ætate ab singulari certamine retulerat. Illic non alijs armis, neque artibus pugnatum est, quam oratione, & ieiunio, quæ illustriora visa sunt in viro octogenario etiam nimia vitæ austeritate confecto. Post annos quinque ex humanis sanctissime decedens iussit Antonij

Zosimus  
lib. 5.



tonij exemplo corpus suum clam defodi, quod gloria virtute parta, se etiam inuito, plus nimio eluxisset. Ita vitiorum domitor, vt etiam inanem gloriam cuitaret post mortem, vulgari tumulo susceptus de sepulcri luxu visus est triumphasse.

## N O T Æ.



*RECOLITVR inter Sanctos duodecimo Calendas Nouemb.*

*Corpus ab Esichio eius discipulo longa decem mensium simulatione ad sopiendam Cypriorum de eo suspensionem clam ad Maiumæ vetus Cænobium in Palestinam transfertur, quod olim sub Iuliano Apostata dirutum, postea restitutum fuisse oportuit. Locustamen sepulcri in Cypro innumeris fulsit miraculis, ac si videretur Hilarion voluisse, eam gentem solatio prodigiorum consolari, postquam reliquiæ ablatae essent. Itaque Palestini letari sibi corpus Hilarionis adesse, Cyprii in sepulcro gratiam eius spiritus.*

*Etiam Crypta apud Ragusium hætenus Hilarionis memoria insignis habetur.*

*Vitam primus græce edidit Epiphanius Salaminae Episcopus, quam Sophonius latinitate donauit. Sed longe ea ampliorem Hieronymus.*

*Apud Pachinum in Sicilia eundem ligna venum attulisse, non discipuli dorso imposuisse, scribit Sozomenus, & Nicephorus; unde laborem, & humilitatem propius intuearis.*

*Octogenarium decessisse supputat Baronius in Martyr.*











A primis ABRAHAM pietatis sedulus annis Fortiter aduersos fortune pertulit ictus,  
 Cultor, amans pura religione Deum 4 Obsequio cunctis diues, inopsq; sibi.



# ABRAHAMVS SYRVS.



**L**EDIA macer, quem ex amictu ferino vix hominem dignoscis, Abrahamus est, quem a nuptijs amor solitudinis abstraxit, & ad totius virtutis fastigium emergenti Antistitis sui obedientia martyrij laudem adiecit. Paternarum opum largitione, iugi bello, & innumeris de antiquo hoste victorijs, quemadmodum heroes ceteros coæquat, ita antecellit triumpho nobiliore; quod solus aduersus populos ingenio, & praua superstitione feroces, immane prælium sustentans, eos denique multa sanguinis vi coegerit Christo arma submittere. Eam prouinciam plures olim subierant tum Clerici, tum Monachi, etiam audacter speciosum facinus aggressi, sed non pertinaciter, vbi barbarus furor iniurijs, & plagis dæseuijt. Proinde Episcopus vnum Abrahamum suspiciens, illum e Cellula mœrentem trahit, & potestate, cui reluctari nefas est, Presbiterum impiæ plebis designat. Dispar adeo militiae genus tantum abest illum pro vitæ periculo exhorruisse, vt in Vicum extemplo progressus Deo Ecclesiam excitauerit, in quam, velut in arcem, sibi receptus esset, & prædæ locus, quam de hoste victor ageret. Vbi castra munijt, aduersus Templū, & Idola regionis impetum fecit, eaque diruit. At gens eam Deorum suorum stragem adeo acerbe tulit, vt apprehensum Presbiterum, cæsumque pene discerperet, vetante diuina clementia, ne extremo serui sui supplicio publicam iniuriam ultum iret. Lacerum, cruentumque arx recepit, vbi de salute gentis, quam sua sollicitior nocte tota preces, & lacrimas fudit. Mane cum in Ecclesia orans repertus esset, barbaros stupor defixit. Liuebant adhuc membra ab recenti cæde, cum auditores aliquot ad Christi fidem exhortans, iterum a furenti populo cæditur, iniecta pedibus resti extra Vicum trahitur, saxo obruitur, & pro confecto relinquitur. Semiuiuo adhuc Ecclesia perfugium fuit, & maior efferae gentis ira, & admiratio. Ita triennium alter mitis beneficio, alter iniuria ferox depugnauit. Augebat etiam Martyrij decus fames, sitis, & omnium rerum egestas, quæ viro contingebant inter infensos populos, & alieni ritus. Deuicit tandem tolerantia improbitatem, & gens paulatim capta innocentia, & sanctitatis nitore, cœpit etiam diuinis colloquijs aures admouere. Hinc magis in dies cicurata Abrahamo facile fuit ab auita impietate deducere, eaque eiurata, in Christi fidem transferre. Moram ibi aliquam traxit, vt recens baptismate initiatos reliqua fidei mysteria edoceret. Verum postquam fide, & proposito firmos sensit;

**D** seu



seu odio erumpentis gloriæ, seu amore veteris instituti, clam aufugit. Gloria tamen fugientem persecuta est, cum illic ex neophitis suis suffectum sibi ab Episcopo Presbiterum audiuit; in tantum vbertatis, & maturitatis ager deuenerat, quem longa patientia cultum Martyris cruor rigauerat. Sed quem hactenus Eremitam, & Presbiterum spectauimus, etiam militari cultu, & luxu libidini proximo, generoso equo insidentem sequamur in turpem ganeam, quo illum deflexit amor prostitutæ mulieris, & coegit conuiuio laute vino, & carnibus instructo, ieiunium quadraginta annorum expugnare. Metamorphosim aggredior. A cura pastoralis, ad cellulam reuersus, puellam vnicam ex fratre defuncto, religiosæ instituere coeperat, atque eidem Priorem cellulam dimiserat, altera sibi extructa interius, vnde per finestram alloquium, & eruditio. Non aberat a religione ingenium, nam psalmos, & preces edocta, ieiunijs quoque, ac vigilijs assuescebat. Postquam puellares annos egressa est, hereditatem sane amplam erogauit conuiuente Patruo, vt omnis curæ expers cœlesti sponso impensius studeret. At vicesimo in ite austeritatis anno corruit misera vitio cuiusdam Monachi, qui ingeniose nequam eimentis religionis, & doctrinæ desiderium ad patrum ventitabat. Itaque infelix stupri foeditate in desperationem acta, se se fuga patruī oculis subduxit, & quia nihil ad victum suppetebat, formam, qua mire excellebat, in caupona quæstui euulgauit. Nocte, quæ fugam præcessit, Abrahamo per quietem se se obtulerat draco immanis, qui præ foribus visus columbam deglutire, in caueam relabebatur. Senex somnium torsit ad odium antiqui Draconis in Ecclesiam Dei; sed quam longe ab iactura familiari? Post biduum speciem adhuc draconis aspexit, ad fores reuersam disruppi, e cuius ventre foetido ipse columbam manu incolumem educeret. Tunc, quia res iterum præ foribus agebatur, suspicatus est sibi potius malum portendi, quam Ecclesiæ. Irrepsit suspicio ab Mariæ (id neptis nomen) silentio, cuius iam biduum nulla vox audiebatur, cum tamen aliàs psalmos recitaret assidue. Hanc terque quaterque frustra vocatam, illico Draconis escam intellexit. Fuga index aderat pessimi cuiusque facinoris; & in virgine suspectabatur facilius, quod inhonestius. Quæ afflictio, quis dolor? Neptem filia cariorem eo religionis, & pudicitiae euectam, vt extra sortem posset existimari humanæ fragilitatis, sua oscitantia, suis sub oculis in præceptis vitiorum corruisse? Hæcine domestici pudoris, & familiæ suæ nobilitas, vt alter decus maculet, alter contemnat? Postquam lacrimis, & questibus pro facti indignitate indulsit, cœlum ipsum suspexit, & Deo rem commisit, interim pro virili scrutaturus, an misera alicubi constitisset. Ipsa biennium in turpi domicilio exposita aduentantium libidini, etiam vitij potuisset cum veterrimis Scortorum decertare, cum patruus rescivit illam e fuga in lupanaris infamia confedisse. Num ingenuum senis

animum



animum poterat aliud telum altius transfigere, aut veneno sæuiore illitum vitam ipsius ad mortem impellere? Sola virtus mortem arcuit, quam moeror inferebat. Attamen illum in aliquam spem erexit is, qui neptis statum nunciauerat; nam iussus reuerti, locum, mores, familiam probe didicerat, & Abrahamo fidus immane opus aggredienti etiam militare sagalum, arma, equum, & pecuniam pollicebatur. Itaque Senex abiecto cucullo miles emergit, pileoque ampliori Caluitium, & canescentes genas celans, sexagenario maior adolescens, in cauponam diuertit, neque inficiatur caussam sui aduentus cupitam diu formam illius foeminae. Subrisit caupo discordem ab ætate cupidinem, sed vt fert auarum genus, mulierem adducit ornatu meretricio lasciuientem. Quo incendio Abrahame tua facies exarsit? Quæ virtus lacrimas repressit? Tibi misellæ nepti, quæ nubes ademit agnitionem paterni vultus? Quæ cera aures obstruxit, ne blandientis vocem intelligeres, quam milles audieras psalmos, & preces docentem? Profecto vltra humanum captum diuina res. Alloquitur Pater puellam, potat, colludit, illa fabellis miscet oscula, neque senex abnuitt, immo ære dato Cænam opiparam iubet. Postquam epulis, ac vino indultum satis, nocte iam incunte in cubiculum adscenditur. Neptem calceas seni detrahare, & in reliquum obsequium paratam, ipse iussam ostium obserare, deinde consedere, manu apprehendit, & detracto pileo caput aperit venerabile, Mariam appellat, precatur patrum agnoscere, lacrimas profundit, filiae nomen ingeminat, iuuenilem lapsum commiseratur, infert spem veniæ, & sequestrem se diuinæ clementiæ pollicetur. Inhorruit misera saxo simillima præter lacrimas vitæ, & doloris indicia. Nulla vox, pene neque sensus, cum in sceleris foeditate defixa hoc ipsum sub ora patris foedissimum intueretur; hoc data oscula, molles cachinni, hoc ipsum cubiculum, ac lectus quæsitus exprobrabant. Terram spectabat, an se viuentem dehisceret, longe mitiorem arbitrans eam mortem, quam patris aspectum. In silentio assiduus imber lacrimarum, & suspiria, mox singultus, donec compressa inter patris fletus, & preces, ac si inter saxa riuulus immurmuraret, vox erupit, se, suaque in ipsius potestate esse, ac velle se tantum facinus acriori supplicio redimere. Noctis reliquum ille hortamentis, ipsa lacrimis, & orationibus absumpsit. Mane despectis cum præteritæ vitæ ignominia etiam opibus, quas illic meretricius quæstus congefferat, ex lupanari, perinde atque e ventre teterrimo ostensi draconis, victor patrus captiuam neptem educeret, eandem in speciosum triumphum trahens ad priorem cellulam reuexit, egregio exemplo pastoris, qui grege per desertum dimisso ouem procul aberrantem quæsiuit, & humeris sublatam gregi restituit. Præstitit etiam neptis abunde, quod sponponderat; nam æmula illic alterius Mariæ, quæ Iesu pedes lacrimis rigans proprias sibi maculas lauit, Cruci inhærens, eamque iugi flectu



inundans, admissum scelus deterfit, atque ad eam diuinæ gratiæ celsitudinē peruenit, vt nihil peccati apud illam reliquum esset, præterquam ad incrementum virtutis peccati meminisse. Digna profecto fœmina, quæ inter clariores huius Musæi Viros, locū, & imaginē haberet, proprio elogio honestādam. Abrahamus, qui olim improbi Dæmonis victor, mox de profano Idolorum ritu triumphauerat, etiam altera redemptæ neptis gloria inclytus, decennium superstes, mortalibus vniuersis, quos in admirationem traxit suæ virtutis, vbique memorabilis, immortalibus illico inferendus, mortem obiit vita sua dignissimam, semper tamen facti huius memoria apud posteros rediuius.

## N O T Æ.



*ABRAHAMO* Stata dies est in Romano Martyrologio 17. Cal. Aprilis. Ibidem proditur auctor ipsius vitæ S. Ephræm Syrus, quem in actis idem Abrahamus dilectissimum fratrem appellat. Neque male ex his conijcies affines eos extitisse, quum testetur Abrahamus puduisse, ac doluisse Ephræm infamiae neptis, eumque pro scelere diluendo apud Deum comprecatorem misella eidem polliceatur.

Meminit eiusdem Baronius 4. Annalium ex occasione Ecclesiæ Lampsacena, in cuius parœcia idem Idolatras conuerterat. Minus tamen eidem assentimur opināti de hoc meminisse Ephræm in testamento, si quidem longe antea defuncti mortem in calce ipsius vitæ descripserat.

Itaque rectius dictum credam de Abrahamo altero Ephræm ipsius discipulo, de quo mentio est apud Sozomenum, & Nicephorum.

De alio Cyrense agit Theodoretus in Theopili, siue Patrum religiosa Historia. cap. 17.

Alius item Aegyptius memoratur a Palladio in Lausineis numero 105. cuius fortassis ea miracula extiterunt, quæ recensentur a Cassiano Collatione 15. cap. 4. & 5.











Acta prius fuerat cui vita monastica, MALCVS Prefectusq; gregi curat pecus; hinc praeunte  
 A Saracenis captus, ouile regit. Numine, coenobij tecta adamata subit.



## MALCHVS SYRVS.



VÆ diræ insequuntur desertores? Sed neque re- *D. Hieron. Epist. 10. 1.*

cte dici potuit Malchus institutum deseruisse, quam uis matris, & patriæ desiderio magis specioso quam utili, diris caput obiecitauerit vix post amissam libertatem, & plura vitæ ipsius pericula, exsatiatis. Attamen non vacat ruinæ culpa, qui se obnoxium prebet. Olim coniux puellæ designatus anxios nuptiarum parentes fuga eluserat, & procul patria sub Abbatis imperio cucullatus prospera aliquot mino

ra prælia aduersus Dæmones gesserat, non obscura maiorum virtutum spe. At ignarus insidiarum, quæ pietatis, & decoris specie struuntur, quam facile captus est? Suadet callidus hostis impium esse, matrem viduam, longæuamque aliquando non reuifere; posse in patria suo exemplo multos ciuium ad religionem allicere, & ex ære paterno Cœnobium excitare, vbi numero, & obsequio ampliore diuinis rebus deseruiatur. Immiscet melli venenum. Non indecorum esse, aut inutile, si ex hæreditate quippiam seponat in solatium senectutis. Hausit ille incautus; nec semel ab Abbate missionem postulauit. Qui usu edoctus, senserat Dæmonem cuniculos agere, & aureo calice diuini, & materni cultus, exitium misero propinare. Itaque Malcho insidias aperire, & lacrimis obtestari, quod specie charitatis alienæ propriam salutem proderet. Ille coeptis insistere, donec Abbas irritus consilij missionem indulsit. Iter erat primo Berocam, tum Edeßam, inde in patriam, sed inter vtramque urbem solitudo Sarracenorum incursionibus patens, quam propterea viatores non singuli, sed aliqua mora in confinij coacti numerosiores capessebant. Malchus promiscuæ turbæ immixtus inceptum ea iter pergebat, cum Sarracenorum turma numero, & armis instructa ex insidijs imbellem turbam peregrinorum aggreditur, cedit, spoliaturque. Seruus fit vnusquisque fortuiti raptoris, atque parentes a filijs dirempti, viri ab vxoribus, vt fors ferebat, diuersi abiguntur. Ipse cum vxore alterius captiui, quem alio prædones abduxerant, in prædam vni obuinit non infimæ sortis inter id genus. Imponuntur ambo Camelis insueta sessione trepidi, & ex alto coram semper præcipitium suspectantes. Eremus petebatur, quæ longo itinere aberat; & cum humaniores cibi deessent, cogeantur captiui cruentis carnibus, & lacte vesci camelino. Inter deuia solitudinis tandem prædonis ædes affuere, vbi ille heri sui vxorem, & filios submisso genu de more gentis venerari coactus, pecori præficitur, quod inter deserta, vel remotius, pasceret. Id præter om-

nem



nem spem misero solatium fuit; nam longius ab hero gregem ducens, Abbas sui vaticinium, & desertum Monachorum conturbenium lacrimis, & solitudine vlciscebatur. Etiam animo fixus, vnde pedem auerterat, Monachorum ritus æmulabatur, psalmos, & preces recitans, quas apud eos didicerat; lætus captiuitate eluere facinus male appetitæ libertatis. Victus asperitatem locus dabat, vigilias cura gregis requirebat, vt nisi felicia contingerent, videretur his aduersis saluti optime consultum. His studijs grex auctus in multam prolem Malchum hero suo ita conciliauerat, vt præmium aliquod eidem medietaretur, quod omnibus tormentis atrocius illum affixit. Ac si cælibatus tædium, & gregis curam solatio coniugij lenire vellet, concaptiuam Malcho foeminam vxorem despondet, & nuptias recusanti stricto mucrone imminet. Is præsentem foeminam arripit scutum potius, quam vxorem, & alieno periculo gladium euitat. Connubij pignus id acceptum barbari iram compefcuit. Sed cum ambos in proximum specum nox coegisset, timore necis exanimis, & nuptias æque abhorrentes, Malchus in arcto turpis salutis, vel honesti exitij confinio, deflere cœpit, virginittis decus irreuerabile illic infami adulterio extinguendum. Et post nœnias, supra vitæ desiderium exofus facti improbitatem, cultrum pectori admouebat moriturus; & sua manu cecidisset, nisi Mulier manum cohibuisset, atque affirmasset, velle se coniugem palam credi, clam sororem esse, & id fædus summa fide, & silentio obtekturam. Reuixit hic, eamque vxore multo cariorem habuit, sollicitus tamen, cum ea ne socordia pacis amitteret, quod in ipso belli feruore seruauerat. Mutuus amor opinionem apud heros coniugij fecit, & gregis felicitas, in quem ambo curas coniunxerant, omnem fugæ suspicionem ademit. Ita aliquot annos captiuitas tolerata. Sed Malchi animum semper coquebat prioris vitæ recordatio, qua, dum corpus naturæ necessitatibus deferuiret, mens extra humanam sortem Cœlo inuecta inter Angelos residebat. Ea propter statuebat in mortis discrimen se se dare, vt ab Sarraceno liber ad Christi iugum rediret. Mulier virilis audaciæ, & consilij particeps comitem se se itineris, & periculi pollicebatur. Fugæ videbatur opportuna gregis cura, quæ ambos in solitudinem itinere bidui, ac tridui, domo procul trahebat: Sed consilij oberat flumen proximum ab decimo milliario, quod nec ponte, nec lintre traiciebatur. Verum quid non audeat spes libertatis? Hircos, qui toto grege eminebant, binos maçant: ex pellibus vtres conficiunt, carnes in viaticum parant. Noctu fuga initur, & conscensis vtribus pede remige ad vltiorem fluminis ripam appellitur, & nocturno sæpius itinere, quod æstu, ac latronibus loca infesta essent, rectâ in Syriam abitur. Nihil hætenus incoeptis aduersum. At herus eorum fugam edoctus, cum famulo vestigia fugientium secutus, Camelorum beneficio, & viarum peritia adiutus, in patenti campo



campo ex præalto Cameli dorso conspicuus aduentabat. Quæ fugitiuis ab herro atroci vitæ spes? Vna prorsus, si prætereuntis oculos latere possent. Fortead dexteram Crypta erat, quæ intra telluris viscera profundius videbatur penetrare. Sed quæ loco fides, vbi serpentes, scorpij, atque id genus venenata animalia Cœlo flagrante delitescunt? facti tamen conscientia, & certa atrocis heri sæuitia, suavit incertum vitæ illic effugium. Itaque in Cryptam descendunt, velut salutem in sepulcro quæsituri. Descensus in binas Caucas ferebat; hi ad læuam flectunt maxima felicitate. Illic dum inter spem, & metum secum colluctantur, famulum probe cognitum audiunt immani voce fugitiuos ad necem inclamantem. Nullum e cauea responsum. Ille, vt latentes extraheret, in Criptam descendit pessimo malo; nam Leæna, quæ in altera cauea fætum nutriebat, arreptum discerpsit. Herus etiam, qui seruum intus arbitrabatur distineri a reluctantibus, exerto gladio ingressus sub aspectibus eorum ab eadem fera lacer interiit. Pulchra de hoste vindicta, nisi exemplum alienæ necis propriæ metum iniiceret. Quid ibi? Persistentibus fame, fugientibus Leænæ vnguibus pereundum. Attamen mora potius, quam fuga, infortunium auertit: nam fera sentiens cubile palam esse, accepto Leunculo mane antro cessit. Illuxit spes aliqua salutis, quam tamen illi non exemplo adesse credebant; veriti Leænæ reditum. Sed vbi post multum diem extra omnem ipsius suspectum trepidatio in audaciam conualuit, e sepulcro victores abscedunt. Hæc miseriarum meta extitit, mox ad obitum vsque felix omnium rerum decursus. Ponè antrum Cameli occisorum reperti opportune captiuos metu, & itinere confectos iuuerunt. His ambo ad Romanorum castra decimo die perueniunt, inde in Mesopotamiam proficiscuntur, vbi Camelorum precio deinceps vitæ tranquillioris necessitati consuluerunt. Abbas Malchi olim institutor diem obierat, neque orbatum tanto lumine Coenobium votis respondebat, vnde progressus Maroniam, viculum ab Antiochia trigesimo milliario, illic se se Monachis adiungit, & Mulierem captiuitatis, & periculorum comitem sacris virginibus commendat, donec ætas fatiscens omnem cupiditatis fomitem restinxit, & charitas ambos sancto contubernio rursus coniunxit. Conuixerunt ad extremam vsque senectam insignes adeo abstinentia, & studio diuini cultus, vt Zachariæ, & Elizabeth simillimos incolæ prædicarent. Stabili hac inter populos fama excitus Hieronymus Dalmata adolescens, mox Eremita, & Sanctæ Ecclesiæ doctor eximius, Maroniam adiit, & virtutem opinione longe clariorem expertus, etiam historiam eorum ad posteros transmisit. Eorum mortem licet scriptores silentio inuoluerint, nullas tamen existimauerit vitæ imparem, cum beatæ perennitatis pignus sit ipsa mors nullius sceleris anxia, & sibi felicitatem ab excessu inchoans.



## NOTÆ.



**I**OCVM habet Malchus inter Sanctorum memorias, quæ in Romano Martyrologio leguntur 10. Calen. Nouembris. Neque plura de eo apud veteres præter ea, quæ Sanctus Hieronymus coram accepta ad multorum profectum scripsit.

Habet ex his religiosus quisque exempla artium, quibus Dæmon Seruos Dei specie recti deceptos e portu tranquillitatis auertit in immane pelagus miseriæ, & periculorum.

Meminit eiusdem Theodoretus inter Anacoretas Antiochenas cap. 26. libri quarti Historiæ Ecclesiasticæ, & Baronius in Annal. tom. 4.











*Duxit IOANNES rigidam sine crimine vitam, Rupe caua sedem sibi legit: ibiq; petulcam  
Affectus prauos sobrietate domans. Carnem sub. mentis compulit ire itiqum.*



## IOANNES ÆGYPTIVS.



I C Præcurſori a ſacro fonte cognominis, & vitæ *Eng. cap. i.*  
inſtituto proximus, inter confragoſas rupes appi- *Pallad. mu.*  
ctus eſt, quas non hominum pedes, ſed & animi re- 43.

fugiunt. Sic aurum inter montium latebras, & in-  
ter cautes gemmæ abduntur nobiliores, vt nullibi  
ignauia, at labori pulcher vbiq; locus, ac præmium  
ſit. Haſ iuuenis admodum conſcendit, ſenex ad obi-  
tium uſque retinuit, aſtero victu loci aſperitati con-  
ſentiens. Quot ſaxa aſpicias, tot habes præliorum te-

ſtimonia, quibus cum antiquo hoſte acerrimus ipſius debellator confligit.  
Victoriarum præmia noſce gratiam miraculorum, & rerum futurarum præſa-  
gia, quibus ille extra Ægyptum apud Theodoſium piſſimum Auguſtum, &  
principes viros, excelluit, nec ſemel ab his conſultus imminentium bellorum  
euentus prædixit. Ad eam uſque ætatem, quam proxima mors clauſit, Cœ-  
nobiolum, quo ſe concluſerat, nulli patuit; ſed aduenientium neceſſitati com-  
paſſus permiſſit iuxta ædes conſtrui ampliores, quo tamen nec promiſcuum  
acceſſum voluit, neque ad libitum, ſed ſtatis diebus, ac viris tantum. Aderant  
etiam cellulæ diſcipulorum, qui eoſ exciperent. Ceterum ipſe e fenestra præ-  
ſentes erudiens, ægros tactu, abſentes tranſmiſſo oleo incolumitate donabat.  
Nullam toto æuo mulierem eò irrepere paſſus eſt, quod earum aſpectu hoſtis  
molliores animos vexaret, eoſque infirmitatis commiſeratione illuc detor-  
queret, vbi charitas ſenſim in cupiditatem abduceretur. Ne tamen ſexum mor-  
bis obnoxium, & in religionem verti facilem, fructu precum ſuarum frau-  
daſſe videretur, pluribus earum abſens opem, & beneficia impendit. Coniux  
Senatoris cuiuſdam cæca oleo tranſmiſſo illuminata eſt. Tribuni militum  
alteri, quæ virum miſerat facultatem adeundi imploratum, domi affore pol-  
licitus noctu per ſomnium aſtitit, via interdixit, & ægri tudinem repreſſit. Item  
militem anxium de vxoris ſalute, quæ domi vtero laborabat, admonuit ea  
die foetum enixam vitæ periculum adiſſe, atque euafiſſe. Nihil domi ab re-  
deunte præterea repertum eſt. Quis vaticinium negauerit? Verum priuatam  
rem poterant domeſtici parietes ſupprimere. Alterum inſignius fuit; Æ-  
thiopes, qui proximam Sienem incolunt, caſtra Romanorum apud Cyrenem  
in confinijs arcebant, ne intra prouincias more gentis populabundi irrumpe-  
rent. Sed hi numero aucti ultro in Romanos inuehuntur, eoſque maxima  
clade attritos in caſtra compellunt. Præfectus ægre hiſ ſe ſe continebat mili-  
tum paucitate, ac trepidatione veritus in diſcrimen caſtra, & prouinciam da-  
re.



re. Et quia cladium, & victoriarum auctorem Deum sciebat, ad Ioannem ipsius seruulum confugit, orationis opem flagitat, refertque. Consequitur Limenarchæ fidem belli exitus, & egregiam de hoste victoriam obtinet eo ipso die, quo illum Ioannes iusserat signa conferre. Sed etiam vox huius vaticinii paulo ultra Cyrenem. Alterum de Maximi excidio, qui imperium inuaserat, longe maius totum pene orbem terrarum circum egit. Nam Theodosius priusquam in Maximum ab oriente exercitum duceret, Ioannem percontatus de suscepta in Tirannum expeditione accepit maximum bellum minimo cruore, & insigni ipsius victoria quieturum. Eodem spiritu Eugenij item nefarie Romani imperij decus occupantis excidium, sed maiore vtriusque exercitus cæde, eidem Theodosio prædixit. Porro vaticinium vbique decantatum, & apud omnes illius æui scriptores celebre, contigit etiam Palladij Galatæ (vtinam non Origenistæ) præsentis testimonio firmari. Tunc forte idem ad Ioannem venerat, & inter comites assidens Senem audiebat, qui de Religiosi viri pedia sermonem instituerat. Is salubrem admodum doctrinam prophetico nuncio ita clausit. Hodie deuictio Eugenio, & late pacato Romano Imperio, Theodosij Epimicia Alexandriam perlata recipiuntur: neque his diu superuiuet Cæsar, cui trāquilla mors imminet. Vitæ breuitas, & mortis genus vaticinio egregie responderunt. At sermonem coram exceptum Palladius scripsit, in quo piam eruditionem exemplis instructam, & scripturarum auctoritate firmam lector iure admiretur; præsertim cum nesciat quomodo Senex intra cellulæ limen persistens ceterorum Eremitarum arcana rescauerit, nisi edoctus spiritu prophetiæ, quo varios hætenus bellorum euentus, ac regionis fertilitatem, vel sterilitatem præsciuerat. Post impertita tot ægris remedia, post exhibitum peregrinis obsequium, tres & quadraginta annos muro septus nihil in cibum sumpsit, quod igni admoueretur, sed nec aliquando, nisi post occiduum solem. Fortassis exemplum Diui Præcursoris excitabat, cuius dapes didicerat in eremo fuisse locustas, & mel siluestre. Eiusdem etiam studiosus martyrium fuerat æmulaturus, si alter Herodes iugulum appetiuisset. Verum habeat suum decus Martyrij cupido, & sanguinis effusionem compenset macies tanto ieiuniorum, vigiliarum, & carceris squalore non minus laboriose acquisita, quam in annum ætatis suæ nonagesimum constanter tolerata. Ante obitum præscius optatæ migrationis cum prohibuisset, ne quis discipulorum ad se accederet toto triduo, extremū diem obiit, visus etiam post mortem poplite in orationem flexo voluisse cursum vitæ sistere eo silentij, & orationis studio, quo acceperat.



## N O T Æ.



*ABETVR in albo Sanctorum 6. Cal. Aprilis.*

*Elogium ex Euagrio, & Palladio constat.*

*Nos præter ea, quæ de Ioanne apud Hier. Epistola ad Ctesiphonem, Augustinum, Ruffinum, Theodoretum, Prosperum, & alios leguntur, comperimus apud Cassianum Collatione 2. cap. 2. Diabolicam illusionem, qua Deo permittente coercitus est, ne deinceps oblitus moderationis corpus ieiunio conficeret.*

*Etiam in primo Dialogorū Sulpitij Seueri, referente Posthumiano, habes duo insignia exempla obedientiæ, & patientiæ Ioannis: alterum in irrigatione aridi scipionis, alterum in impulsu saxi prægrandis.*

*De eodem sæpius agit Baronius Annal. tom. 4.*







F. Valerio f.

Officio calami taciturnus voce, THEONAS  
Jugiter erudit communivitq; suos.

Quos morbus vel debilitas afflixerant, ad se  
Adductos valida restituebat op̄e.



# THEONAS OXYRINCÆVS.



**I**BEAT post imaginem Theonæ hac oris maiestate, oculorum nitore, canicieque suspiciendam, etiam ingenium admirari, quo triumphalem virtutum viam ingressus, ea prius se ipsum captiuum traxit, mox de hoste acerrimo triumphum egit. Docebit profecto non alijs armis Dæmonis imperium euerti, quam quibus victor cupiditatum animus se ipsum vicerit; neque arduum esse eidem hostes subigere, qui seipsum subegerit. Sed quod de te ipso decus, quis de hoste triumphus o Theona? Non satis videbatur opes, lares, atque parentes deseruisse, ut ut pauperrimus Christo adhæreres, atque arcta specula conclusus vitam ab omni vitæ desiderio immunem degeres, Dæmoni territamento, mortalibus miraculo esses, nisi etiam stupente Cœlo triginta annorum silentio nomini tuo immortalitatem dares? Efferat vetustas iactabunda, sed non conferat tecum, Harpocrates, & Pythagoras suos; cum silentij illorum origo a studijs, vel fictæ religionis, vel humanæ sapientiæ prodeat, ut ad scopum brevis gloriæ finiat. Tuum vero a diuinis obsequijs cæptum, eaque longe diuturnius, non nisi in excessum charitatis desinat, qua miserorum supplicio intercedis. Iuuat enarrare nobilem institutæ taciturnitatis lapsum, ut qui virtutem continentiae triginta annorum admiratur, contemptum ipsius ex occasione longe clariorem commendet. Prouectus Theonas diuina ope ad apicem Christianæ perfectionis, etiam miraculorum gratiam acceperat, suetus ægros e tota regione confluentes tactu incolumes remittere. Aberat omnis gloriolæ, vel quæstus cupido. Sed quia discordant hominum ingenia, ut singuli ad vitia, vel virtutes deflectunt; incessit quosdam perditissimos suspicio quod ab ægris precio salus redimeretur, eoque Senem pecuniæ plurimum corrasisse, quod apud illum eadem cellula abderetur. Digna suis auctoribus opinio, nec dispar improbitati audacia, qua in facinus itum est; quamuis etiam impius quisque ab euentu cognouerit diuinitus permissum esse, ut Theonæ pauperiem, adhuc meritum inter populos obscuri nominis, infamis latronum avaritia illuminaret. Furto silentium quærebatur, quod nullum extitisset superstitie Theona. Itaque etiam mitissimi viri necesse condita, illum nocte intempesta adoriuntur. Ipse exsomens, ut Sanctorum Patrum mos est, nocturnis hymnis, & precibus Deo gratias concinere, orationi inuigilabat. Sed cum scelesti se se in conspectum dedissent, contorta in eos oratione beati senis ita obriguerunt, ut nemo muros attingere, non tela

F expedire,



expedire, sed neque loco moueri posset. Diceret brachia catenis obstringi, pedes inhærere vestigijs, nec quicquam in corpore liberum præter os, quod tamen concepti facinoris conscientia obstruebat. Ita noctem metu proximi exitij luctuosam agentes diem longe atrociorē operiuntur. Aurora vindex nocturni sceleris multos illuc mortalium contraxit, qui e propinquis villulis religionis, vel salutis causa frequenter ad virum Dei accedere consueuerant. Ab his probe agniti sunt latrones, & aucta est suspicio maximi cuiusque facinoris tum ex armorum apparatu, tum ex prodigio interdictæ libertatis. Itaque hærentes miseros vinciunt, & dum miraculi occasionem requirunt, fur-tum, & mortem Theonæ meditados audiunt. Omnium mens fuit vtrumque scelus incendij supplicio vindicare. Non ligna, non ignis aberat; & cura omnium de salute pij Patris, & ceterorum exemplo sollicita. Facinorum extrema ea dies, ac vitæ erat, nisi Theonas illorum necem miseratus in has voces silentium tricennarium corrupisset: Incolumes abire eos permittite, nisi vultis abscedere a me gratiam curationum. Vox, ac si Cœlo delapsa esset, populum mouit statim damnatos exsoluere, illos vero se se arctius illigare. Nani quisque eorum mutatis repente vitæ consilijs ad proxima Monasteria perrexit, atque in ita religione patratum scelus, studuit obliterare. At senex vltus iniuriam beneficio, etiam taciturnitatem in posterum adamauit, & cum diruto pariete cellulæ ostium aperuisset, vnico oblectabatur solatio vastam Ere-mum noctu peruagari. Constans fama fuit, siluestres feras tunc ad eum venire, & cellula egredientem comitari consueuisse, quas idem rediens, e proximo puteo potaret. E vestigijs Caprearum, bubalorum, ac similibus circa ea loca plurimis, famæ fides. Attamen qui silentium perinde horres, ac tyrannum humanæ libertatis, quæ vnius linguæ ministerio immensos animi fluctus exoneret, & si eos silentio comprimat, spumam ipsa ac falsedinem in suam vertat perniciem, potes etiam temperamentum ipsius accipere, quo Theonas moerorem, ac tædium leniuit. Ægyptijs literis probe excultus, Græcas item ac latinas familiares habuit, quarum auxilio sacros libros euoluens sibi solatium, ceteris eruditionem parabat. Palladius inter plures testis est, peregrinos patria, ac lingua discordes, scriptis tabellis ab eo exceptos esse erudite. Itaque iugiter oranti, aut scribenti, numquam ocium adrepsit, quod mentem ab instituto auerteret; sed neque vlla humanarum rerum sollicitudo, quæ sermonem prouocaret. Quod si æstus diuini amoris, aut doctrinæ solatium, humanæ lubricitati non obstitissent, profecto irritus labor fuerat naturam cohibere, quæ iacturam libertatis per ocium impensius dolet, & in opere facilius obliuiscitur, instar ferramentorum, quæ vsu splendescunt, ocio eruginem contrahunt.



## N O T Æ.



*E* Theona scribit Euagrius cap. 6. & Palladius in Lausiac. num. 50. meminit eiusdem Sozomenus Hist. lib. 6. cap. 28. & Nicphorus Calist. lib. 1. cap. 33. Qui etiam asserit Ammonij Tabennesiota discipulum extitisse.

*De silentio, & eruditione omnes consentiunt.*

*Alter etiã ab hoc creditur Theonas ille, qui apud Cassianum collat. 21. cap. 8. scribitur rogata sæpe frustra uxore, mox deserta, ad Cænobium confugisse. Idem promotor collationis 21. etiam auctor perhibetur collationis 22. & 23.*







*Soliungus postquam primis errasset ab annis Linquere desertum diuina voce iubetur.  
Austeræ vite cultor APOLLONIVS, 8 Legisq; in populum spargere dogma sacre.*



# A P O L L O N I V S

## H E R M O P O L I T E S.



**T H L E T A R V M** constantia retusæ Dæmonum vires eo deuenerant , vt etiam impuberes Sacræ militiæ nomen darent , auderentque singuli sub signo crucis vno fidei clipeo obtecti non solum irruentem aciem sustinere , sed etiam stantem inuadere . Quippe a crepundijs docti delitijs abstinere membra ad luctam durauerant , animumque aduersus vitia robustissimum afferebant . Sic Apollonius quintodecimo ætatis suæ anno potuit au-

daacter in arena hostem laceffere, eaque victor late spaciari tot vbique erectis de hoste tropheis , quotam pugnandi copiam fecit bellum quadraginta annorum. Miraris hospes illum semicinctum oculos in cœlestem radium intendere? Diuinum oraculum est cœlo erumpens , quo idem iubetur ad proximam regionem descendere illic pluribus profuturus . Tunc rerum potiebat-  
 tur Apostata Iulianus, qui fidem Christi e mentitis ante susceptos fasces Ro-  
 mani Imperij, postea apertus hostis aduersus eam secures expedit, atque pio-  
 rum sanguine late asperfit . Huius opera Dæmon in deserto toties profliga-  
 tus, rursus ad vrbes reducit, restituto Idolorum cultu, & apertis inanium  
 Deorum delubris, quibus ille acceptum imperium referebat . Porro eius  
 odium haud minus fidei contulit, quam Lydius lapis auro ferat, vel tiranno-  
 rum persecutio viris immotæ mentis , & probitatis . Apollonius apud vicos  
 frequentiores speluncam nactus, primum innocentia, & asperitate vitæ, dein-  
 de hortamentis cæpit fideles firmare, & Gentiles miraculorum beneficijs al-  
 licere. Monachi etiam plures ad eum confluxerunt, quibus illic Cœnobium  
 ædificauit, & inter procillas sæuiantis persecutionis Trierarchus optime præ-  
 fuit . Et quamuis flagraret martyrij cupitate, atque vltro se se persecutoribus  
 offerret, numquã tamen ausus est illum quisquam accusare; immo aliquan-  
 do carcere clausum coactus est Centurio illæsum dimittere . Ea carceris oc-  
 casio memoratur . Iulianus, vt Christi obsequium minueret, viros etiam re-  
 ligioni addictos iusserat militare, quamuis postea omnes Christi fideles a mi-  
 litia repulerit . Tunc Monachus in oppido militiam detrectans in carcere  
 detinebatur, quem Apollonius adiit, vt constantiæ admoneret . Hæc in carce-  
 ris vestibulo extra clathros agebantur, quæ Centurio in crimen maiestatis  
 vertit . Iubet igitur obduci fores vestibulo, & ibi Apollonium, & socios cu-  
 stodiri.

*Theodore.  
Hist. lib. 3.  
cap. 6.*



stodiri. Nocte insecuta cum Angelus Dei immani lumine adueniens custodes, & ostium deiecisset, etiam Centurionis domus terremotu collapsa quosdam e familia oppressit, quorum exemplo territus ille mane ad carcerem recurrit, & liberos omnes ad Monasterium redire supplex efflagitauit. Eodem tractu temporum vicus profano ritu præ ceteris superstitiosus elato Idolo ambarualia agebat æstu feruente, qui fata exurebat. Vir Dei transiens, cum gentis cæcitatem miseratus esset, fusa ad Deum prece plebem cum simulacro in arena defixit. Immobilis vnusquisque obstupebat, quomodo pes voluntati reluctaretur, & dum pedes conaretur vestigijs educere in ipso grauior hæreret. stantes sol sublimis, & subtus arena incensa solis radijs Idololatra coxisset, nisi quis recordatus transiuisse illac Apollonium, ceteros admonuisset posse id prodigium virtute illius accidere. Placuit quosdam ex auxiliaribus ad eum legatos mittere, vt si Christi ope, & ipsius precibus, miseris abeundi libertas daretur, illico Deorum cultu se abdicarent, & liberatoris sui fidem sequerentur. Accepit Legatos, & condiciones libertatis Apollonius, Deumque obnixè deprecatus, stantibus ius abeundi fecit. Hi statim tradito flammis simulacro Seni obsequi, Christi ab eo exigere disciplinam, inde sacro baptismate lustrari, vt iam paucissimi auitos ritus retinerent. Inuasit reliquos vicos opportune eiusdem facti religio, quam & huiusmodi miraculum longius prouexit. Ex his confines duos aliquando rixa ad arma traxerat. Et licet Senex sequestrem se pacis polliceretur, tamē pugnae discrimen auidius ab altero optabatur, qui ferox ductu, ac spe cuiusdam latronis sibi victoriam suadebat. Tumultus facile tollebatur sublato capite. Huc Apollonius incubuit. Itaque latronem intuitus inquit: ades dum, criminum tibi a Deo veniam spondeo, si arma paci dedas. Ille extemplo summissis armis supplex procumbit, neque pax vltius differtur. Assequitur latro abeuntem senem, apud quem hospitio acceptus, noctu confedit; & cum somnum cepisset, aspexit claritatem diuinæ gloriæ, & arcana ipsius ineffabilia contemplatus, audiuit veteres sibi culpas a Deo condonari, neque postea aliquando ab Cœnobio discessit. Eadem visio oblata Apollonio veniæ fidem struxit. Alterum etiam vicum eiusdem regionis simulas ad vltimum pene gladiorum adduxerat, vna Apollonij auctoritate pugnam prohibente dum is pacis fœdera inter diffidentes componeret. Iamque monitis arma cessissent, nisi obstitisset Idololatra quidam militaris aspectus, & truculentia, qui coram senne comminabatur, nullam viuente se pacem aduersarijs futuram. Cui senex: Omen, inquit, pacis accipio, vt te solo pereunte vniuersi quiescant. Sed neque te honor sequetur sepulcri. Vbi Pater aliò pedem vertit, acie concursus est potius acri impetu, & armorum strepitu, quam sanguine, donec seditiosus ille transfixus occubuit, nec præter eum alter quis. Perempto capite membra

in fæ-



in fœdus pacis coiuerunt . Sepultum noctu bestia exhumantes depastæ sunt , vt nihil ingentis corporis reliquum esset , præter exemplum laceratæ adeo temeritatis , quo pacis studiosi meminissent improbi vnus piaculo interdum cædem innoxiorum auerti . Pacis studium sequatur Apollonij liberalitas . Regio sterili annona afflictabatur . Turmæ populorum cum vxoribus , & liberis fame prope absumptis , ab eo cibos , & preces apud Deum exposcunt . Ipse postquam lubens distribuit quicquid in pœnu erat , panis etiam tres sportas , quibus Monachi vix eo die alerentur , famelicis exhibet , nihil sibi ac familiæ retinens præter spem diuinæ liberalitatis , quæ etiam votis ipsius respondit longe abundantius , quam olim Pharaoni congestæ in septennium fruges . Quippe auctus erogatione panis , ac si altera ablata noua seges succresceret , familiæ necessitati , & regionis saluti in quartum vsque mensem prospexit . De oleo alias , & rursus alterum de frumento prodigium fuit . Itaque dum Iulianus desertor Achabo persimilis Christi fideles , vt hic olim Prophetas Domini , infectatur , meruit ea ætas alteros Helias , & Heliseos habere , qui diuinos , atque humanos cibos inter afflictos dispensarent . De Apollonio etiam scribitur , quod cum corpus stuppeo semicinctio , & linteo caput obuolutus in Eremo annos quadraginta egisset , numquam tamen alio tegumento vsus fuerit , neque eguerit . Sed claudat elogium candor ipsius animi , & indita diuinitus ingenio acies , qua corda hominum perlustrans adeo secreta eorum vitia , vel virtutes introspectit , vt numquam falso , vel infructuose de abditioribus cupiditatibus quemque admoneret . Octogenarius ita incuruam senectam , ac vegetem animum circumtulit , vt in obeundo religionis penso iuniores præiret , doceretque exemplo suæ parcitatis vitam protrahere , quam in alijs a luxu frequentes infirmitates solent onerosam facere , vel acerbe nimium detruncare .






## NOTÆ.



*ES* ab Apollonio gestas refert Euagrius cap. 7. a quibus parum differunt quæ habentur apud Pallad. num. 52. licet ibi pro Apollonio Apollo dicatur, ut etiam appellatur a Sozomeno lib. 6. cap. 29. & Niccphoro lib. 11. cap. 34. Qui ambo miraculorum ipsius editam Historiam a Timotheo Alexandrino Episcopo testantur.

De persecutione Iuliani omnes auctores meminerunt; sed compulsos ab eo Monachos, ut militia nomen darent nullibi recorder legisse præterquā in his Apolloniæ gestis. Scio huc trahi posse, quod Sæcto Martino accidisse scribit Seuerus Sulpitius in eius vita, quando congiarium accipere nolens missionem ab Iuliano postulauit, atque in vincula coniectus est. Nam Christianos ab eo milites exauctoratos passim tradunt Rufinus Histor. lib. primo, capite 32. & Theodoretus libro 3. capite 7.

Apollonius alter ex Mercatore Monachus in Scythi clarescit apud Palladium Lausiac. num. 14. Item Monachus alter, & Martyr, de quo Eugenius cap. 19.











MVTIVS excellens virtute, reliquit eremū Languida debiliū sanauit corpora: vita  
 scēpius, ad fratres corripuitq̃ gradum. 9 Orbatos sacra contumulauit humo.



# MVTIVS POLLINCTOR.



**L** G N E A M hominis ingenio vim inesse, qua( bono se se, vel malo addixerit ) vbique impigre agat, Mutius ostendit, pessimus primum inter latrones, deinde Eremitarum optimus, vt ante abdicationem impietatis, illum nec abunde vituperare, neque postea satis laudare possis. Lernæ huius omnium scelerum, seu arcis totius nequitia, expugnatione fuit admirabilis, quia dum moles criminum obijcit tormentis diuinæ gratiæ, leui somno abreptus capitur. Cellam sacræ cuiusdam virginis noctu aggressus, cum instrumenta nullibi improspere adhibita hic frustra admouisset, fessus tædio ac labore supra tectum obdormiuit. Quies in lapsum facilis, & furem oculis prætereuntium ex edito ostensura, diuino tamen nutu Mutio salutem, & securitatem peperit. Dormienti numen astitit cultu, ac splendore eximium, eundem flagitiorum increpans, suadensque deinceps Monachorum vitam inire, & immenso eorum gregi, qui offerebatur ipsius oculis, præsidere. Cum somnio sopor abscessit. Euigilantem virgo ædium domina deprehendit, & genus causamque ascensus minax percontatur. Ipse metu, ac somno torpidus ( vt id genus alibi summæ audax solet in re comperta animum abijcere ) nihil in rem afferre, tantum rogare, vt sibi Ecclesiam indicaret. Virgo arbitrata, in socordi adeo perturbatione viri ferocis latere diuinum aliquod arcanum, ad Ecclesiam hominem ducit. Exhorruere Æditui ethnicum prædonem totius regionis excidium ab innocua virgine ad Ecclesiam trahi; & quamuis supplex Christianæ fidei sacramentum deposceret, tamen illius precibus aduersabantur, quod latrocinio infamis, & cruentis adhuc vestibibus multa hominum cæde auderet Christianæ fidei candidatum appetere. Quis de patris dolor? quæ ab his in posterum temperantia? vel nunc obses vitæ æquioris? Non sacra canibus, nec repentinæ religionis tuta fides. Ille vitam improbe actam etiam lachrimis execrabatur, optimam deinceps instituturus, si in Christi plebe censeretur. Perseuerantia fidem postulatis fecit, & sacro baptismo ablutum Ecclesiæ adiunxit. Et quia adulta iam ætate dogmata fidei ægre retinebat, legere ἀναλφάβητος non poterat, a Presbyteris iubetur e psalmis tres versiculos ediscere, & ad eorum doctrinam pro virili actus suos dirigere. Triduo hausit, quæ ingenium ferre poterat; cetera à Deo oratione, & ieiunijs postulaturus, in Eremum superioris Thebaidis eatenus intentatam concessit. Ibi annos aliquot peregit orationi, & medita-



tioni intentus, & asperrimo victu diluens, quicquid latrocinio acer deliquerat. Libuit deinde Presbyteros reuifere, qui doctrinam versiculorum sanctis adeo moribus expressam gratulati, Mutium posthac contubernalem cupierunt. Sed ipse, exacta apud eos hebdomade, maluit amicam solitudinem repetere. Abeunti plures se comites dedere, alij in desertum subsecuti sunt, quos exemplo vitæ castigationis, & abstinentiæ præceptis abunde erudit. Ita nocturnæ visionis vaticinium expletum probe. Sed quot idem prodigijs refulsit? Fidem excederent, si hæc ab usu rerum, non a Deo esset. Inter cetera charitatis officia haud postremum Mutio fuit ægris deferuire, & funera mortuorum curare. Sed hoc adeo studiose, ut illum adolescens admiratus defuncti corpus abluentem, ac vestientem, rogauerit, si ex humanis decederet, ita prorsus ab eo sepeliri. Cui Senex, etiam maiora adiiciam, ut ipse fatearis promissis factum satis superque. Ille post annos aliquot vita functus, & ad tumulum compositus, Mutio interroganti, an satis? ac super respondit. Sed quis Thobiæ priuati viri æmulationem in exequijs ab Eremita susceptam, audeat conferre rebus bello gestis a Iosue clarissimo Iudæorum Imperatore? quis velit decus promiscuum, & æquum ius tribuere pollinctori, ac triumphatori? Hebetantur oculi armorum nitore, & humana opinio ducitur rerum magnificentia, sed penes Deum æqua est mentis, & factorum cuiusque ratio, ut neque benignius audierit preces Iosue in Amorrhæos depugnantis, quam Mutij orationem pergentis in obsequium moribundi fratris. Sol maximum Coeli huius ornamentum vtriusque imperio stetit, & viros dignitate dispares vna fides eodem prodigio æquauit. Mutius, cum ad ægrum peruenire non posset præterquam ineunte nocte, solem occiduum Iesu Christi nomine stare iussit, haud irritum imperio. Hoc admirante tota regione, & Mutio non inficiente prodigium, celebre habitum est monumentum Christianæ fidei, quæ similis grano sinapis diuina liberalitate (cui tota innititur) paruitatem compensante, etiam montes transferat. Ea Senex cursim inter admirantes populos, dum sole ad huc superstite ad infirmum properaret. Vicum ingrediente sol iter suum repetijt, ut quisque probe cognosceret, cui illuxisset. Attamen qui cursu seipsum, mora solem fatigauerat, fratrem iam defunctum reperit, quem percontatus, mallet rursus inter mortales, an apud Christum esse? rediuium respondentem audiuit, illud prorsus officere, hoc maxime delectare. Senex postquam noctem insomnem agens, fletu, & precibus defuncto parentauit, suctum mane sepulturæ officium impendit. Idem qui foli moras iniecerat vitam alterius produxit. Is vitæ extremum agens, mortis timore, plus nimio afflictabatur, quam Christianum virum deceret. Agnouit illum Senex horrere magis vitæ extremam horam, quam mortem; anxium nempe iudicij, quod pro vita eatenus male acta subire oportebat. Igitur vi-  
rum



rum dictis coercet, qui hactenus criminum expiationem distulerit, atque spem facit vitæ prolixioris, si emendatiorem spondeat. Quid non sponderet infelix? Miscuit promissis lacrimas, Angelos optavit testes, inferos vindices dixit, terræ hiatum sibi imprecatus est, si deinceps Dei clementia abuteretur. Mutius postquam se se in orationem dedit, dilata a Deo in triennium vitam ægro pronuntiat, & manu apprehensum lectulo detrahit, atque secum incolumem in Eremum trahit. Redditus illico sanitati nihil boni præterijt, quo patrata diluens, sibi diuinam gratiam conciliaret. Triennio exacto, Mutius illum certa præmiorum spe iam mori cupidum, ad pristinam cellam perduxit, quo religiosi viri quamplures conuenerant memores prolati temporis, ac testes futuri condictæ migrationis. Dum nox colloquijs diuinarum rerum transigitur, frater se se lectulo componens letissime somnum mortis accepit, cui Senex e more exequias adiecit. Hospes iam Solem, & Mortem, maximas humanarum rerum versiones, audisti pollinctori obsequentes; accipe etiam Nilum fluuiorum amplissimum, ignota ad fastum origine, alicubi mari conferendum, qui traijcienti ita vndas substravit, vt Mutius toto genu extaret. In ediam integra hebdomade perpeffo, inter loca inaccessa cibos allatos ab ignoto penitus viro, Copres illustris Presbyter meminit. Sed his vel naturæ, vel Cœlitum erga Mutium obsequijs, longe maius Dæmonis odium metire ex vna præ ceteris contumelia, qua veteratorem dispulit. Cum enim Pharaonum Thesauros olim clam defossos Seni prodere iactaret, hac reijcitur aspera antiqui vulneris refractione, Pecuniæ ac tibi idem interitus, & perditio. Abi. Plura haud capit elogium, quæ non vasta Eremus continere, neque longa ætas valuit obliterare. Sepultus in superiori Thebaide, etiam post mortem, discipulos exemplo exercuit, & merito eruditionis decorum victorijs participauit.





## N O T Æ.



*Æ R E O* an hæc de Mutio Historia ex illis sit, quarum fides nuntat apud Hieronymum.

*Ipsè de Euagrio Pontico sic habet in Epistola ad Ctesiph. Qui librum quoque scripsit quasi de Monachis, multosque in eo enumerat, qui numquam fuerunt: & quos fuisse scribit, Origenistas, & ab Episcopis damnatos non dubium est. Ammonium videlicet, Eusebium, Euthymium, & ipsum Euagrium, Or quoque, & Isidorum, & multos alios, quos enumerare tedium est.*

*Cum enim vitæ Patrum, quas Euagrius scripsit, eisdem fere verbis ab eius discipulo Palladio in Lausiâ repetantur, tamen nullâ apud hunc de Mutio mentionem reperias.*

*Augetur etiam dubitatio, quod ibi Copres Presbyter inducitur auctor huius de Mutio Historiæ, cuius sermonem ferme ad verbum Palladius mutuatus habet, ita compactis verbis, & integro narrationis ordine, ut ubi apud Euagrium extat Mutij lacuna, apud Palladium nec rima sit, per quam Mutius vel malleis intrudi possit. Augetur suspicio, quod Sozomenus, & Nicephorus sœti memorias Monachorum illustrium ab ipso Euagrio acceptas scriptis suis inferere, nullibi de Mutio meminerunt.*

*Sed neque de eo quicquam reperies apud Theodoretum, Cassianum, vel alios veteres; forsân neque apud recentiores, præter Simonem Maiolum Colloquio primo suorum Canicularium.*

*Alter Mutius insignis patientiæ commendatur a Posthumiano apud Sulpitium Senerum, lib. primo Dialog.*











Mundities HELENVM stimulauit pectoris, ònem  
Vt fugeret nequum corporis atq; animi.

10

Sola loca incoluit gelido contermina fonti,  
Deq; herbis carpsit parca alimenta sibi.



## HELENVS ÆGYPTIVS.



**P**R V N A S illæsis vestibus puer intulisse scribitur, congruentibus ætate, ac probitate. Epota cum lacte materno pietas, & puerilibus coalita incrementis iam tunc portendebat auspicia maximæ illius, qua eminuit, virtutis. Poterit quisque huius exemplo animi æstus refrigerare, & naturæ incommoda leuius ferre, si puer dure assuescat, & per singulos sacra militiæ gradus non prius animo ad fastigium dignitatis, quam corpore ad metam laborum, nempe Christianæ perfectionis apicem, intendat. Neque enim eadem est omnium felicitas, ut ab luxu, & delitijs repente in Eremum irrum-pentes, tenerum corpus inedia, & vigilijs; hostem oratione, & mentis constantia debellent, quibus hætenus paruerunt. Quot ab instituto excidunt, qui non desiderio vnius salutis erecti, sed auerso rerum euentu fracti, Eremos appetunt? Quot sub initijs militiæ flagrant inter vigilias, & orationis studia tepescunt, resiliuntque. Horum, quia nec vires suas expendunt, neque alieno imperio suas voluntates submittere didicerunt, incerta admodum salus. Dixerim Deum erga eos æquum minus, aut clementem? Absit: immo fatebor illos iuuare impensius, & præmijs amplioribus honestare, si consilia hostium impetu vincant, & cœleste regnum violentis expositum, violenti diripiant. Verum apprime periculofam pugnam dixero, quia nec frequentes aspicio triumphos. Docuit Salomon facile virgam inflecti, non ita arbo-rem. Helenus postquam apud Cœnobitas pubertatem exegit, pruriente vitæ atate in Eremum abiit carnis petulantiam freno vitæ asperioris cohibiturus. Adfuit etiam hostis, quibus consuevit armis, ut iuuentam lacefferet. Hic vero orationes, vigilias, atque ieiunium obijcere, & humilitate illius ubique superbiam elidere. Belli initio, cum ieiunus integram hebdomadam præter-riisset, natura ius suum acriter reposcente, athleta esuriit. Dæmon ut affli-ctum, ita inermem arbitratus, Helenum resumptis telis aggreditur, & in pro-ximis petris mel aureum liquans, famelico ostendit, quo labantes vires con-firmet. Auertit ipse a spectro oculos, & naturæ perinde ac hostis tyranni-dem odisset, alteram ieiunio hebdomadam indicit. Nec Dæmon minus in-defessum ruere, & naturam inclinantem propellere. Apud vicinas arbores poma dispergit rubentia, ac si vento deiecta. At secum Helenus. Quæ modo in adusta Eremita apes? quæ nunc inter steriles arenas poma? Artes noui. Vi-ro forti cibus est, quicquid est a Deo: Apage ostentum, nam, & aliam mihi

H

heb-



hebdomadem ieiunam volo. Verum in sua victoria periisset, nisi per quietem diuinitus fuisset admonitus cibos sumere, quos proxima tellus ferebat. Somno discusso cernit inter arenas fontem scatere aquarum nitore, & claritudine his conferendum, qui sub feliciore climate delitiæ Principum habentur. Margines amplos satis muscus vestiebat, quibus instar sepiæ assurgebat tenerimum herbarum genus aspectu, & odore iucundum apprime. Accedebat virori decor ab circumfufis arenæ tumulis, ac sterilis vbique regionis aspectu. His famem, ac sitim depulit, confessus postea toto æuo nihil dulcius, nihil sapidius vniquam gustasse. Cryptam ibidem nactus aliquandiu latuit, gramine ac fonte ipso vsus in vitam magis, quam in voluptatem. Dehinc, vt sacre Sinaxi cum ceteris Eremi cultoribus interesset, coepit ad Coenobia, quæ minus aberant, proficisci, & ea via, si quid tellus daret, vel pii fideles tribuerent, egenis, & infirmis idem afferre, & dispertiri. Inde miraculi huius occasio. Cum rerum pondus, quas ad fratres ferebat, moram festinanti inijceret, & hi longius abessent, Onagrorum grex presto fuit, ex quo vnus ad vocem Heleni adueniens, ipsum cum rebus suis dorso acceptum citissime ad Monachorum stationes transtulit. Eundem etiam Crocodilus extulit. Cum enim ad Dominicum aliquando conuenisset, Monachos reperit solatio destitui diuinorum Sacramentorum, quod Presbyter duplici arcebatur impedimento. Alterum riuus inundans inferebat, quem transire nullus absque vitæ periculo poterat. Alterum Crocodilus infestum animal, quod vtramque ripam obsidebat. Neutro Helenus periculo motus Patrum collegio pollicetur Presbyterum accersire. Cum ad fluuium perueniens, cimbæ vndique abactas, & turgentes vndas vidisset, Crocodilum mole, ac sæuitia ceteris metuendum vocat, & diuino imperio stare iussu conscendit, atque ad vltiorem ripam impellit. Presbyter, qui non procul a fluuio Ædes habebat, pannosum, lacerumque Sinaxis Legatum excipiens, illi verbo ancipiti, aut inuidit, aut illudit. Helenus paupertatis titulo lætus desiderium Eremitarum explicat, & iter suadet. Ad fluuium anceps Presbyter qua transueheretur, quod nullas prope cimbæ aspiceret, animo fluctuabat. Cui Helenus lintrem pollicitus Crocodilum vocat. Emergit ex aquis ad vocem bellua, cuius aspectum non ausus sustinere Presbyter fuga abiit. Helenus, quia perterritum animum inijcere, nec fugam sistere poterat, Crocodili dorso reuehitur. Sed quia ex terrore ipsius dolebat tantam ingeri molestiam sacris rebus, in siccum delatus, bestiam extemplo mori iubet, quæ repente ad iussu Patris interiit. Res plurimos incolarum testes, & admiratores habuit. Ad Monachos regressus, excusata Presbyteri absentiæ, cum nihil magnifice de se locutus esset, deuictus eorum pre cibis triduo de religionis profectu, & rebus ad salutem necessarijs auditores erudit, & pluribus eorum mire profuit, quorum occulta desideria, &

arcanas



arcanas cogitationes diuino lumine perfusus, agnouit. Prophetici in eo spiritus vim fratres senserunt, cum Monachorum sibi peregrinorum aduentum prædixit, quorum nulla erat in regione opinio. Inter eos extitit adolescens qui importune Senem rogaret, vrgeretque, vt sibi in Eremo apud illum liceret militare. Studuit ille iuuenilem animum deterrere, tum a Dæmonis improbitate, tum ab austeritate vitæ, quam veterani ægre sustinerent. Perstitit ille precibus, & fletu Senem orare, exorauitque. Alter ab cellula Heleni specus erat vitæ aptus, in quo audax tyrunculus ad pugnam instruitur. Hostis ad prædam festinus accurrit, interdium mœrore, & prauis cogitationibus mentem ipsius ex crucians, noctu præstigijs, ac terroribus somnum subtrahens defesso. Vt metu vacillantem sensit, auctus spectris, sæuiorque missileo vim, ac mortem intentasset, nisi diuina obfuisset voluntas. Aufugit tandem iuuenis ad Agonetham suum, & grassatoris violentiam dictis effereus auxilium implorabat. Cui senex: hæccine ait constantia, de qua modo periclitari me volebas? hisce vmbris pueriliter delusus virilem animum despondes? Cur malo hosti signum non obtrudis optimæ crucis? Ostendam ipse, quantum vires hostium cedant veræ fidei, & innocentiae. Et cum adolescentem agoni reddidisset, circa speluncam in arena digito circulum duxit, quem postea veriti Dæmones transilire, obsiderunt potius tyronem, quam oppugnarunt. Sed qui eorum rictus, quæ voces, quæ conuicia? sic ille paulatim aspectibus, ac terroribus assuescens, eosque minus curans, deinceps minus infestos habuit. Alterum prodigium hospitalitatis amor adiecit. Monachi quidam, peragrata late solitudine, vix septimo itineris die Helenum reperere. Error viarum sæpe repetitus mentem, & corpus affligerat, neque eo minus ieiunium ab ingressu vsque in eam diem toleratum. Leniuit mœrorem aspectus exoptatus beati viri, qui comiter susceptos consolatus est, & in summa penuria summa spe a Deo cibos accepit, quibus hospites suos decem numero recrearet. Dum mensa apponitur, adolescens cuique ignotus fores pulsat, panis, & oliuarum sportam affert numero, & necessitati hospitum satis. His refectioni, quia portitor euanecebat, Deo auctori omnium bonorum gratias persoluunt, qui ea liberalitate Hospitis merita declarasset, & extremis eorum rebus præter merita affuisset.



## NOTÆ.



*HELENI nomen veteres varie scripserunt.*

*Ita nuncupatus ab Euagrio reperitur capite 11. Sed Palladius num. 59. & Sozomenus Hellenem, seu Hellem appellarunt, quos secutus est Nicephorus Cal. lib. 11. cap. 33.*

*Omnes tamen illius sanctitati astipulantur, cuius etiam testimonium afferunt miraculum, quo puer innocua veste attulit ardentes prunas.*

*Crocodili prodigiosum obsequium magis admiraberis ab Sæuitia ipsius, de qua Plinius, ac Scriptores ceteri passim.*

*De eodem Heleno ex Crocodili occasione meminit Maiolus Colloquio 8. Canicul.*











In squallente specu IOHANNES vixit: eiq̃  
 Mos fuit, erecto corporis esse statu.

11

Assiduasq̃ preces coluit, ieiuniaq̃ arcta.  
 Hancq̃ suos fratres iussit intrare viam.



## IOANNES RECTVS.



V P I S huius loculamento contineri hominem faxeum crediderit, quisquis audierit, Ioannem in eo triennium stetisse hac ipsa corporis rectitudine, quam pictor ægre expressit. Potuit humanitas dignosci soporis, & cibi necessitate; sed aliquid supra humanam sortem habet status, qui viuam statuam exhibens, ostendit quantum Porphyritas, & Adamantas duricie antecellat robur inuictæ mentis.

Verum sic stanti, ne dicam fixo, qualis somnus, aut unde cibus in arduo, & inter deserta? Num ab ancillis, & famulis, qui coquant, ingerantque. Poterat videri naturæ conuicium facere, si non aliquo cibo vitam hic traheret, ac somno fulciret. Somnum magis rapuit, quam suscepit, & ad vitam nullos cibos, vnicum ad animæ salutem sumpsit. Concelebra hospes virtutem cœlestium Mysteriorum, & disce (quod etiam alijs contigit Sanctorum) Sacræ Eucharistiæ subsidio diuinitus vitam, & ieiunium triennio sustentata. Illam Presbyter Dominica die afferre consueuerat, quæ mentem ineffabili iucunditate perfundens, etiam corpori firmitatem afferebat. Attamen Deus, qui Ioanni donum dedit, vt duris adeo inceptis persisteret, voluit illum humanæ conditionis admonere, ne virtus collatæ fortitudinis in tumorem congenitæ homini superbiæ exurgeret. Itaque permisit Ioannis pedes dirumpi, & emarcescere; quod tamen incommodum eidem in gloriam, ac decus tolerantiae vertit. Fremebat improbus Dæmon, aduersus immotum adeo scopulum, qui fluctus, ventos, ac ipsas tentationum procellas contemneret, ausus propterea altera pietatis Larua illum inuadere. Aliquando eimentitus Presbyteri personam stata hora Dominicæ diei aduenit, ac si in vasculo Sanctum Eucharistiæ mysterium gereret (pro scelus) Anacoretæ administrandum. Ipse antea edoctus, principem tenebrarum se se interdum in Angelum lucis effingere (illucente diuino lumine) Dæmonis vafriciem agnouit, & præstigiatores se se magnifice inferentem contumelijs pessime submouit, coegitque fateri, cur impium adeo facinus, extremum impietatis, ac petulantiae, animo concipere non exhorruisset. Respondit Demon, voluisse nefaria dape illum deimentare, quemadmodum eadem larua altero seni illuserat, quem vix multorum Patrum orationes pristinae menti reddiderant. Quam dispar eiusdem temeritatis exitus? Alter misere afflictor, alter in hostem audacior mouet, quia illic forsan aliqua extitit amurca vanæ gloriæ, hic cristallo limpidior humilitas. Postquam hostis  
cum



cum probro euanuit Presbyter aduenit, & emerito militi viuificum Christi corpus impertiuit. Vefanum Dæmonis ausum habeto pignus earum perturbationum, libidinum, & portentorum, quibus animum, & oculos stantis toto triennio vexauit. Cum Ioannis virtus iam fatis probata videretur, Deus æquissimus meritorum cuiusque existimator iubet, Angelum eidem nunciare, impenso hætenus obsequio, & constantia delectatum munera destinasse, e quibus id vnum, quod pedes rimis, & marcore hiantes exemplo conualescerent, ipse sacrarum rerum doctrinam assequeretur, in aliorum cordibus arcana dispiceret, & minori fastidio deinceps famem toleraret. Iussit etiam ab ea rupe vltius in Eremum excurrere, vt pluribus exemplo, & eruditione, quam acceperat, prodesset. Ita ad imperium diuini Oraculi recepta pedum incolumitate, ac si statio, vel defixio membris robur addidisset, Ioannes solitudinem peragrauit, in qua multos potuit, vel torpentes incitare, vel resiliens reducere. Latent hæc scriptorum incuria, quæ tamen ab illius virtute conijcimus. Plures annos in eadem Eremo vagus exegit, herbis victitans, & die Dominica rupes suas reuifens, vbi interdum reledit diutius, orationi opus coniungens, ne quando hostis ociosum posset adoriri. Texebat e folijs palmarum restes, quibus clitellæ iumentis impositæ obstringuntur. Vile prorsus opusculum, sed miraculo insigne. Claudus quidam altero pede in spem rectitudinis ab eo impetrandæ statuerat ad rupes proficisci. Et quia pedes nequibat, iumentum conscendit, quod cingulum Ioannis manu textum subligabat. Vix læsus pes cingulum attigit, cum ad alterius longitudinem extensus miraculum simul, & itineris vsum præbuit. Sed vir Dei Infirmorum incommodo compassus, deinceps instituit panes mittere, quibus Sacra prece benedixerat. His præuia fide vsi quamplures leguntur conualluisse. Dixi Ioannem cordis arcana, & voluntates penetrasse, quod humanæ prudentiæ quisquam ascriberet, quæ aut eloquio, aut Physionomicis rationibus aliquando ad propensiones animi accedit. At folius Dei donum fuit, Monachos numquam facie perspectos, regione abiunctos, scire recta, an obliqua ad religionis profectum, vel ad inanem gloriam incederent. Nouerat e rupe, tamquam de specula, qua quisque impugnaretur cupiditate, & vbi res deposcere videbantur, literis Monachos, & eorum Archimandritas admonebat; reluctantibus prece, & consilio aderat; lapsis spem faciebat, contentus vnicum immensi laboris fructum capere, si canente se classicum, ceteri impium hostem profligarent.



## N O T Æ.



*E* Ioanne agit Apelles apud Euagrium cap. 15. ex quo Palladius desumpsit num. 61.

*Apud ceteros haud facile erit de eo memoriam reperire, quia ea tempestate plures Ioannes leguntur, quorum acta facile confundi oportuit.*

*De altero urbis Lyci iam diximus.*

*Alter proprium locum habet apud Palladium num. 74. qui apud Diolcum floruit, & multa miraculorum vi, præsertim in curandis podagræ, & articulorum morbis valuit. De hoc Sozomenus lib. 6. cap. 29. & Niseph. lib. 11. cap. 35.*







*Duxit ad extremā PAPHNVTIVS vsq̃ senectū  
In solida cunctos relligione dies.*

*Cuius victa Dei precibus clementia, mōstrat  
Quem superis dignum iudicet esse polis.*



## PAPHNAVTS

HERACLEOTES.



**L**ICET hic nomine, & Clientelis egregius inter Anacoretas videretur anchoram in vado demisisse, atque ætatem probe traductam asseclis exemplum statuisse, tamen arbitratus vel longe abesse a scopo perfectionis, vel anceps pro laboribus an sibi quicquam deberetur, Deum precatus est, ut benigne edoceret, cuinam ex ipsius famulis æquari posset. Ea cura viro graui poterat notam inuicere leuitatis ob fimum aliquem inanis gloriæ, quem opinio alicuius meriti halare solet; seu ex inutili alienæ virtutis curiositate, nisi euentus declarasset, suo & aliorum beneficio diuinitus eam contigisse. Orantem vox cœlestis affatur, similem illum esse Choraui, qui in proximo vico musicum opus ad victum exercebat. En spectator decrepitum athletam, abstinentia, & victorijs apud mortales clarum, sub oculis tamen æterni iudicis nihilo maiorem Choraule, quem animum, vel alienæ voluptatis ministrum, recte dixeris. Itaque si quicquam gloriolæ Senis animum demulserat, credas illico concidisse. At rectius credes, ita vtrique a Deo fuisse prospectum; nam alter eductus est e cœnoso gurgite, vbi facillime mersus esset, alter ad cursum vitæ perfectioris accensus. Senex in vicum progressus facile cum viro amicitiam iniuit, qua confusus est illum percontari, an quicquam in spem æternæ mercedis aliquando effecisset. Respondit nullius boni sibi conscium esse, qui tibijs aliorum libidines acuat, ac turpem inde stipem mendicet. At ille repetitis precibus hominem vrgens compulit duplex facinus confiteri, quod Eremitæ labores, & vitæ squalorem longe excellit. Dixit cum inter latrones aliquando grassaretur, virginem Deo sacram ab his captam, & stupro destinatam, ex eorum manibus eripuisse, & incorruptam noctu ipsius ædibus reddidisse. Alterum est, quod non Eremitarum pudicitiam, sed Regum excedat munificentiam. Foeminam item miræ pulchritudinis in deserto aberrantem, & ieiunam nactus, ad speluncam perduxit, & vbi ceteris insidias struebat, huic cibum, & solatium ministravit. Illa itineris causam interrogata, enarravit, ab se non iter, sed errorem studiose quæsitum, quo infelicissimam seruitutem euaderet: nam vir suus ære alieno grauis in carcere detinebatur, tres liberi communi thoro editi in creditoris mancipia concesserant, & ipsa idem periculum fuerat subitura. Nobilis aspectus comes verecundia, & ora-



tioni astipulantes lacrimæ latronis animum ad commiserationem traxerunt. Itaque madidis oculis spectata tragædia illustris fœminæ, summam alieni æris sciscitatur, eamque trecentis denarijs donat, quot conjugem suum obstringi dixit. Etiam pulchrum audaciæ factum adiecit, Mulierem in urbem comitari, & proprio periculo virum ac filios in libertatem vindicare. Ita nobilis fœmina tutata in deserto pudicitiam, adepta in vrbe securitatem, latronis vnus beneficio etiam perditam familiam in veterem splendorem asseruit. Admiratus Senex profunda Dei iudicia secum luctabatur, quid vnquam boniegisset hisce latronis operibus conferendum. Mox Choraulem felicissimum appellans, qui nullum inde apud mortales præmium, sed apud Deum sibi seposuisset æternam felicitatem, etiam cœlestis oraculi illum admonuit, rogauitque, vt se se ex instabili rerum humanarum fluxu in tutam religionis stationem reciperet, atque vetus meritum periculo eximeret noui criminis, cum tanta apud Deum illius ratio esset, vt maximos Eremitæ labores anteiret. Ipse, abiectis extemplo tibijs, Senem ad Eremum sequitur, & non longe a Monasterio cellula donatus, reliquum vitæ, quæ triennium non excessit, sanctissime egit. Postquam morte absumptus est absente Paphnutio, eundem tamen voluit triumphum testem esse, quo ab Angelis in Cœlum sublatus est. Itaque gloriose euectum ad Cœlum Paphnutius Tibicinem vidit, & inuidit. Sed quia virtutis est æmulatione proficere, vt ferramentorum inuicem acui, & illustrari, cupiuit Senex iterum sibi virum demonstrari similem. Responsum est, coæquari a Toparcha proximi oppidi. Perstrinxit animum responso, quia nulla huius sanctitatis fama erat. Verum edoctus Choraulis exemplo vbique gentium, ac fortunæ, famulos Deum habere obsequentes, ad nobilem ipsum diuertit, a quo exceptus, & pedes ablutus, conuiuia adsciscitur. Inter cœnam nihil de se gloriose effari, nihil de meritis promere, sed more nobilium parce, & non nisi in rem loqui. Crederes hospitalitatem ferme ad retinendam opinionem fastus, & opulentia, institui. At vbi Senex eidem diuinum oraculum aperuit, humiliter protulit, quæ antea metu vanæ gloriæ absconderat. Inquit: Postquam tres ex vxore liberos suscepi thoro ipsius ex condicito annos triginta abstinui. Peregrinos semper quæsiui, atque excepi. Pauperibus censui meo congruam eleemosinam erogauit. Odio, aut gratiæ nullius vnquam ius dixi, nemini iniuriam intuli, aut quicquam abstuli. Dissidentes composui; nulli memini nocuisse, sed profuisse. Volutabat Senex animo, quem Eremitarum Toparchæ æquipararet, qui dignitate, opibus, & clientelis ad peccandi licentiam instructus, innocenter tamen viueret, & in summa rerum affluentia summe inops. Igitur virum amplexatus admonet persistere in cœptis, & pro caducæ huius alimonie erogatione immortalia de Cœlo præmia sperare; Mira res, & vestigijs hærens Apostolorum,



rum. Toparcha qualis conuiuio confederat, talis e domo Senem in desertum sequitur non reuersurus. Inter Oppidum, & Cœnobium fluuius erat nullibi vadofus, quem accolæ Cimba traiciebant. Ea forte aberat. Senex fluuium ingressus nobilem virum consequi iubet. Hic fidens imperio succedit, & ambo genu tenus suspensi potius aquis, quam immerfi, ad vltiorem ripam peruenere. Hoc vadimonium acceptum est diuinæ promissionis, & arra propinquæ in Eremo tranquillitatis. Ibi Nobilis cellulam Choraulis accipiens ab hospite suo didicit, qua Dæmonis territamenta, & suggestiones contemneret, qua Deo obsequium exhiberet, ac tædium solitudinis temperaret. Nihil ex his prætermissum, donec adiecto decore sanctæ austeritatis ad antiqua elemosinarum, & hospitalitatis ornamenta, post annos aliquot fatis concessit, & ab eodem Paphnutio visus est, cœlestis Legionis ductu, Cœlum cōscendere. Alter hic Seni stimulus accessit, cum binos æmulos vidit ab se e Mundi naufragio retractos cœleste regnum præripuisse. Cur Deus, inquit, non etiam hos sequor, si meritis assequor? Sordet iam vita, cui denuo triumphus gloriøsæ mortis ad inuidiam ostenditur. Vel si iubes molestam adhuc militiam diutius sequi, da, vt alienæ rursus virtutis æmulatione proficiam. Oraculo iubetur obuiam ire cuidam mercatori sibi simillimo. Is e Superiori Ægypto cum naues in proximo littore reliquisset, decem pueris singulos Leguminum modios imposuerat, quæ Patribus Eremitæ dono daret. Senex obuium complexus, etiam animi virtutem perspexit longe clariorem, quam Mercatoris amiētus, vel leguminum dona possent ostendere. Et illata sensim de diuinis rebus mentione, eidem aperuit quantum hæctenus apud Deum promeruisset, & quæ ampliora consequeretur, si posthabitis Mercimonijs se se quæstui Euāgelicæ Margaritæ dederet, quam diuenditis bonis vitæ huius emptam cum regno Cœlesti commutaret. Paruit Mercator monitis, & pueris naues, ac merces iussis distrahere, ac precium Christi pauperibus dare, in cellulam olim Choraulis, & Toparchæ nobilem palestram succedit. Primum aduersus veteratoris fraudes didicit cuiusque operis precium, & quæ Christianæ religionis gemmæ, & quibus eas Dæmon vitijs adulteraret, quæ virtutum aromata essent, quæ illi putamina his subijceret. Itaque breui mens ab humanis rebus ad diuinas traducta, veras sibi in Cœlo diuitias parauit, quæ perennem illic felicitatem mercarentur. Hanc idem post aliquot annos ex humanis ærumnis decedens adipiscitur, neque Paphnutius diu superuixit præmonitus cœlesti nuntio imminentis obitus, ac horæ, qua eandem felicitatis sedem acciperet. Felix profecto, qui ex honesta alienæ frugis inuidia agellum suum coluit in pensius, atque ceterorum virtutis stimulo, semetipsum ad perfectionis metam incitauit.



## NOTÆ.



*N* Paphnutio concordant Euagrius cap. 16. & Palladius nu. 62. Eundem inter eximios Anacoretas Aegypti recenset Nicephorus lib. 9. cap. 14.

*Sed, cum plures in Aegypto eiusdem nominis Patres legantur, haud liberum est eorum acta singulis decernere.*

*Agit Palladius de altero cognomento Cephalæ num. 91.*

*Alius est, qui in Eremito vastissima cōuenit Sanctum Onuphrium, & illius acta conscripsit.*

*Apud Cassianum de alio legas, qui ab intenso amore solitudinis Bubalus appellatus est, tunc in Scythi Sacerdotio fungens, atque nonagerio maior aquam suis vsibus ab quinto inde milliario baiulare consuetus.*

*Ipsius sanctimonia, & doctrina testem proferre licet eundem Cassianum, qui Paphnutium auctorem facit secundæ collationis,*

*De alio item Monacho, & egregio martire, cuius oculos Gentiles in persecutione pro Christo effoderunt, meminit Sanctus Athanasius in vita Antonij.*











Tanta fuit DIDYMO sanctæ cōstantia vitæ, Non draco, nō aspis, nō vipera sana nocbat.  
 Corripere ut possent nulla venena virum. Illæsus cunctis perstitit vsq; malis.



# DIDYMVS CELLIENSIS.



VI inoffensus ceras tes, & aspides proculcat Didymus est. Hospes ad nomen vultum contrahis? scias id commune fuisse etiam alteri, quem iure execraris. Nouimus illum inter Scriptores, & Anacoretas olim insignem, postremo in errores Origenis prolapsum, doctrinae, & asperi victus claritatem foeda haereseos caligine obscurasse. Quarto aetatis suae anno luminibus captus, cum in diuinis obsequijs adoleuisset, etiam crescente aetate scriptu-

rarum doctrinam, quam humana industria, & oculorum auxilio assequi non poterat, diuino munere accepit. Hac, quantum licuit, admirabilem Spiritus sancti splendorem contemplatus, de eo libellum dictauit acute eruditum. Etiam oracula Prophetarum orsus interpretari, rerum obscuritatem mentis acie illustrauit. Arium omnium haereticorum pessimum insigni volumine confutauit, adeo vt Hieronymus illud Ecclesiae columen, cum Alexandriam *Hieronym.* caecum auditurus perexisset, eundem veterrimo Prophetarum nomine videntem appellarit. Sed quas Ecclesiae Sanctae pro insigni adeo munere gratias rependit? Origenis amore insaniens, eiusdem errores mordicus defendit, malens a Catholica veritate, quam ab pertinacia deflectere; & qui Arium exploxit, Pelagium admisit. Emotae mentis signum dedit, quando libros Περὶ ἀρχῶν, Origenis, nempe venenatum poculum, melle scholiorum circa extrema ora liniuit, vt incautis lectoribus propinaret, visus propterea cupiuisse carbone Aethiopem dealbare. Itaque ab Ecclesia, cum Origene damnatus, procul faceffat a Musaeo. At Didymus, quem probe oculatum aspicias, hilari fronte sincerum animi candorem praeferre, non vt ille apud Alexandriam, sed in asperrima Eremita Celliae diu versatus, inter celebriores pugiles censetur. *De Cellia*  
*Enchiridion, c. 22* Distat locus ab vrbe Alexandrina milliaria quinquaginta, vltra Nitriae solitudinem decimo lapide, vbi Eremita desinit, naturae inelementia, vel odio omnibus vitae incommodis affectus. Eo non nisi veteranis, & spectatae fortitudinis militibus accessus permittitur, vt iure dici possit, more militiae extrema castrorum Triarijs attributa. Nomen Cellulae indiderunt, quae Eremitum totam in orbem ambiunt, sed seiunctae adeo distantesque, vt quisque incolarum ab alterius aspectu, ac strepitu immunis sibi libere viuatur, & quies ex silentio communis sit. Medium Ecclesia occupat, in quam Sabbato, & Dominica die vniuersi conueniunt, vt Sacrae sinaxi interfint, & mutuo aspectu Christianam foueant beneuolentiam. Si quis absit, agrotare conijcitur, eique singu-



li ad æmulationem inferuiunt. Hic igitur Didymus integritate, & abstinentia enituit, etiam hoc prodigio insignis. Regio sole perusta, ac si in contrarium enitatur, venenata fert animalia eo atrociora, quo æstu acriori coquuntur. Ibi aspides, scorpiones, cerasces cornutos angues, atque id genus pessima telluris excrementa, passim reperies. Ea Senex, si quando molesta essent, illo pede legitur perinde compressisse, ac nos vilissimos terræ vermiculos. Sed quid mireris disruptos ab eo angues, qui Draconem humano generi infestum, toties singulari conflictu pessumdederat? Num venena officiunt innocentia, quam nulla vis elementorum, nulla hominis perfidia valuit umquam expugnare? Eam Dæmon, & infestus odit, & repressus admiratur.

## NOTÆ.



*E Didymo Celliense pauca admodum Euagrius cap. 24.  
Silet omnino Palladius.*

*Meminerunt illius Sozomenus lib. 6. cap. 30. Et Socrates lib. 4. capite 18.*

*De Eremo Celliæ plurima inuenies apud Sozomenum, & Nicephorum.*

*De Didymo Cæco Alexandrino nobilis est mentio apud plures veterum, antequam Origeni improbe consentiret.*

*Eundem æque laudauit Hieronymus, ac vituperauit pro cultu Origenis. Consule ipsius Apologiam in Russinam; Acta Quintæ Sinodi tomo 2. Concil. & Nicephorum lib. 17. cap. 27. & 28.*

*Plurima de eodem affert Baronius in Annalibus tomo 4.*











*Pregravis HELIAS ætate, trementiâq; ægrè  
Membra trahens, antri concaua saxa calit.*

*Hortatur socios, ut vitæ erratâ prioris  
Purgantes, studeant diâ statuta sequi.*



# HELIAS ANTINOITA.



E C T E virtus in arduo, vt eo neque facilis omnibus, neque prōmiscuus accessus pateat, sed tantum fortibus viris cū sudore, & anhelitu. Quod si fluxæ mortalium diuitiæ e putri telluris gremio præsertim effossæ, anxie adeo terra, mari, morte, ac naufragijs quæruntur, & non nisi duro labore, & pertinaci abstinentia cumulantur, ac sensim exurgunt, cur non habeat immortalis virtus, premium suum, adipiscendi difficultatem? Decuit tunc peregrinos inter confragosas montis rupes Heliam conuenire, vt premium referrent sui laboris, normam innocentis ipsius vitæ, & doctrinam. Iuuit & ipsum Heliam in arduum montem secedere, vt Cœlo propior supernis rebus studeret, & exemptus hominum aspectibus, nihil recte faceret, vt videretur fecisse. Centum ac decem annos natus dicebatur, & ex his septuaginta in ea montis crepidine egisse, cum Palladius Eremitarum apprime studiosus, ad eum reptauit. Montis hic asperitatem adeo expauit, vt dissiluisse eam apte describere, nobis reliquerit coniiciendam ex vna semita, qua ascendentes e vestigijs relabebantur. Sedebat tunc Senex toto corpore tremens ad os speluncæ, quam saxorum moles præruptæ vndique, & impendentes efficiebant cubile potius aliquod ferarum, quam imbecilli senis recessum. Credas tamen, eam ab Helia haud minus iucunde habitatam, quam nobiles quispiam alius principum ædes: nam postquam in montem ascendit, numquā ad subiectas regiones defiluit, sed ibi vltroneum solus egit exilium. Hæsit quomodo loci horrorem, & vitæ duriciem illic tolerauerit? Concordant diuina dona piæ hominum voluntati; nam Deus ipse causâ suscepti laboris est, & solatij. In ipsa orationis frequentia, post pensum redditum diuinæ laudi, quoties contigit huic in extasim rapi, & inter cœlestes ciues arcana Dei ineffabilia contemplari? Ita animum in suo Conditore fixum, corporis incommoda minime afficiunt: cum enim illic proposita victoribus præmia, & apud inferos pœnas impijs statutas meditatur, eo se se transfert libentius, vbi spes manet vitæ beatioris. Fidem opinionis habeo, famam inter adiacentes populos celebrem, quod super illum spiritus antiqui Helix requieuiisset. Nouimus e sacris codicibus, quam familiariter ille Deum alloqueretur; pietatē nouimus qua Idolorum euerfis altaribus, & mactatis Sacerdotibus, pulchra cæde facinus Isdraelitarum expiauit. Admiramur hætenus Achabi regis oscitantiam, & Iezabelis improbitatem, qua ille actus in desertum aliquando secus



torrentem Carith, deinde ad Montem Oreb, longo per solitudinem itinere ieiunio, ac lassitudine pene confectus est. Eundem aspeximus curru igneo in Coelum extolli. Attamen liceat nobis parua magnis conferre, & populorum opinionis rationem efferre, qua in nostro Helia specimen aliquod conijciebant maximæ virtutis alterius Helix. Solitudo vtrique communis est. Zelus item diuinæ Legis. At ultio de Idololatriis, qua prior Helias eluxit, proximam habeat vindictam posterioris, qui sensus Legis obseruationi reluctantes compressit, & sinceram mentem Deo holocaustum dedit. Ille igneo curru Coelum subiit, hic animo flamma charitatis accenso. Illius ieiunium corui allato pane repulerunt, huius voluntatem præfixa sibi quantitas cibi numquam expleuit. nam legitur ætatem robustam sustinuisse vnico cibo semel tantum in hebdomade accepto; & senescentem nutriuisse quotidie ter uncio panis, ac tribus oleis non ante solis occasum. Idem multis miraculis clauit, quæ abunde sanctitatem ipsius testantur, sed nobis id præcipuum sit ultra decrepitam ætatem eadem semper fide, & vitæ innocentia viguisse.

## N O T A E.



*DE Helia scribit Euagrius capite 12. & Palladius ijs fere verbis num. 51.*

*Illum decennio maiorem centenario nihil suctæ austeritatis remisisse prodit Sozomenus lib. 6. cap. 28.*

*Antinopolim urbem ab Hadriano Augusto extructam in honorem Antinoi dilecti ab eo adolescentis, qui in Aegypto fato abreptus est, accepimus ab Dione, & Spartiano, quibus Sanctus Hieronymus astipulatur.*

*Eundem turpiter inter Deos Gentilium relatum, rident Ecclesiastici Scriptores, Iustinus Martyr in Apolog. Origenes contra Celsum, Chrysostomus, & alij.*

*Floruit alter Helias Cætui sacrarum virginum Præfectus, qui in extasi ab gelis exsectus, & pudicitia donatus scribitur a Palladio num. 35.*

*Alius, etiam panes diuinitus acceptos hospitibus apposuisse num. 111.*











Debellaturus Barathrum, bis millia quinque  
SERAPION validos duxit in arma viros.

Ipse quidem telis certavit pluribus, vna  
Victor inexhausta sed charitate fuit.



# SERAPION ARSINOITA.



R B S regionis Cyrenaicæ ab Arsinæ Ptolemei Lagi filia auctore fratre Philadelpho nomen sortita, nobilis aliquando Monachorum extitit Academia: nam ager, qui in Lybiam vergit, ceteris mortalibus sterilitate, ac solitudine ineptus, institutis Eremitarum apprimè conueniebat. Hos, instar operosi apum examinis, illic excreuisse ad decem fere millia auctores consentiunt, stationibus quidem seiunctos, sed vnus Serapionis imperio obe-

dientes; qui presbyteratus officio insignis, sedulo amplissimi gregis salutem curabat. Ita militia aduersus Dæmonem, & carnis mollitiem, ab lucta singulari ortum ducens, paulatim in manipulos, cohortes, ac demum in legiones euaserat, dispersitis inter milites officijs, atque instituta disciplina, qua totus vnusquisque in hostem pugnaret, & ad maiores militiæ gradus conscenderet. Itaque e castris Serapionis cerneret Legionem prodire, in qua velites, terrenarum rerum despectum primi in aduersam aciem eminens iacularentur; inde inter hastatos recens, orationum contis irruentem hostem sisterent, mox principibus immixti, scuto continentia, & gladio contemplationis eundem cominus exciperent; ac demum merito ætatis, & sanctimonie inter Triarios cooptati, si quando acies inclinaret, illam insigni charitate restituerent. Et quia cum hoste insomni res erat, excubias sibi vnusquisque agebat, & Veteranorum consilijs Tyrones, Veterani Tyronum ferocia ad victoriam utebantur. Quis hæc non potius Angelorum, quam hominum castra dixerit, ubi miles primum docebatur, abdicata sua voluntate, alienis iussibus obtemperare, & per singulos virtutis gradus prouchi ad supremum Imperij decus? Id quia non opum, aut titulorum claritudine eminebat, sed paupertatis, ac humilitatis fauore conferebatur, ab vniuersis quærebatur enixius, quam optabatur. Nam veteres Patres haud minus sollicitos faciebat hostis auersus, quam aduersus; suetus nempe Parthorum more fugam inire, vt insequentes sagittis acrius confoderet; atque victum se se interdum simulare, vt incautos victores facilius opprimeret. Itaque hi despicere bellicam laudem, & victorias Deo ascribere, ne humana aliquando gloria tumescerent. Hauserant eam disciplinam ab Doctore gentium, qui ad tertium Coelum raptus, & diuinis arcanis admissus, tamen ad stimulum carnis lubens accepit malum genium, a quo colaphis caderetur. Igitur militum virtutem hospes indicem habeto sui ducis, cum scias e disciplina militari numquam Leonum exercitibus Cer-



uos præfici, sed Ceruos ab Leonibus ductari, vt insitam natura formidinem in audaciam ductoris conuertant. Hisce studijs diuinæ militiæ ciuile opus admisceatur, quod liberalitatem Serapionis in egenos, & discipulorum ipsius obedientiam plurimum commendat. Cum messis appeteret, e sterili Eremo discipulos ad fertiliores regiones dimittebat, vt frugum precio operam suam messoribus locarent. Hi laboriosos adeo, ac fideles operarios auide suscipiebant, quia in opere æstus tolerantiam, domi religiosam modestiam sæpissime experti, eorum exemplo vbique proficiebant. Duplex etiam hinc Ægypto beneficium. Alterum quod Prouinciæ frugum ditissimæ, & colonorum inopis, subsidia impendebantur. Alterum quod parta cum Monachis merces, præter eam, quæ victui necessaria videbatur, ad pauperes item redibat ipsius Ægypti. Et quia, vt diximus, Cyrenaicam regionem sterilem præ ceteris pauperes minus frequentabant, quod Monachorum necessitati supererat, Alexandriam nauibus mittebatur, egenis, ægris, & hospitibus distribuendum. Acta messe, & congesta in victum fruge, ad militiam ab agris reuertentes lætabantur ceteris exercitamenti eleemosinæ opus adiecisse, neque in eo quicquam propriæ voluntati indulgisse, cum fruges arbitrio Serapionis permissa, nutu ipsius erogaretur; vt recte dici possent, sudoris mercedem, quam oculati acceperant, cæci aduersus inanem gloriam profudisse.

## N O T Æ.



*E L E B R I S* est inter Euagrii Anacoretas cap. 18. & apud Palladium num. 76. ex quibus elogium desumitur.

De eodem agit Sozomenus lib. 6. cap. 30. & Niceph. lib. 9. cap. 14. qui etiam fusius de Serapionis virtute meminit lib. 11. capite 33.

Vniuersorum vna est vox illum Presbyterum, & Abbatem decem millibus Monachorum præfuisse, & messis tempore discipulos aliò operarios legasse, unde his fruges, & pauperibus eleemosina.

Idem fortassis apud Cassianum est, qui auctor inducitur quintæ collationis: & de quo agitur collatione 18. cap. 11.











*Tirones in monte cauo pia scripta docere, Vincere quo prauos affectus carne subacta*  
*Et labor et studium PITYRIONIS erat. Possent, ac structos daemnis arte dolos.*



# PITYRION ÆGIPTIVS.



**S**CHOLA Magni Antonij inter cetera Ægypti lumina Pityrionem edidit, quem hæredem eius virtutis non hominum sola opinio celebravit, sed etiã miracula longe clarius contestata sunt. Edoctus, quicquid ordo Sacræ militiæ deposcebat, quamvis recepto inter superos Antonio, alijs præfici potuisset, tamen maluit sub Ammone illius successore stipendia facere, quousque idẽ apud mortales fuit. Tunc longo usu militiæ, & consuetudine tantorum patrum instructus, cum cœpisset proprio Marte dimicare, famam illico eximij ducis adeptus est. Famam discipuli plures secuti sunt, quos ipse iunctis exemplo consilijs in castra virtutis citissime aduersus vitiorum petulantiam, & Demonis nequitiam perduxit. Primum oportuit, alterum a vetere Antonij, & Ammonis gymnasio instituere, quia id memoria eorum celeberrimum a propinquis populis mire frequentabatur. Itaque mons quæsitus est horridus adeo, vt viatores e Thebaide redeuntes fœdum etiam illius prospectum declinarent. Is succedentibus iniuriam rupibus scaber, & vertice erga subiectum flumen incuruo, ac si præcipitium sibi ipsi minaretur, intuentium oculos fatigabat. Nihil ibi deliciarum, sed neque ad hominum usus præter speluncas, quas nuda silex varijs anfractibus circumducta efficiebat. En hospes antrum, quod pictor enixe studuit laxo, ac tenebris immane simulare, neque tamen satis pro horrore, quem longe maiorem apud vitæ eius scriptores legas. Quot illic specus, tot palestras accipe, vel speculas, vbi aduersus repentinos Demonis incursus quisque aduigilabat. Certabat duri militis victus cum ipsa loci asperitate; & cuique firma inhæserat opinio fore acceptius Deo obsequium, quod maiori incommodo impenderetur. Meminerant prisca instituta, quo Iudæorum gens iuebatur e rudi saxo, & impolito aras Deo excitare, vnde libentius loci, & vitæ ruditer nullo terrenæ ambitionis ferro expolitam, Deo aram puræ sinceritatis erigebant. Neque sacrificio aberat hostia in eadem prona, ipsa obedientia, quam a Samuele didicerant ceteris victimis præstare. Hanc ipsi Deo votam, Pityrioni exhibebant. Ipse nihil discipulis iussu volens, quod prius sibi ipsi non imperasset, aderat vniuersis incitamentum. Bis in hebdomade cibum ex pulce farinacea sumebat, quo mortem arceret magis, quam vitam produceret. Multa ipsi laus a curatione infirmorum, & plurima virtus, & auctoritas in malos Genios, qui obsident humana corpora. Nam sicut olim superba coniuratione aduersus conditorem suum

sibi



sibi ruinam, & exilium confluauerant, ita oppositam suæ infamiæ gloriam humilitatis in Pityrione æque oderant, ac timebant. Odium agnoscis in diutina fatigatione ac negotio, quod ipsi, & discipulis ad æternam vitam incedentibus faceſſebant. Timorem vidisses eorum, qui homines vexabant: nam ad aspectum ipsius frementes, & vlulantes fatebantur, se in summo algore æstuarē, atque importuna reluctatione ab eo sibi inferri tormenta. Ea propter innumeri ab eorum obsessione precibus beati viri exempti sunt. Apud Scriptores adhuc extat Pityrionis doctrina, qua nostræ ætatis Exorcistæ, si velint, facillime infringant improbi hostis vafriciem, ac pertinaciam. Aiebat. Quando extorres ij de Cœlo ad infimas telluris caueas detrusi sunt, etiam a virtutibus descuerunt; & sicut hierarchice ad diuina obsequia distinguebantur, ita post lapsum retentis ad iniuriam ordinibus etiam inter se vitia dispertuntur, quibus mortalium felicitati inuidentes, conantur eorum animos inficere, & in contemptum depellere sui conditoris. Itaque athletam aduersus eos pugnaturum, oportere primum se ab eorum vitijs integrum seruare, atque deinde audacter obsidentes aliorum corpora exturbare. Sic gulosum Dæmonem facile protriuerit, quisquis gulæ lenocinia contemplerit. Sic auaro spiritui imperauerit, qui in Christi pauperes exercuerit liberalitatē. Quis enim arroget sibi imperium in eos, quorum ipse iugo deprimitur? vel hostilibus armis incessat, quos malorum suafores sequitur, & obsequijs amicos profitetur?

## N O T Æ.



*A L E in tabellis Sadelerorum Spyridion, qui in Cypro Episcopus Thrymituntis illustris, inter Patres Nicæni Concilij, nihil commune habet cum Anacoretis.*

*Pytirionis acta habet Euag. cap. 13. & Palladius num. 74. probe consentanea.*

*De eodem mentio est apud Sozomenum lib. 3. cap. 13. & Niceph. lib. 9. cap. 14. qui iuncto pene stilo scribunt, illum aliquando quod Athenas Asceterium, seu Cænobium instituisse.*

*Differt ab eo Pytiron ille, quem Palladius recenset multæ virtutis virum, & aliorum probitatis æquum existimatorem, num. 42. & Socrates Petirum nuncupat lib. 4. cap. 18.*









Maluit **EVLOGIUS** desertas quærere sedes,  
Quam terere urbani splendida tecta soli.

Hinc fratres munire suos pietate laborat,  
Impiaq; ætatis plangere facta suæ.



# EVLOGIUS ÆGYPTIVS.



V E M cernis quercu innixum euoluere librum diuinæ Legis, Presbyterum, & inter Eremitas præcipuum dignosce Eulogium, qui lectione indicat mentem sacris rebus mancipatam, & vultus serenitate admirabilem morum mansuetudinem præfert. Ceteras virtutes conijce ab ipsa sacerdotij dignitate, quam veteres Patres non profuse, sed parce admodum, & quibusdam tan-

*Cassianus.  
Col. 21. c. 1.*

tum viris sanctitate, & doctrina præstantibus, atque ex vniuersa Monachorum Legione delectis, conferebant. Ita ea ætas diuinarum rerum dignitati consuluit. Verum nec Patrum opinio, neque ambitio maximi honoris, adeo viros stimulabat, vt sponte hunc susciperent, sed coacti maiorum imperijs, & inuicti plerumque. Huius rei testes habeo alios, qui pia Episcoporum violentia Eremita abstracti, & initiati, populorum salutem curare, & præfecturam animarum subire coacti sunt; alios, qui membra sibi exsecuerunt, ne initiarentur. Quod profecto ex diuini cultus obseruantia exactiori, & eorum humilitate, accidisse existimo, cum sciam apud occidentales prouincias supremos aliquot ordinum Patriarchas ab ea dignitate consulto abstinuisse. Sed cum religiosæ exercitationis, & diuinarum rerum apex sit ineffabile altaris Sacramentum, in quo fideles pijsissimi Redemptoris sui corpus, & sanguinem venerantur, atque spiritali inde cibo accepto ipsius gratiam ad æternam salutem, & præsidium aduersus hostium nequitiam consequuntur; ea propter curauerant Patres in Eremita construere Ecclesias, vbi statis diebus sacra Sinaxis ageretur, atque vniuersi Eucharistiam religiose perciperent. Itaque tametsi eadem omnium esset contentio de humilitate, & ordinis reuerentia, oportebat tamen aliquem Sacrorum Ministrum designari, qui pro libito intrus Eremiticam paruitatem, extra cultu venerabiliore, diuini muneris splendorem tueretur. Hospes talem Eulogium tibi suadere potuissem ab ipso Sacerdotis titulo, sed alterum adhuc subiiciam Dei donum, quo illum longe illustriorem cognoscas. Nosti proprium esse ipsius Dei, & alienum ab hominum natura, aliorum cogitationes, & animo oberrantes curas perspicere. Ipse tamen Eulogio dedit, vt sacris altaribus ministrans, merita & culpas cognosceret singulorum, qui ex his participarent. Vnde maius apud quemlibet studium integritatis fuit, & ab omni labe criminum expiatio. Arcuerat olim a sacra Mensa, quos intellexerat occultis cessisse cupiditatibus, aut fluxa fide erga Mysterium illud minus stare, etiam singulis aperiens, quibus suggestionibus assensissent. Siccine, aiebat, ausi estis in hanc æterni luminis clarita-

*Sozom. lib.  
6. cap. 20.*

M tem



tem lippos oculos intendere, qui tenebris diffidentiae haftenus cæcutitis? Ita ad mensam Agni immaculati, quam cohortes Angelorum venerabundæ circumstant, accedere vobis in animo fuit, qui inter prauas carnis cupiditates volutati desideriorum adhuc luto sordetis? Faceffite hinc, faceffite, donec profanam audaciam poenitentia diluatis, & digna pro facinoris grauitate satisfactione promereamini inter membra illius recipi, quem visibilibus obductum elementis impudenter adeo appetere non exhorruistis. Quis salutarem repulsam odisset, quæ fulmine veritatis ad commiserationem temperato, potius auerteret nutantes animos ab sacrilegio, quam in desperationem verteret? Quis ignoraret, in verbis Eulogij Dei clementiam, quæ peccatores ab aris submouebat, ne diras sceleris vltices subirent, atque interim errores mentis, & humanæ fragilitatis culpas exuerent? Hac Eulogij seueritate pie coerciti, & orationum ipsius suffragijs adiuti, sacris & gratiæ reddebantur; vt nulla contumeliæ, sed diuini operis tota ratio esset, quod tumor pestilens animi confecturus cuspide reuelationis incideretur, ne malo ceteros aliquando contactu inficeret.

## N O T Æ.



*EVLOGIVM* multis laudibus efferunt Euag. cap. 13. & Pallad. num. 75. Quibus consentiunt Sozomenus lib. 6. cap. 28. & Niceph. lib. 11. cap. 33.

*Præter Ammonium Longum, qui postea Origenistam se prodidit, & sibi aurē præciderat, ne Episcopus initiaretur, nobilis est memoria Sancti Nilamonis, qui ne eandem dignitatem subiret, Deum precatus est, vt ante vita excederet, excessitque.*

*Isaac Abbas ne Presbyter fieret fugam iniuit.*

*Abbas Motues cum inuitus sacrum characterem accepisset, tamen ad obitum vsque sacris litare abstinuit. Vita sp. par. 2. cap. 78.*











*Moribus, atq; animi pietate insignis APELLES,  
Ætherio doctus sacra litare patri,*

*Cœnobijs, ferrum fabrili haud inscius arte  
Cudere, sollicita profuit usq; manu -*



# APELLLES FABER.



A. B. R. I. L. E. M. artem, quis religionis tirocinio ab-  
similem putet? Ocium quod illius vires, huius  
mores corrumpit, anxie vtrunque exploditur. Vi-  
giles ambo vel hymnorum concentu, vel ictibus  
malleorum auroram anteuertere. Vtrique necesse  
ad opus, ignem inextinctum fouere; alteri quo fer-  
rum in præstantiores formas recudat; alteri quo se-  
mel succensa æstu diuini amoris, eodem iugiter ca-  
lescat. Illa ferrum, hæc mores elimare: vtraque

luxum odisse, ac victus parcitatem sequi. Lector dixeris nos ab officina, &  
elementari foculo, repente ad flammæ coelestis gratiæ traiecisse, & ærariam  
artem, præter comparationis apud Rhetores præcepta, voluisse spiritalibus  
disciplinis inferere. Ita prorsus ex occasione Apellis huius, quem fabrum, &  
Eremitam cernis inter aras Deo sacras, & incudes suæ artis versari; vt ea faci-  
litate, qua nos ab arte fabrili ad coelestium contemplationem diuertimus, tu  
illum cogites ad virtutum spiritalium officinam a fabrili instituto flexisse. Vi-  
xerat aliquandiu apud suos innocenter, mox religionis desiderio incensus in  
Eremum abiit, vbi faber effectus sui ipsius, mores suos studuit expolire, ani-  
mumque componere ad iussa sui conditoris. Ita congenitam integritatem  
transferens ad vitæ genus longe præstantius, illum mentis candorem inter ip-  
sos religionis candidatos retinuit, quem ab omni huius Mundi caligine inof-  
fensum attulerat. Neque tamen illic malleis, aut æri pepercit; immo diui-  
nis rebus animum tribuens, corpus fabrilibus exercuit, ne in quiete superbiens  
auderet spiritui reluctari. Diuinæ vocationis gradus in eo hospes intueri.  
Faber e fumo, strepituque ruentis sæculi abducitur. In Eremita sui corporis  
maceratione, & omnium virtutum profectu, sanctitatis opinionem conse-  
quitur. Inter sanctos, deferente vniuerso Eremitarum Collegio, dignus ha-  
betur, qui sacrum Presbyterij officium suscipiat. Nihil horum cupide ambi-  
tum est, sed collatum propriæ virtuti ab alieno iudicio; quia non præcipiti vo-  
to, sed matura de emerito viro Patrum sententia res tunc temporis ageban-  
tur. Cogimur inuiti memorias Clarissimorum virorum breuibus adeo elo-  
gijs honestare, quod scriptores de his parcius egerint, dum vtramque The-  
baidis solitudinem lustrantes, æmulantur calamo itineris celeritatem. Atta-  
men vnum superest Apellis facinus, quod fidem, & sanctitatem egregie osten-  
dit. Æramenta in vsum totius Eremitæ noctu Pater cudebat, probe opus vigi-  
lij coniuuens. Forsan religiosus faber sacris hymnis opus solabatur, vt id

*Cassianus*  
*coll. 21. c. 1*

g enus



genus habet, cantu laboris duritiem lenire. Silentium, nox, & solitudo à reliquis faciebant. Ignis aderat follium impulsu fremens, atque in eo ferrum operi subiiciendum. Huc humani generis hostis irrupit non armis, aut virili aspectu, sed ore foemineo, & fucata ad stuporem vsque pulchritudine. Quid ad illicitum huic deesset? Num forma? cum etiam maxime deformia soleat hominum oculis pro speciosissimis obtrudere, ac sensus ad nutum fallere? Deesset procacitas Magistro omnium libidinum? Egeret facundia, qui illam primo ac pessimo nostro malo apud Euam omnium parentem exercuit? Cerneret puellam lasciuie comptam formæ excellenti ingenuam prætereundere verecundiam, & demissis blande oculis, velut hominis conspectum erubesceret, virgineum pudorem ementiri, interdum tamen his sublati modice subridere, & acriores libidinum faces eiaculari. Aduentus causam simulat, quippiam illius artis sibi necessarium. At Senex initio anceps, qua procax puella per noctis umbras in Eremum, & fabri Tabernam penetrasset, dolum paulatim sensit, & Dæmonis artem fabрили artificio elusit. E fornacula ferrum candens manu arreptum in faciem petulantis puellæ iacit, quo percussa statim immani edito ululatu euanuit, illæsa penitus manu, qua Senex ferrum incensum extraxerat. Fugientis vox in ipso noctis silentio longe atrocior totam Eremum peruasit, unde pessimi Dæmonis contumelia, & Apellis victoria illustrior fuit. Adiecit victori donum Dei liberalitas, ut deinceps nudis manibus ferrum candens innocuus tractaret. Itaque hostis licet ab elementaribus iniurijs, & plagis hominum liber, sui tamen ipsius contemptum ad Apellis gloriam coactus est fateri molestissime accepisse, eumque ferino ululatu euulgare, quo scirent vniuersi, nihil Christianæ fidei imperium esse, vel innocentis vitæ meritis inaccessum.





N O T Æ.



**N**OBILIS iniuria, qua infestum hostem Apelles decessit, auctorem habes Euagrium cap. 15. Et Palladium num. 60. Quam repetunt decore satis Sozomenus lib. 6. cap. 28. Et Nicephorus lib. 11. cap. 34.

Horum etiam certior est opinio de loco, ubi miraculis claruisse Apelles dicitur.

Achoris nuncupatur inter Aegyptios, fortassis ab Idolo, seu falso numine, quod ad muscarum pestilens genus abigendum Cyrenaici pars Aegyptiorum colebant.

De eo meminit Plinius lib. 10. cap. 28. Si quidem suevisse eos ab Deorum nominibus Vrbes appellare. Testem habeo Hermupolin, Diospolin, Antinopolin, & alias id genus plures.







*In tristi Nitrae deserto habitacula sacris  
Apta exercitijs fixerat ORIGENES.*

*Mos erat hic, proprias peregrinis cedere sedes,  
Hospitijsq; suis condere tecta noui.*



# ORIGENES ÆGYPTIVS.



D S T A spectator ; & quidem nomen accipe Origenis eximij Anacoretæ , qui sub Antonio sacram militiam apprehendit, & instar illius ad vera Christianæ religionis decora prouectus, etiam in nostro Musæo locum habet . Sed opus Cœmentarij, quo cellulam peregrinis illico dimittendam , vt alias plures, videtur extruere, scito ab Origene prorsus alienum , & pictoris inscitia appositum . Quippe hoc studium nō ipsius, sed Ammonij Abbatis fuit,

qui cum germanis Eusebio , & Euthimio in Scythi regione Anacoretis frequentissima aspere , ac religiose aliquando victitasset , in Origenis delirium prolapsus , & ipsius errores mordicus sustentans , inter Ægypti Monachos turbas, & seditiones excitauit; ausus, & Alexandria Pontificem carpere, & catholicos errori infensos maledictis exagitare, donec canente classicum Hieronymo, & vexillum inferente Epiphanio Salaminæ Episcopo, Sinodus Alexandria coacta est, in qua Theophilo Urbis Antistite præsidente damnatus sede Ægypto depellitur . Sed audax Origenista nihil fractus tantorum Patrum iudicio ab errore non resipuit, immo prauo semper omnium hæreticorum more, ausus fuit de rebus fidei ad Cæsaris thronum prouocare, & sacra profanis commiscere. Habuit etiam assecclas suos, quātum Sacrarum Scripturarum ignaros, tantum obstinatiores, e quibus agmine composito Bizantium nauigauit, aliquam ibi erroribus opinionem facturus, nisi breuissime vita excessisset . Hospes forsan Palladium audisti, quibus Ammonium laudibus celebret, & Sanctis Anacoretis studeat coniungere ; sed cogita affinem de affine loqui, & familiare scelus inter domesticos collaudari . At noster hic Origenes apprime Catholicus, & nulla ad pompam ostentatione, fidem, & disciplinam, quas ab Antonio Magno acceperat, præstitit vbique incorruptas, siue hanc peregrini, siue incolę eam cuperent edoceri . Subijcimus imagini Summi viri breue quidem elogium , sed duobus insigne ornamentis , quæ auctores de eo meminerunt . Alterum prudentia est, qua probis consilijs optima facta coniunxit, sibi & alijs pie prospexit, atque receptam inter populos de se opinionem virtute, & rebus bene gestis transgressus est . Eloquentia alterum, qua Antonij mores, & miracula sæpe rogatus enarrare, miram ex his doctrinam, ac pietatem auditoribus infudit, & sancti præceptoris memoriam frequenti mentione exornauit.



## NOTÆ.



*CELLVLAS* construxisse, ac peregrinis sæpius dimisisse laus extitit Archebij Abbatis Diolceni, de quo agit Cassianus Institutionum lib. 5. cap. 37.

Etiam Ammonio hoc ipsum tribuit Euagr. cap. 23. & Palladius num. 70. Sed nos Origenistam hæreticum damnatum explodimus.

Celebrent illum unacum Dioscoro, Eusebio, & Euthymio germanis, Euagrius & Palladius eadem fuligine conspersi, & more eorum qui Cæcos duces sequuntur, in eorum sententiam eant Sozomenus, & Nicephorus. Sed nostri huius Origenis laus sit apud Catholicos, utpote discipuli Magni illius Antonij, qui hæreticorum omnium familiaritate ex testamento suis sectatoribus interdixit.

Origenis pie meminit Idem Euagrius cap. 26. Sed Palladius silet prorsus.

Nonnulla de eodem reperies apud Sozomenum lib. 6. cap. 30. & Nicephorum lib. 11. cap. 37.











EVAGRIVS sacri diuina oracula verbi  
Doctus, et æternæ dogmata legis, erat.

Vnde suis sanctæ præcepta salubria vitæ,  
Inuicta aduersus demonas arma, dabat.



## EVAGRIUS PONTICVS.



VAGRIO huic imago statuta est, non quia as-  
fertorem prauorum dogmatum Origenis, & cul-  
tro Sanctæ Catholicæ Ecclesiæ derafum ex albo  
fidelium, inferi velimus cætui illustrium Anaco-  
retarum; sed vt Palladij sectatoris, & necessarij sui  
studio inter eos subdole olim recensitus digno in-  
de sua temeritate elogio extrudatur, & delatus im-  
merito honor auerruncetur. Ad Pontum Euxi-  
num inter Iberos natus sub Basilio Magno Cap-

*Pallad. n.  
86.*

padociæ Episcopo, & fratre ipsius Gregorio Nisseno ad Ecclesiæ ministe-  
rium delectus, ab eo inter lectores, ab hoc inter Diaconos cooptatur. Item  
ex Sacrarum literarum studijs aliquam sibi præstantis ingenij fidem parauit,  
quæ non minimum creuit Nisseni consuetudine, qui ad Sinodum Constan-  
tinopoli indictam proficiscens, Euagrium sibi comitem adsciuit, & Nectario  
in eam sedem, Gregorio Naziâneno vltro abdicante, successore plurimum com-  
mendauit. Illic aliquandiu versatus cum eruditionis, & morum elegantie  
famam aucuparetur, mutuo nobilis faminae desiderio arsit, sed refugiens ad-  
ulterij turpitudinem, seu veritus viri ipsius zelotipiam, qui multa apud Au-  
gustos auctoritate, coniugij iniuriam facile vindicasset, vsus saniori consilio in  
Ægyptum abiit. Sed qui adulterium Byzantij effugerat, sacrilegium in  
Ægypto subiit; & qui zelum coniugalis hominum pudicitie timuerat, spon-  
sam Dei viuientis Ecclesiam ausus est cœnosis opinionibus attrectare. Dixi-  
mus Alexandria Didymum fauisse erroribus Origenis, & libros *Περὶ ἀρχῶν*,  
scholijs vase ornatum, inter Monachos Ægypti dispersisse. Audiuit eundem  
Euagrius, & Origenis venenum auribus acceptum altius in cor trasmisit,  
quod postea proprio felle auctum in maiorem Catholicorum perniciem euo-  
meret. Ita qui ab Cæco ductus in Origenis errores impegerat, eosdem ocu-  
latus voluit ad occidentis populos transmittere, vsus propterea Rufino Aqi-  
leienſe, qui libros *Περὶ ἀρχῶν* latinitate donatos Romam inueheret. Res-  
iam in vota concessisset, atque malis initijs deteriora adiuncta essent incre-  
menta, allatis in urbem libris, & in vulgus iactis, nisi Marcellæ nobilissimæ  
Romanarum mulierum fide, ac religione, indicio detectum venenum, & in-  
fame redditum voce Hieronymi e pago Betlehemitico fulminantis, Summi  
Pontificis decreto exastum esset, ne latius serperet. Etiam ipse Rufinus in-  
uector portentorum iussus causam dicere, & sibi male conscius, absens ana-  
themate notatus est. Interea Euagrius ab Alexandria Hierosolimam pro-  
fectus

*Hieronim.  
Epistol ad  
Pamach.*



fectus, apud Melaniam Seniore Romanæ fidei quale decus ! ( nisi excidisset ) aliquandiu mansit , ægrotavitque ; male tamen hospitij repenso officio , quando nobilem fæminam hætenus de Christiana re optime meritam eodem Origenis cœno aspersit . Eadem hortante , cum religionis cucullum induisset, ad montem Nitriæ profectus est, vbi in grege Cœnobitarum biennium exegit . Proinde arbitratus tantum in Gymnasio profecisse, vt solus iam militare posset, in Scythin Eremum contendit . Recruduit tamen in ea solitudine venenum, quod Didymo propinante hauserat, atque in vomitum erupit . Itaque libros quosdam effutijt ad Monachos , ad Virgines , & ad Melaniam ipsam melle perlitos eloquentiæ , sed Origenis opinionibus confarcinatos, quibus simplices Eremitarum mentes veteri famæ Origenis deditas, & recentium errorum ignaras, ab Ecclesiæ vnitate aberrare fecit . Præ ceteris nixus est apathiam , quam nos impassibilitatem , vel impeccantiam dicimus, acceptam e scholis Stoichorum, in Ecclesiam referre . Libero ea hominis arbitrio tātum tribuebat , vt sua vi talem sibi hominem obfirmaret, qui Deo, vel saxo similis , nulla posset perturbatione commoueri . Explodebatur etiam fomes peccati, qui post collatam in baptismo gratiam remanet, vt hominem exerceat , & ad promerenda maiora victoriarum præmia sollicitet . Lector huius opinionis maxima adhuc vestigia reperies apud Palladium in Lausiatis, quibus eundem Euagrii contubernalem, sectarium , & laudatorem dignoscas . Scripsit etiam vitas Eremitarum, vt Catholicis Patribus Origenistas suos intermiseret , quod tamen Hieronymus probe sensit , nec tacuit . Mirum quot ex ea doctrina in Ægypto rixæ excanduerunt , & scissa Christi fides quantum perpeffa, dum Origenistæ errorem Antropomorphitarum Catholicis obijciunt, eosque Pilosiotas vocant; hi venenatos colubros iure execrantur . Eodem dissidio cognitum est, quantum sibi arroget ignorantia studio decepta opinionis . Monachi Origenis studiosi , quem martyris filium, & eruditissimum scriptorem audiebant, sed hæreticum non nouerant, cò temeritatis progressi sunt, vt Theophilum Episcopum pene opprimerent, nisi coram Origenem laudauisset . Vulgus etiam eorum sanctitatis opinione ductum suaderi non poterat, quod pro hæresi aduersus fidem catholicam cōfigerent . Ea propter ambigua vbique concertatio , & ex inscitia temeritas . Et quamuis sinodali iuditio damnati apud bonos excidissent , tamen maiora tentare aggressi sunt, dum eorum Centuriones Euagrius, Ruffinus, Palladiusque , ( & Ioannem Episcopum Hierosolimitanum adiiciam ) eorum incendijs faces subministrarunt . Ab his Pelagius post aliquot annos ansam accepit impiæ hæresis , qua apertius liberum arbitrium præter gratiam diuinæ largitatis sustentans , multas orbis terrarum prouincias depopulatus est . Sed plura diximus de Hyperborita , quā par esse videatur, cum sciamus illum re-

petitis

*Hieronym.  
Epistol. ad  
Ctesiphon*

*Hieronym.  
Ibidem.*



petitis Ecclesiæ Sanctæ iuditijs, & in quinta præsertim Oecumenica Synodo, & duobus Romæ Concilijs, hæresis damnatum, in præsentī Musæo non ad ornamentum sui ipsius, vel loci, sed in probrum hæreticorum stare. Habuit tamen laudatores suos, ex quibus alij virtutem ipsius, & ingenium ante susceptos errores Origenis commendant; alij iisdem erroribus impliciti, ut mulorum est se se mutuo scabere, antesignanum suum immodice extollunt. Sic Socrates hæresi Nouatianus ausus est illum Macarijs sanctissimis æquare; & Gonnadius Pelagij alumnus miraculis honestare; atque Palladius ceterorum Euagrio addictissimus eundem scribere vixisse instar Apostolorum.

## N O T Æ.



**P**RAETER Palladiū affectā, habet Ponticus laudatores suos Socrate, Sozomenum, & Nicephorum, quorum alter sumpsit ab altero. Latuit aspis aliquādo obiecto veneno inter choros Angelorum; sed simulatio palam fuit, cum libros sententiarum edidit, quibus Apathiam, quam D. Hieronymus impeccantiam, Nicephori interpretes Indolentiam nuncupat, secutus Origenem euulgauit, qui eandem e schola Stoicorum ebiberat.

Ceteras item illius opiniones de primaeva animarum aliquando origine, & de earum ablegatione ad inferiora corpora in pœnam delicti, ceterasque eiusmodi impietates cum Didymo illo Caco, & Ruffino, Palladioq; Galata tenuit, docuitq;

Hinc Hieronymi zelus, quo Ponticus idem cum ceteris Origenistis exagitatus extra limen Catholice Ecclesiæ proiectus est.

Totius facti seriem recenset Baronius in Annal. tomo 4. & 5.

Plura etiam de eo notantur in Indice expurgatorio Romæ, tomo 5.

Bibliotheca veterum Patrum in Euagrio.

De eodem rectissimum habetur iudicium Sancti Ioannis Climaci, & Quintæ Synodi auctore Sancto Tharasio Episcopo Constantinopolitano, ut in actione 3. Concilij Niceni 2.

Sed Euagriū illum, de quo in libro Vita sp. scribitur cap. 3. oportuit alterum esse ab hoc Pontico, quia Ponticum nimis dedecisset de seipso scribere, & adeo procaciter seipsum Sanctis Anacoretis immiscere.

Vel si de Pontico id accipiendum sit, dixero ab aliquo sectatore ipsius adsumum esse.





OR *deserta colens paucis accessa, flagrantem*  
*Ad Dominum sudit nocte dieq; preces.*

*Hinc pluvialis aqua, et iunctae silvestribus herbis*  
*Crudae radices potus et esca fuit.*



# ORVS ÆGYPTIVS.



D H V C scorpius inter bombices . Iam hospes-  
mores hereticorum nouisti, qui ea tempestate scri-  
bentes res ab Anacoretis præclare gestas, consulto  
optimis Patribus, & Catholicæ veritatis propu-  
gnatoribus, adiungere ex suis aliquot perduellio-  
nis reos, damnatosque. Duplex consilium: Posse  
malos sub pallijs bonorum impune agere, & ma-  
lorum infamia bonos affici, vel vniuersos æque bo-  
nos existimari. Sic Ponticus sub initio voluminis

*Hieronim.  
Epistol. ad  
Ctesiphon.*

sui Ioannem Ægyptium Prophetam egregium præmittit, quem alij sectæ suæ  
viri subsequantur. Ita etiam Palladius Pontici simius post Ammonem Ni-  
triotem sanctum apprime virum Orum hunc intrudit; & post Serapionem  
Sindonitam affert suum Euagrium, quos ambos Origenistas, & ab Ecclesia  
proscriptos orbis terrarum vniuersus redarguit. Sed cur accurate adeo per-  
scrutemur eorum vafriciem in quærendis apud Sanctos latibulis, cum hæ-  
beamus Hieronymi testimonium plorantis, quod inter choros Monachorū,  
quos Angelos dixit, Origenistas latere aspexerit, quos etiam merito Aspides  
appellauit. Habeat igitur Orus suam famam ab asperrimo vitæ genere, &  
morum præseferat integritatem, nō tamen adsequetur beatitudinis præmium,  
quod in Catholica tantum Ecclesia, & fide creditur, & meritis datur. Scribi-  
tur in somnis ab Angelo admonitus esse. Esto, dum Catholicæ fidei com-  
municauit. At sordet commentum auctoris, cum scribit, Orum diuinitus pe-  
ritiam Sacrarum literarum accepisse. Nam quomodo vir diuinæ eruditio-  
nis applauderet Origeni in his, quæ vel illiteratæ mulierculæ veterum tradi-  
tionibus insistentes, & vulgatam sequentes fidelium (pro captu) doctrinam,  
respuerent, ac detestarentur? Quam discors ab diuina iustitia ea opinio, quod  
vnigenitus Dei filius, sicut olim ex Virgine factus homo vt Adæ scelus, at-  
que vniuersi generis crimina expiaret, se se in ara Crucis Hostiā obtulit Deo  
Patri, ita aliquando carnem, & Crucem pro rebelle, & contumace Angelo  
esset resumpturus? Siccine superbi spiritus malitia æquatur miselli hominis  
fragilitati? Angelus ingrate, ac proteue liberalissimi sui conditoris maiesta-  
tem affectans comparabitur Adæ, quem idem Angelus inuidiose nequam in  
contemptum eiusdem conditoris, & mortis poenam induxit? Itane eodem  
Christi Sanguine deceptoris Angeli atrocitati, vt simplicitati decepti homi-  
nis consulatur? An post rebellionis crimen vniquam audita est perditissimi  
spiritus poenitentia? Adhuc Maiestatem odit, & seruos illius exagitat, vt ab

*Lib. 3. A-  
polog. con-  
tra Ruffi-  
num.*

*Seneca  
Sulp Dia-  
log. lib. 1.*

O ipsius



ipsius cultu, & gratia desciscentes secum æternas impietatis pœnas luant. At error hic Origenis ceterorum index esto, ne oculos pij Lectoris immundis adeo blasphemijs detineamus. Itaque Orus iste, vel non hausit diuinitus disciplinam, vel ad exemplum Didymi illius Alexandrini insana Origenis sectatione corruptus. Ideo Euagrii, Ammonij, & reliquorum socius, eodem anathemate ictus, nullum hic locum obtinet, nisi in erroris detestationem, & memoriam Catholicæ in seipsum vindictæ. Minus etiam Palladio, & quibusdam eius ætatis, & sectæ auctoribus creditur, qui Oro ascribunt eximiam virtutem aduersus malos Genios, & miracula comminiscuntur. Nam quomodo hic malignos spiritus ex aliorum corporibus extruderet, qui corde hæresibus instructo eos exciperet, ac foueret.

## N O T Æ.



*RECTE Cassianus docet esse admirabilius de seipso vitia, quam de altero Dæmones extrudere, Collatione 15. cap. 8.*

*Orus iste, a Hieronymo Or, a Sozomeno Ores dictus inter hæreticos Origenistas sit.*

*Nicephorus lib. 11. cap. 33. scribit non accepisse illum diuinitus gratiam eruditionis, ut Palladius comminiscitur, sed adeo valuisse memoria, ut qua semel audiisset optime retineret.*

*Tribuunt eidem miracula laudatores sui: ideo lectorem admonitum volo, quod Græci scriptores, Socrates præsertim Nonatianus, & Nicephorus in hoc incumbunt, ut Origenistarum causam non ad errores Origenis defensos, sed ad præuatas Theophili Alexandri Episcopi similitates trahant.*











*Numinis afflatus sacro spiramine COPRES  
Arva colit, plantat, seminat, atq; metit.*

22

*Vsibus humanis permultas colligit herbas.  
Et steriles agros fertilitate replet.*



## COPRES ÆGYPTIVS.



O S P E S deinceps nullas hæreticorum imagines aspicias, neque inscriptiones vltrices scelerum, sed delectos heroes Catholicæ fidei, & vera Eremi ornamenta, quibus maximarum urbium gloriam anteiuuit. Quem cernis compositis ad maiestatem oculis ex imagine sanctitatem spirare Copres est Eremita, & Presbyter vices Apostolorum perfunctus in subiecta regione, in quam Christianos ritus inuexit, & incredibili exitio sterilitatis sublato vber-

rimam intulit fœcunditatem. Vigebat apud extremas Ægypti regiones adhuc Idolorum superstitio, quamuis Augustorum rescriptis, & Christianorum miraculis, & concionibus longe antea cœpisset urbibus exulare. Nam Principum iussa eo, vel non peruenerant, vel gens auito scelere inhærebat firmitus, quam ratione, & hortatu diuelli posset. Etiam contra rusticorum duritiem tanto acrius laborari oportuit, quanto minus doctrinæ ex imperitia admittebatur. Dixerim quoque refractarios Dæmones obstitisse, ne antiquo iure exciderent. Attamen eorum peruicaciam, & gentis cecitatem deuicit Presbyteri huius labor, & tolerantia; adeo vt plebs paulatim a profanis ritibus abducta ad Christi religionem transuerit. Animorum salutem agri felicitas secuta est, cuius hoc vitium fuerat. Segetes messem longe minorem dabant, quam semen, & aruorum cultus requirebant, & eorum luxuries pollicebatur. Cum enim in spicas adolescerent, malum sibi gignebant, vermiculorum genus, a quo misere conficiebantur. Suscepta Christi fide Neophiti, vt id malum auerterent, Presbyteri sui preces apud Deum postulabant. Respondit is non vermes tantum desituros, sed ipsam arenam fruges daturam si in fide persisterent. Ea vox obauditæ precis, & futuræ fertilitatis omen vulgo accepta. Nec mora. Sinus complent arenæ pedibus Copretis substratæ, & rogant, vt ei sacro ritu bene precetur. Fides, qua res tota agebatur, e successu futura erat recepti cultus testimonium. Annuit Deus votis fidelis populi, qui postquam sacerdos iuxta eorum fidem arenæ fœcunditatem apprecatus esset, eam semini immixtam per arua disperfit. Mirum humanæ fidei a diuina liberalitate subsidium. Cum ager extra omnem vermium iacturam pulcherrimam frugem dedisset, regio deinceps alias totius Ægypti vberiores annona superauit. Presbyter publicum commodum in suam etiam rem traxit. Hortulus eadem soli sterilitate laborabat. Huic semen iniecit arena benedicta mixtum, quo in posterum herbarum, & arborum ferax euasit. Inde quo-



quotannis incolarum mos fuit, satiuo tempore ad Copretem arenam afferre. Sed hæc inter agrestes populos gesta adhuc maiorem sibi fidem vindicant ab vrbis proxima, in qua Copres idem prodigio excellentiori de Mago Æthnico triumphauit. Eam noua seges Christi fidelium incolebat, quam iste magicis artibus instructus peruertere satagit. Copres in auxilium opportunè aduolauit; verum quamuis comptis illius mendacijs nudam, atque ideo fortio- rem veritatem obiectaret, tamen nequibat lubricum anguem adeo retinere, ne facundus publico malo e manibus veritatis in aliquam apud vulgus inane opinionem elaberetur. Deerat iudex cuius arbitrio maxima de religione controuersia committi posset; & plebecula verborum strepitum sequens merito timebatur, ne in partes illius concederet, qui extremus in agone stetisset. At Copres, vt fidei negotium extra aleam popularis imperitiæ sisteret, remoto verborum apparatu experimentum obtulit, quo quisque suo periculo propriam fidem obfirmaret. Rogum in foro succendi iubet fidei, ac perfidiæ examen: Mox infidelem manu apprehensum secum in flammam trahit. Ille reluctans dictitare rem seorsum agendam esse, atque debere illum prius de sua fide periclitari, qui periculum exhibebat. Presbyter assensit, & inuictæ crucis signo munitus sese rogo immisit. Flammæ resilientes nulla virum Dei iniuria affecerunt, visæ palam humano ingenio corpus illius declinare, & extra latus crepitantes fueto more defæuire. Ad horæ dimidium Copres in rogo stetit, mox illæsus exiit plausu omnium exceptus. Horrebat propterea Magus non iam fidei periculum, sed supplicium infidelitatis; & moras necesse fugam meditabatur, cum turba erga victorem prona miserum illum renitentem, & hominum Deorumque fidem implorantem, in rogam coniecit, quo repente ambustus vix aufugit, & in clamantibus vniuersis vrbis perpetuo exulaturus abscessit. Hoc operis alterum eloquentiæ facinus sequitur. Vicus erat, cuius templum Dijs sacrum incolæ sacrificijs frequentabant: atque his stata dies agebatur, quando Copres ea iter faciens gentem aspexit. Idolis hostias cadere. Porro errorem pie miseratus illico sermonem instituit de inani Deorum cultu, atque rationalis hominis indigna erga stipites, & saxa (vilissima pondera) veneratione, pro qua Deum rerum omnium conditorem, & rationis donatorem aduersaretur. Ea Sancti spiritus gratia, at orationis extitit vehementia, vt plebs ad fidem Christi accedens breui idolis cultum abrogaret. Diximus hortulum iactu arene fertilem redditum, sed rursus altero miraculo insignem cogimur dicere. Oulus inerat Copretis manu excultum, quod in arenosa solitudine perrarum sui desiderium multis iniiciebat. Paganus audax præ ceteris noctu id suffuratus est. Cibus ex eo parabatur; sed cum lebeti ad tres horas fur ignem iugiter subdidisset, tamen olus adhuc virere, aqua frigere, ac si trium horarum succendium neutrum affecisset. Stupor hominem



minem inuasit, deinde furti detestatio, & cupido redimendi facinoris facto meliori. Olus ad Copretem refert, reatum, & prodigium pandit, & in fidem Christi recipi obnixè orat. Sceleri ignotum est, & roganti post dies aliquot sacra ablutio de more prestita. Hæc, ne aliquando in dubium reuocarentur, Monachi cuiusdam incredulitas fecit. Namque dum inter plures Copretem de se modice loquentem audiret, & aliquando pro gloria diuinæ opis contingeret miraculorum meminisse, Monachus nugatoria putās facile in soporem abreptus est. Stertenti videbatur idem Copres manu librum tenere ornatu, & aureis literis admirandum, vnde suæ narrationis argumentum defumeret. Prope senex aderat canicie, & aspectu supra humanam speciem verendus, qui truci supercilio dormitantem arguebat, quod oscitanter adeo Presbyterum auscultans auderet impudenter dicta in dubium vertere. Minæ soporem dispulerunt. Ille repentino terrore percitus rem nequiuit socios celare, sed vt proprio dedecori parceret, somnium his latine expressit. Hinc maxima viri rebus, & sanctitati fides. Verum risu æque dignissimum ingenium illius fuit, qui credidit Copretem ignarum latinitatis id somnium latuisse, cuius sanctitatis fuerat, immissa visione, torpidum animum excitare.

## N O T Æ.



*COPRETIS* huius acta Lector reperies apud Euagrium cap. 9. & latiora aliquantulum præstabit Palladius num. 54.


Egregia de eodem mentio extat inter Sozomeni historias lib. 6. cap. 28.

Nec discors apud Niceph. lib. 11. cap. 33.

De intrusa Mutij historia inter Copretis narrationes, quas habet Euagrius, ac silet Palladius, satis superque iam diximus in notis ad Mutium.







*Mundanum fugiens strepitum MACHARIUS, orta  
Ægipto soboles, religione flagrans.*

*Apta pijs precibus loca subterranea querit,  
Insistitq; humili flectere voce Deum.*



## MACARIUS ÆGYPTIVS.



VI fossore summo vitæ periculo auri fodinas ir-  
rumpere, vel ad exitium obsessæ vrbis cuniculos  
agere admirantur, opus longe minus aspiciunt in-  
genio Macarij huius, qui inter arcana telluris vi-  
scera, non opes, aut sanguinem, sed quietem, ac  
tranquillitatem quærit. Ipse hunc cuniculum per-  
tinaci labore ad semistadium produxit, quo ad  
Cryptam euaderet tantû spacium diffitam, si quan-  
do appulsus populorum sibi orationis, & medita-

tionis studio interdiceret. Saxorum asperitates, tenebras, & silentium, quæ  
mortales ceteri oderunt, Anacoretæ enixius sectabantur, vt illic procul ab  
aspectu, & strepitu humanarum rerum, mens firmior inhæreret diuinis. Lu-  
men e laterna vultum Senis illustrans, quemadmodum oculos exhibet lectio-  
ni intentos, ita animum demonstrat præter omnem curam adfixum cruci di-  
lecti Redemptoris, cuius memoriæ, & obsequijs horror cryptæ, & silentium  
probe conueniunt. Hic Ægyptius genere, omnium scriptorum illius æui te-  
stimonio celebris, fertur trigésimo suæ ætatis anno inter Tyrones sub Anto-  
nio militare cœpisse. Quadragesimo Presbyter initiatus Scythi solitudinem  
omnium primus aggreditur, vbi solitudine, & austeritate loci, & victus, Ana-  
coreticæ perfectionis specimen, & posteris exemplum præbuit. His armis  
postquam carnis vitia, & Dæmonis impetus diutino bello infregit, non ta-  
men valuit Arianos hæreticos arcere, qui vrbibus sua contagione infectis etiã  
intra secreta Eremitæ Catholicos Patres cruentis armis appetiuerunt. Quippe re-  
cepto inter Diuos Athanasio acerrimo fidei propugnatore, Lucium quædam  
pseudo Episcopum secuti, Alexandrinam Ecclesiam, quæ eorum impietati  
renitebatur, euerfis aris, direptis donis, necatis, vel eiectis ædituis ad extremam  
fere cladem concusserunt. Eadem rabie eques in Eremum immissus inno-  
centes Patres ad urbem traxit, vbi primum suggestione, & blanditijs, deinde  
tormentis, & mortis terrore studuit Arianorum factio illos propriæ perfidie  
illigare. Sed cum fidei tesseram ab Apostolis traditam, & in Niceno concilio  
obsignatam audacter profiterentur, & iugulum alacres gladijs extende-  
rent, hæreticos adeo terruerunt, vt neque auderent his mortem, quam cupie-  
bant, inferre. Igitur ne auctoritas sceleris Patrum virtute apud populum  
frigeret, fidei splendorem, quem nequibant ea hæresum lippitudine sustine-  
re, exilio ablegant. Macarius noster cum altero eiusdem nominis, & sancti-  
tatis viro ad insulam pestilentis Cœli inter Ægypti lacunas, alij aliò exula-

*Cassian.  
Collat. 2. 4.  
ca. 3. & 4.*

*Cassian.  
coll. 3. 5. c.  
III.*

*Theodor.  
hist. lib. 4.  
cap. 19.*



turi deportantur. Sed ubique locum esse virtuti, exilium temporis breuitate, & rerum gestarum magnitudine, ostendit. Ad insulam Christi fides nondum pertigerat; & incolæ addicti patrijs ritibus, quemadmodum commercia peregrinorum respuebant, ita veterem cultum, & barbariem congenitam retinebant. Noctu Sanctorum exulum Scapha vix appulerat, cum flaminis Idolorum filia malis Genijs agitata, clamore strepituque domum, & oppidū vertens ad peregrinos Patres profiluit. Furor indecorus virginis verecundia, & patris sui dignitati, plurimos Oppidanorum ad littus traxit. Illa Sanctorum pedibus aduoluta lamentari, immo Dæmones ore ipsius fremere, Dei seruos secum improbe agere, qui antea vrbe depulso, postea Eremita exturbatos, adhuc prohibeant, ne in minimo totius Ægypti angulo conquiescāt. Veterrimas hic sedes sibi, gentem ultro deditam, non iniurioso bello subiectam. Cur ipsi opum, & dignitatum contemptores sibi inuideant Insulam palustri limo obsitam, sterili soli, & ob aeris inclementiam extra omnium mortalium cupiditatem? Si tyrannice occupare, & ius fasque peruertere in animo habeant, se recessuros, ut habeant. Illi immundos spiritus silere imperatos fusa ad Deum oratione eijciunt, & puellam pristinae tranquillitati redditam Flamine eius patri, quem misratio furentis filię eō perduxerat, restitunt. Genstanto Christianæ religionis experimento incipiens Idolorum amentiam suspectare, deinceps libentius aures præbuit Macarijs Deum verum asserentibus. Neque in longum protracta res. Insigne, quod erat sceleris & religionis, Fanum Deorum demolitur, & Christo Ecclesiā statuunt. Fama Alexandriam perlata Arianos perstrinxit, qui diffisi factum improbare collaudante plebe, & veriti ne Catholicorum fidei maior in dies honor accederet, sanxerunt ab exilio extorres occulte reuocari, & ad Eremitas dimitti. Ita Macarius auctus titulo confessionis ad cryptam, & sueta studia reuertit, quæ nulla postea perturbatione intermisit. Eodem absente Crypta insignitur miraculo, quod apud Rufinum legas. Cæcus trium dierum itinere ad eam perducere rogauerat summo comitantium labore. Vbi Senem abiisse comperit, præsentem rogauit, ut ad eam parietis partem ducerent, ubi Senex cubare consueuerat. Ex ea aridum lutum, quo oblinebatur, detrahens, & aqua proximi putei, unde idem bibere solebat, lutum dissoluens, eoque oculos liniens, ablunsq; ex templo lumen recepit. Postquam ab exilio redijt maioribus prodigijs claruit, ex quibus iuuabit pauca quædam referre. Rixa inter accolæ orta vnum ex his prostrauerat. Alter perperam homicidij infimulatus cum ad supplicium peteretur, salubri consilio ad Macarij cellulam perfugit; nam eius auctoritas tumultum præcipitis turbæ in æquum, ac maturum de re iudicium conuertit. Porro ille necis reatum negare, hæc leues suspiciones obijcere, nullibi tamen testimonij, vel indicij satis. At Senex certo facti seriem

restitu-



resciturus ad sepulcrum interfecti illius perrexit, & Christi nomine adiuratū iussit edicere, num auctor eius necis extitisset, qui accusabatur. E tumulo vox reddita est, non illum sibi vitam eripuisse. Vocem plebs agnouit, ac stupuit, cupiens ulterius de homicida interrogari. Cui Senex, hominem inquit profuit calumniæ eximere, obest alterum capitis periculo implicare. Etiam magicum facinus Macarij Sanctimonix cessit. Puella viro nupta iugalem fidem insigni pudicitia tuebatur, deperibat eā Ægyptius adolescens irritō labore, ac libidine. Ea propter ad sacrilegas artes conuersus, vt marito odium puellæ, gratiam sibi pararet, præstigiatoris cuiusdam opera illam equina specie deformem oculis intuentium exhibet. Coniux, qui domo abscedens puellam reliquerat, vbi rediens equam adspexit, pene dolore concidit. Nec minor puellæ stupor, dum familiares auersis ab ea oculis sermonem horrent, in stabulum conijciunt, & iumentorum pastionem apponunt. Sic familia subrahente humanos cibos, ipsa belluinum pabulum refugiente, triduo ieiunatum. Perijisset tandem misera, nisi Deus viro spem iniecisset, posse abigi malum Macarij intercessione. Igitur vxorem capistro ad virum Dei adducit. Discipuli obuiam profecti, & eadem illusione caligantes, sciscitabantur quare equam sic ad Senem traheret. Ille obortis lacrimis inquit. Hanc ego puellam vxorem duxi, nunc equam traho incertus mea, an sua culpa. Interea Macarius de coniugum infelicitate à Deo præmonitus eundem intentius precabatur, & post orationem egressus cellula nullo præstigio deformem, sed afflictam intuitus puellam lustrali eā aqua perfudit, & sacris precibus adhibitis subiecit astantium oculis ex equa puellam aspiciendam. Cibo adiuta dispulit tridui inediam, & ab eodem Macario accepit, quomodo deinceps sese tutam aduersus præstigias seruaret. Namque intellexit, ideo Magum ausum fuisse suis artibus in eam sæuire, quia diutius abstinuisset sanctis Ecclesiæ mysterijs, quæ tutissima sunt Christianorum arma, & præsidia. Alterius etiam virginis curatio admiranda. Inuaserat corporis verenda vlcus malignum, quod late serpens etiam vermes ferebat putridum corpus depascentes. Fœda res, & morte ipsa atrocior. Sanctus integram hebdomadem precibus vacans, cum sæpius perductam ad se virginem oleo vnxisset, incolumem remisit, ita ex sæ carnis vitio coaptato, vt ablato quod sexus fuerat muliebris, puella eunucho simillima, libere postea inter viros degeret. Adhuc maiora? Hæreticus quidam Hieracis sectator facundo ore, & aculeatis e Dialectica argumentis, aduersus futuram carnis resurrectionem inuectus, audientium Idiotarum animos, qui plures aderant, ambiguos agebat. Eò Macarius accitas profluvium illud verborum vno Pauli Apostoli dicto stitit, & nutantes imperitorum mentes perinde obfirmavit, atque si hæreticum eodem Pauli gladio detruncasset. Inquit. Non est in verbo regnum Dei, sed in virtute. Cœmeterium adest, si quis



defunctorum euocatus surrexerit, ei, qui euocauerit, fidei, & resurrectionis testis esto. Fædus id acceptum. Rogat Hieracitam Senex, vt prior fidei suæ periculum faciat, ille primas seni tribuit, qui pepigisset. Flexis ad orationem genibus Pater Deum sibi, ac fidei adesse rogat, & nomine ipsius iubet Monachum nuper defunctum reuiuiscere. Vox vitæ nuncia statim de sepulcro auditur, exhumatur defunctus rediuiuus veræ fidei, & futuræ resurrectionis testis. Nugator ille inita statim fuga extra regionem exulatum abiit. Aliud etiam portentum est gulosi Dæmonis, quod subiiciam. Adolescens obsessus ita ab eo afflictabatur, vt frequenter cogeretur ternos panis modios, & aquæ amphoram vna cæna absumere. Sed quia stomachus tantum cibi pondus continere non poterat, id eructatione egestum Dæmon in sumum vertebat. Immanis vorago non vnus priuatæ familiæ fortunas, sed census maiorum Principum hausisset. Igitur cum inopia largitatem ciborum minueret, (refugiunt aures immunditiam) cogeatur infelix propria resumere excrementa. Hunc contrarijs omnino artibus, & more Medicorum antidotis Macarius curauit. Gulæ pessimi Dæmonis obiecit ieiunium septem dierum. Superbiæ adhibuit tormenta humillimæ orationis. Iræ opposuit miram erga affectum iuuenem charitatem. Sic vorax hospes eiectus. Claudatur elogium dono vaticinij, quo Macarius præter cetera virtutū prodigia post mortem eluxit. Duos in Scythi discipulos erudiebat. Ioannes obsequijs magis aptus, etiam familiarius altero, Seni hærebat. Animo ipsius inerat aliqua parcitatis rubigo, quam Macarius præsentiebat paulatim in auaritiam, deinde in rapinam fore coalituram: Ideo oppositum auaritiæ malo decus liberalitatis inculcans dicebat, opes religioso viro venenum esse, & diuitiarum cupiditatem non abesse ab Idololatria; vnde eidem minabatur vetus Giezi supplicium, si quando ab hac virtute, qua Dei Munificentiam seruuli æmulantur, ad vitium transfret, vnde facillimus ad quamlibet iniquitatis speciem traiectus est. Miscet namque auarus opum desiderijs cædes, periuria, rapinas; nihil inter Sacrum, & profanum discernit, vnum eidem ius, & iniuria. Interim Macarius nonagenarius cursum suæ ætatis, quam Sanctissime egerat, morte absoluit, & Ioannes eius cellulæ heres eidem in Sacerdotio subrogatur. Sed confusus solo dignitatis titulo posse virtutes retineri, immemor vaticinij sensim a vestigijs Macarij recessit, & in auaritiæ cœnum lapsus, etiam pauperum Christi bona ex fidelium liberalitate legata raptu vsurpat. Flagitium illico poena secuta est, quæ Giezi lepram iuxta Senis vaticinium misero intulit adeo immitem, vt scabrum vbique corpus, nec spatium inter pustulas haberet, quo extrema digitorum illæsa ad cutem pertingerent. Quoad vixit misellus proprii criminis, & alterius sanctitatis testimonium, potuit ceteros ex ipsa morbi atrocitate sacrilegij poenas edocere.



## N O T Æ.



*MACARI* huius festa dies est in fastis Ecclesie 18. Calend. Februarij.

Fuse de eo scripserunt Euagrius eius aliquando discipulus cap. 28. & Palladius num. 19.

Omnes fere auctores ipsius Sanctitatem, & miracula constantur. Vnum nos notandum duximus.

Questionem de resurrectione susceptam aduersus Hieracitam, quam Palladius, & Sozomenus vix attingunt, longe ab hac Euagrii narratione refert Cas-  
sianus Collatione 15. cap. 3. Ibi hereticus aduersarius non Hieracita, sed Euno-  
mianus ponitur.

Mortuus ille, qui suscitatur, non dicitur Monachus nuper sepultus, sed anti-  
quissimus Idolorum Sacerdos, qui Regum etate vixerat longe ante aduentum Sal-  
uatoris Iesu Christi.

Idem aduersarius non rei interfuisse, sed oppignerata in crastinum fide scri-  
bitur consulto periculum detrectasse.

Plura etiam Macarij facta, & dicta Monachis salutaria reperies apud Scri-  
ptores, quæ nescias huic Aegyptio, an alteri Alexandrino ascribas.

De Flamme Gentilium a quodam Macarij discipulo conuicijs laceffito, sed vltro  
abunde iniuriam, & mansuetudine Macarij ad Christi fidem perducto, historia  
est, quam nescis utri potius consignes.

Item de expilatore ipsius cellula, cui idem res ablatas, ut tutus exportaret,  
presto fuit.

Refertur a Gennadio inter Ecclesiasticos scriptores, cuius etiam extat in Bi-  
bliotheca veterum Patrum Epistola ad Iuniores Monachos. Circumferuntur  
etiam ipsius nomine Homiliae plures, sed quæ censura indigeant. Consule de his  
Indicem expurg. Romæ editum in Macario.







Alter Alexandrinus erat MACHARIUS: illi  
Sanctorum studio discere gesta fuit.

Atq; duos reperit vitrei prope fluminis vridam  
Inter siluestres tuto habitare feras.



## M A C A R I V S

A L E X A N D R I N V S.



**P**RODIIT ex eadem Schola Antonij alter Macarius titulo confessionis, & exilij gloria æque conspicuus, quem ea ætas, vt ab Ægyptio dirimeret, Alexandrinum dixit, & Scriptores quidam Urbanum appellarunt ab insita comitate, & lepore orationis, quibus citra quandam Ægyptij seueritatem animos discipulorum sibi deuinxit, & ad diuina studia prouexit. Iam olim Arianorum improbitate coactus fuerat solum vertere, & in roganda apud insulanos fide, vt diximus, strenuam operam alteri Macario nauauerat. Postliminio Celliæ Eremum reuifens, vbi diu Monachus militauerat, & Sacerdos præfuerat, sueta officia repetijt. Sed viro eximiæ sanctitatis, & gloria miraculorum ceteris Anacoretis miraculo, non hic ad imaginem titulus, sed volumen, cui etiam plures insudarent Scriptores, minus esset. Nos pro vsu pauca, selectaque. Ipse cælestem gloriam adeptus, & vbique mortaliū clarissimus vota pro penso accipiet. Quamuis inter primordia sanctæ austeritatis gulæ tyrannidem cibi parcitate euertisset, tamen excitus fama Monachorum Tabennesiotarum, qui quadragessimæ ieiunium crudis agebant, septennium coctis abstinuit. Postea his multo parcius tres annos victitauit; nam singulis diebus quinquencem panis, & aquæ tantillum adhibuit. Neque tamen acri ieiunio luxuriam adeo protriuit, vt illam tum fomitem fragilitatis, tum stimulum superbiæ non pateretur. Porro sibi infensus, vt sæuioribus aculeis carnis stimulos retunderet, hanc viam ad victoriam iniuit. In Scythi Eremo Celliæ proxima palus erat vliginosa, & arundinum ferax, quæ culices alebat grandiores, etiam aprorum cutem aculeo traijcientes. Hanc Macarius cum libidine luctaturus palestram subiit, in qua nudus, sedensque anni fere dimidium permansit, ita culicum sæuitia pustulatus, vt leprosis deformior humanam pene formam exueret, atque ad cellulam reuertens vno tantum vocis sono posset a discipulis cognosci. Eundem cominus cum hoste dimicandi cupidum voluntas coepit quærendi inter deuias solitudines sepulcrum Iannis, & Mambres Magorum olim Pharaonum gratia potentium, quod ferebantur sibi construxisse in secessu peramoeno, sed cōgestis thesauris, & assidua Dæmonum custodia hominibus inaccessum. Inuium iter erat, & immanis vbique solitudo. Macarius noctu nautarum more stellam sibi ducem

Soz. li. 3.  
cap. 13.



cem itineris statuens, in fabulosa regione ad singula milliaria calamos de-  
 gebat, qui spatium, & reditum indicarent. Nono coepti itineris die, post-  
 quam paululum obdormiuit, collectos in fascem calamos, quos singulos fi-  
 xerat, ad caput reperit. Facti altera est opinio. Vel Daemonem eos euulsis-  
 se, vt Macarium errore viarum implicaret; vel Deum permisisse, vt magis di-  
 uinae prouidentiae, quam humano ingenio fideret. Paululum a sepulcro abe-  
 rat, quando Geniorum legio deformi specie, armis, & vocibus minitabunda  
 in virum Dei exiuit. Ipse rictus horribiles, & minas subridens, ociose locum,  
 tumultumque perlustrauit. Præter ingens ædificium, & aurea quædam do-  
 na, nihil ibi spectabatur præclarius, quam cadus aeneus nexu ferreo pendens e  
 margine putei, & mala quædam punica Sole arefacta. Despecto igitur cum  
 fama sua monumento Macarius discessit. Sed viatico carere iam coeperat, &  
 fessus itinere, ac ieiunio labasci, cum ab inani quodam spectro in aliquam spem  
 erectus est. Non ultra stadium puella videbatur albo amicta vrceum tenere,  
 & Macarium insequentem ad potum inuitare, sed quamuis hic celeriore  
 gressum intenderet, ea tamen semper stadij interuallo aberat, donec euane-  
 scens spem Macarij secum rapuit. Verum liberaliorem eo spectro se præbuit  
 grex agrestium Bubalarum, qui puellæ illusioni successit: nam quædam recens  
 effœta coram Macario substitit vbera affluente. Coelestis etiam vox fuit, vt  
 stantis vbera exsugeret. itaque ad vbera liberaliter admissus lac abunde bi-  
 bit, eamque proprij foetus oblitam vltius vsque ad Celliam altricem, & co-  
 mitem habuit. Dispar huic feræ altera viro maleficium intulit, ac recepit.  
 Puteus fodiebatur apposita margini vi farmentorum, quæ lapsum telluris  
 egestæ prohiberent. Inter ea Aspis latebat, quæ inter opus admotam Ma-  
 carij manum morfu valido perstrinxit. Vulnus a veneno cunctis mortiferum  
 nihil prohibuit, quin ille inoffensus anguem manu discerperet. Attamen  
 quamuis clara adeo prodigia haberentur apud ceteros pignora perfectionis,  
 ipse tamē proprijs meritis diffidens maiores adhuc austeritatis, & maceratio-  
 nis causas quæsiuit. Fama olim acceptam virtutem Tabennesiotarum vo-  
 luit coram experiri. Ea propter reiecto cucullo famulari veste amicitur, per-  
 git, & Pachomium Archimandritam precatur, vt se se inter Monachos reci-  
 piat. Excellebat Pachomius præter sanctimoniam etiam singulari prophe-  
 tiae dono, sed diuino permisso tunc Macarij arcanum non est assecutus. Ergo  
 labentem ætatem, & corpus imbecillum intuitus, vt ab eo desiderium auerte-  
 ret intempestiuae asperitatis, obtrudebat arctam, & præruptam religionis se-  
 mitam, quam statim a conspectu refugeret. Hic tamen precari, vt in semitam  
 admittatur, numquā ab ea pedem relaturus. Hinc prece, inde excusatione cer-  
 tatum est tota hebdomade, quam Pachomius ieiune actam ab eo sentiens ac-  
 cepit omen futuræ virtutis, ac firmitatis, & Monachorum consulto Senem

inter



inter Tyrones locum habere iussit. Quod veteranorum Dux inter Tyrones opus prætermitteret? Aduenit quadragesimale ieiunium, quod singuli crudo, & parciore victu celebrabant. Perfectiores pauxillum cibum ad vesperam sumere, alij post biduum, alij ad quintum diem. Ipse ad opus textorium madefactis palmarum folijs stans in angulo, non humano cibo, neque aquæ potu usus est, præter quam folijs Crambes, & his parce admodum, nec citra Dominicam diem. Ita ieiunium usque ad Sanctum Pascha strenue toleratum. Sed exemplum tanti laboris, & inediæ, quod ceteros debuerat ad æmulationem prouocare, potius in seditionem vertit; ac si Abbas ferreum hominem admisisset, qui eorum fragilitati cōiucium faceret. Quis mortalium, inquiunt, iugiter stans, orans, ac laborans, non somno, non sede, non cibo indigeat? Quid robur in homine ætatis occidua, vt ieiunium, & vigilias indefessus contemnat? Pachomius idem anxius suspicabatur, Senem altioris esse virtutis, quam ex aspectu conijci posset: ideoque Deum supplex orabat, vt hospitis sibi conditionem reuelaret. Accepit diuinitus, hunc Macarium Alexandrinum esse non obscuræ famæ, & sanctitatis virum. Itaque Senem amplexus appellat ex nomine, queritur voluisse sic amicos latere, vt parum ab iniuria abfuisset. Ille non inficiari, se Macarium esse, sed negare vllis petitum iniurijs, immo adiutum exemplo eorum virtutis, quam rumore dispersam, fama nobiliorem compererat. Ita seditio in admirationem conuersa. Adijciam & rerum abditarum perspectionem? Presbyteri cuiusdam caput Cancer, atrox morbus, horribili ipsius dolore, & nausea intuentium rodebat. Et cum salutem impetratum ad Macarium venisset, se uero admodum consilio ab illo repellebatur. Discipuli immanitatem vlceris, & spectaculi foeditatem miserati pro viro apud Senem precibus laborabant. Quibus ille, inquit: Presbyter sibi malum consciuit, qui turpi mulierum commercio pollutus, ausus fuit Sacris ministerijs perfungi. Huic ego recuperandæ salutis conditiones do. Perpetuo se Sacris altaribus abdicet, & cum populo diuina mysteria suscipiat. Ille occulti sceleris turpitudinem confessus, dolensque, abdicationem pollicetur, & Macarij manu tactus incipit ab horribili morbo cōualescere, mox capillitio donatur, quod super excusam cutem prodigiose creuit. Sed hominibus præstita beneficia fileant, dum bestijs eadem collata narramus, licet interdum serie rerum, ac temporum subuersa. Læna catulum ferens impulsso cellulae ostio ad Senem ingreditur. Foetum ad pedes sedentis projicit, nutibus, & rugitu opem deposcit. Pater in catulo luminis orbitatem noscens, oculos salua linit, & ab oratione surgens prorsus ab eo cæcitatem dispulit. Fera illuminatum foetum vberibus admouet, inde arreptum cellula exportat. Craftina rediens affert munus, ouinam pellem ceteris ampliore, qua Macario grates exsoluat; eamque rictu ad lætitiā composito, & cum gemitu

Pallad.  
num. 20.

Q offert.



offert. Macarius vero donum ex alieno grege raptum reijcere; Leæna submisso corpore reptans ad pedes reponere, eiulare, dolere munus reiectum, donec Senex dixit, accipere se munus, si deinceps a gregum infestatione temperaret. Illa, nutu capitis visa conditiones accipere, extemplo abscessit. Sed pellem ipsam eximij miraculi monumentum a Macario acceptam Athanasius Antistes Alexandrinus tanti fecit, ut eam Melaniæ nobilissimæ mulieri donum daret, inter præcipua religiosæ domus ornamenta spectandam, qua belluinam quisque gratitudinem commendans, humanam amplius ingratitude nem detestaretur.

## N O T Æ.



*TIAM Alexandrinus hic recensetur inter Sanctos 4. Nonas Ianuarij.*

*Insignis de eo passim mentio est apud veteres.*

*Elogium maxime constat ex his, quæ referuntur ab Euagrio cap. 29. quibus vberiora subdit Palladius num. 20. Sed Sozomenus, & Niceph. hunc Alexandrinum confundunt minns scite cum altero Macario cognomento homicida, cuius etiam seiunctim ab his meminit Pallad. titulo Macarij iunioris num. 17. Quem errorem optime recognouit Baronius in notis ad Rom. Martyrolog.*

*Prodigium Leunculi ab eo illuminati tradit Ruffinus, sed differt ab eo Pallad. dum catulum eundem Hyenæ appellat, interprete Gentiano Herueto, & feram ipsam Hyenam dicit.*

*Nosti lector animal subdole atrox, quod noctu hominum voces ementitur, ut ædibus eductos necet, voretque.*

*Ab hoc Macario differre illum putamus, quem vitata a quodam amatore puella, cum falso stupri insimulasset, coacta fuit in enitendo fœtu innocentem, ac Sanctum confiteri. Quibus ille præconijs vanam gloriam timens loco aufugit, & in Scythiam venit. Vita sp. par. 2. cap. 95.*

*Alter etiam ille habetur, ac fortassis Euagrii discipulus, cui Ruffinus Aquileiensis præfationem ad libros Περὶ ἀρχῶν, inscribit.*









*Magnus ANVB pietate fuit, cœlestia puræ  
Contemplans oculo mentis, amansq̃ Dei.*

*Cui crebrò apparens diuina potentia, verum  
Sectari verum semper amare iubet.*



# ANVBIS ÆGYPTIVS.



**A**BENT temporum calamitates, ut rebus perditissimis virtus plurimorum maxime illucescat. Sic inter bellorum tumultus copia militum, ac triumphis spectantur Imperatorum, qui tranquilliori seculo rogati, priuatique conscenescerent. Sic saeuiente perfidia illustratur eorum fides, quos Gentilium furor, aut hæreticorum odium affligerit. Incertum est, num Anubis hic aduersus Idololatrias, an Arianos illis deteriores steterit pro fide

Orthodoxa. Constat tamen eius ætate ab vtrisque illatam Christi Ecclesiæ persecutionem, & hunc inuictum perstitisse multa gloria, & religiosæ virtutis incremento. Nam oblato semel corpore cruciatibus, cum veritati testimonium reddidisset, numquam postea ab ea deflexit, ut mendacium, vel in re leuissima diceret, quod etiam de eo Scriptores meminerunt. Sed quæ dona coelitus receperit, quam familiariter Sanctis Angelis usus fuerit, & quibus actibus initum semel Martyrij decus honestauerit, delectabit audire ex ore ipsius, cum extra omnem iactantiæ suspensionem cuius precibus quorundam Patrum, ea occasione ipse de se differuit. Sirus, Esaias, & Paulus summæ religionis, & abstinentiæ viri, seiunctis consilijs e diuersa regione veniebant, ut Anubim inuiderent. Flumen, quod coeptum iter præcidebat, lembo carens transitorio ad ripam omnes coniunxit. Propterea salute inuicem dicta, ac repetita, itineris causam quisque sciscitatur. Vbi se Anubis desiderio profectos singuli fassi sunt, id prodigiis acceptum est, creditumque aliquo diuinæ prouidentiae arcano contingere. Sed quia Senis domicilium tridui iter aberat, nec cimba videbatur, qua flumen transmitterent, alteri ad Sirum versi rogant, ut a Deo nauigium deprecant. Is officium orationis non detrectare, si ambo comprecatores accedant. Pulchre adeo oratum est, ut ad finem orationis nauigium appelleret nullo remige, sed forma celeri expeditaque. Vbi Patres conscenderunt, lembus aduerso flumine sponte actus, triduanum iter hora vna expleuit. Hoc Siri precibus datum. Alijs prodigijs comites donati. Esaias naui exiliens inquit, Domino reuelante didici, Anubim hac ipsa via nobis occursum, & conscium secretorum cuiusque nostrum de his palam acturum. Subiecit Paulus. Ego item diuinitus accepi, illum postridie ex humanis decessurum. Proh sæculi felicitatem, quod in vrbibus agmina Sanctorum Antistitum, in Eremitis Sanctorum Prophetarum turmas aspexit miraculorum, & præfagiorum gratia inclytos. Nihil ex his vates fefellit.



fellit. Obuius Anubis veniens dixi t, aduentum eorum sibi ante fuisse reue-  
 latum, & exoptasse eos coram excipere, quos animo absentes coeperat ada-  
 mare. Etiam quibus singuli pollerent virtutibus, quibus meritis ad æter-  
 nam felicitatem contenderent, iuxta eorum vaticinium, aperuit. Cui Paulus.  
 Qui tibi nostra hæc secreta detexit, idem nobis indicauit, te post triduum ex  
 tenebrosa hac humanarum sollicitudinum eluione ad perennem quietem,  
 & claritatem migraturum. Igitur qui Regnum cœleste proxime spectas, &  
 metam laborum prope attingis, nos edoce, quibus auxilijs periculosam vitæ  
 huius viam decurristi. Nullum est, quod metuas inanis gloriæ, vel iactan-  
 tiæ periculum, si nostris precibus, & Christianæ charitati fauens, vitam  
 probe actam, posteritati incitamentum transmiseris. Flexit Anubim men-  
 tio charitatis, vt breui totius vitæ epilogo totum sese effunderet. Inquit.  
 Postquam fidei postulatus veritati testimonium reddidi, omni prorsus men-  
 dacio abstinui. Nihil mala cupiditate ambiui. Victum, si quando loci ste-  
 rilitas negauit, e Cœlo accepi. Cum notitia rerum, quæ in terris geruntur,  
 etiam lumine donatus sum, quod discusso torpore mentem Deo vigilem in-  
 tendit. Solitudinem crebra Angelorum visione, & colloquio alacer tuli,  
 eosque ad virtutem stimulos, ac præceptores habui. Nihil eorum, quæ po-  
 stulaui, Deus irritum fecit. In extasim raptus vidi agmina Angelorum erga  
 maiestatem supremi Numinis, & ineffabile Deitatis mysterium venerabun-  
 da. Purpuratos Martyrum choros, & albentes cohortes Monachorum, at-  
 que legiones omnium iustorum aspexi laudibus sui conditoris addictas. Præ-  
 terea Satanam perfide, ac suo malo superbum, & rebelles secum Angelos vi-  
 di æternis incendijs damnatos, & ad profundas terræ latebras relegatos  
 ibidem cruciari, collectantibus iustis vltam sic veterem eorum per-  
 fidiam, & recens odium, quo humanum genus insectan-  
 tur. Triduum, quod vitæ Anubis terminus erat, iu-  
 cunda Patres collatione de diuinis rebus pere-  
 gerunt. Ipse statuta hora a vinculis hu-  
 ius vitæ placida morte exsolutus,  
 sub aspectu Patrum inter  
 choros Martyrum,  
 & Monacho-  
 rum  
 susceptus in Cœ-  
 lum abiit.



## N O T Æ.



*B* Euagrio cap. 10. & Palladio num. 58. Anuph appellatur.

Sozomenus, qui illum inter vetustiores Aegypti Patres commemorat, & ex auditu refert, quæ de eo Euagrius item scripsit, Acuph dicit, lib. 7. cap. 13.

*A* Nicephoro Anub nuncupatur lib. 9. cap. 14.

Nos libentius huic assentimus, qui Anubim priscum illius populi Numen legimus, credimusque talium nomina in familijs coaptata, tunc in religionis signum viguisse, postea apud Christianos retenta in triumphum esse subactæ Gentilitatis.







Et si non paucis CHRONION foret obsitus annis, Ad diuina tamen, reliquis non sequeior, ibat  
 Atq; pium premeret tarda senecta virum, Officia, et sacra creber in æde fuit.



# CHRONION PHOENICEVS.



**U**O hic curuam centum ac decem annorum senectam trahit? Num illa ætas aeneos homines tulit, quos neque ieiunia, neque labores frangerent? An rerum inopia, & victus asperitas Eremitæ familiares, adeo Sanctorum membra durauerant, ut exemplo Ponticarum Anatum, quæ ab assueto pabulo ad venenata alimenta traductæ, his deinceps innocuæ victitant, ipsi quoque

auteritatem experti, arbitrabantur nihil sibi commodum esse ad futuræ vitæ felicitatem præterquam vitæ huius incommoda? Scimus tenacissimum esse vinculum diuturni usus, & hominis ingenium sensim sui oblitum aduersis prorsus studiis illigari; præsertim si religione tactum, ac spe diuinorum munerum impellatur. Sic facile crediderim potuisse Chronionem fractam ætatem antiquis studiis aptare, & in optimo usu vel viribus impotentem, inuicto tamen animo persistere. Nonne hospes illum vides proximum templum petere? Illic senectutis solatium, vitæ spes, & sepulcrum. Olim sub Antonio Anacoreticam vitam eruditus per ipsa incessit sui institutoris vestigia ad apicem perfectionis, etiam Antonij ætatem quinquennio supergressus. Itaque acceptam sub tanto Agonotheta disciplinam, & secunda fama ad extremam usque senectutem exercitam, quantis oportuit prodigijs enituisse? Verum silentio scriptorum ea nos prætereunt, qui arbitrati vniuersa animi ornamenta posse complecti, si vnius tantum virtutis meminissent, illum profundæ humilitatis titulo extulerunt. Probe: ut e quadrata basi metiaris reliquam spiritalis ædificij molem, eamque fundamentis concordem cognoscas hominum, temporum, ac vitiorum motibus inconcussam restitisse. Chronioni etiam præclara quædam Palladius ascribit consona ætati eius, ac virtuti; nisi alter extitit eiusdem nominis, quod ambigo. Prodit auctor, hunc prognatum esse e Vico, cui nomen Phoenix, & progressum ulterius in solitudinem decimum milliarium fodisse puteum salubrem admodum (rem inter bibulas areas prodigiosam); cui postquam domicilium adiecit, Deum precatus est, ne inde aliquando ad frequentiora loca abduceretur. Postquam in celebrem opinionem sanctitatis apud omnes creuit, conuolantibus illuc multis institutorum ipsius studiosis cellula in Monasterium emerfit, in quo trecenti fere discipuli numerabantur. Et quia Religionis præcepta oportebat Sacrosancto Mysteriorum usu foueri, idem Sacerdotio insignitus est, quo perfunctus annos sexaginta extremum diem, ut vixerat Sanctissime obiit. De eodem Palladium habeo auctorem, quod post initam Presbyteri dignitatem numquam

*Num. 25.*

R

Eremitæ



Eremo discesserit, nec cibum sumpserit, quem sibi labore manuum non parauisset.

## NOTÆ.



*N* tabellis Sadelerianis perperam inscribitur Ciomus, cum nullus eius nominis extiterit inter Anacoretas.

*Cronius* dicitur ab Euagrio cap. 25. & Palladio num. 25. ubi Presbyter Nitriæ, & Antonij discipulus memoratur.

*Idem auctor.* Ab eodem præponitur historia Eulogij Alexandrini, & viri cuiusdam membris detruncati, quem pie alendum suscepit.

*Item visionis cuiusdam admirabilis Beati Antonij, & vita Pauli simplicis numero 26. 27. & 28.*

*An idem sit cum Phæniceo, inexploratum habeo. Sed neque piaculum fuerit, res gestas amborum coniunxisse.*











AMMON in Nitra squalentis cultor eremi,  
 Multiplicis fulget fons et origo boni.

Sacraq; sparsurus pietatis semina, fratrum  
 Undiq; sollicito conuocat ore gregem.



# AMON NITRIOTES.



**NITRIA** Eremus est quadragesimo lapide ab Alexandria, & ab asceterio Magni Antonij abiuncta, itinere trium dierum, sed proxima Vico, qui nitri admodum ferax, ipsi nomen communicavit. Locus extra hominum frequentiam æstu squalet atrocior, & aquæ penuria laborat; neque incolas patitur præter Eremitas, qui horrida ambiunt. For-  
 san, & nitrum, cuius est sordes detergere, symbolum extitit futuri illic postea lauacri, quo sordes crimi-

*Euag. c. 21*

num acri pœnitentia abluerentur. Hanc omnium athletarum primus penetrasse Amon memoratur, qui morum humilitate, & miraculorum gloria ibidem profunda iecit fundamenta Monachalis obseruantie, eamque intra cel-  
 lulæ limen coeptam ad quinquaginta monasteria transfudit, quæ in eadem Eremita sub Amone constructa auctores non obscuri nominis produnt. Sed occasio, quæ illum ab ædibus, & commodis vitæ initioris transtulit in nudam  
 regionem, adeo insignis fuit, ut opere præcium sit eandem altius repetere. Nobilis generis adolescens, cum natus annos duos & viginti, parentes fato  
 amisisset, Patruo adhæsit, qui ipsius coniugio restitui labentem domum peroptabat. Familiæ splendori, & ætati ipsius, ætas, & nobilitas respondebant  
 puellæ, quæ vxor spondebatur. Et quamuis auerso animo coniugium iniret, tamen ne palam reniti Patruum consilij crederetur, patrio more passus est cor-  
 rollis redimi, & in thalamo sedens affines, amicosque gratulantes excipere, atque demum remotis arbitris secreta adire nuptiarum. Sponsa aderat vir-  
 ginalem pudorem, quem sexus, & generis modestia tueri solet, non ultro dimissura. Fortassis inde occasionem Amon sumpsit, ut coniugi ostenderet ma-  
 ximum esse virginitatis dispendium, minimam sobolis necessitatem, atque ex carnali commercio nihil præter turpem, ac momentaneam voluptatem, quam  
 hominem pudeat, cum bestiis communem habere. Quanto nobilius, ac beatus ageretur, si vterque integram mentem, & incorruptum corpus Deo voue-  
 ret? Num propterea humanum genus desitutum, vel hæredes, qui conge-  
 stas amborum opes diripiant, & defunctorum memoriæ detrahant? Tanta-  
 ne liberorum necessitas, ut certa virginitatis iactura, & incerta spe procreandi,  
 dare his operam velint, qui si enascantur sæpe genitores oderint, affligant, &  
 familiæ dilapidatione cogant miseram senectam traducere? Esto quod frugi  
 nascantur, parentes ament, atque domesticæ rei studeant; tamen quando  
 parentum animi vacabunt sollicitudine ne ab alijs lædantur, vel ipsi alios lace-  
 sant? Quot nex, vel acerba mors filiorum parentes confecit? Fecunditate

*Cassian.  
Collat. 21.*

*Sozom. li.  
6. cap. 31.  
Niceph. li.  
11. ca. 38.*

longe



longe felicior sterilitas, si liberorum loco virtutes optet. Castitatis remunerator Deus est, merces Cœlum, cuius gloriam numquam interituram nequit homo satis pro excellentia conijcere. Itaque si huc respiciant non votis subsidia, non factis mercedem defuturam. Etiam libellum e sinu proferens sententijs Sanctorum Patrum virginitatis merito fidem struxit. Mira facundiæ vis. Puella suapte sponte in pudicitiam prona incitante marito sanctius virginitatem vouet, etiam pudici thori arcanum nunquam euulgatura. Prudenti consilio conditum est, ut iisdem ædibus, sed lectulis seiunctis viueretur. Ita constantia apud propinquos nuptiarum opinione, duo de viginti annos pudice, ac religiose conuixerunt. Dæmonis inuidiam ob coniugum continentiam, & despectas ab adolescentia libidinum faces, hospes meditare, atque tentationes, & artes conijce, quibus ille studuit ex occasione contubernij ambos in mutuos amplexus prouocare. Hos iure matrimonij, ætatis, ac formæ licitos sub eodem tecto quis effugeret? Propterea bellum ceteris acrius etiam nobiliorem triumphum dedit. Mensa communis erat, nox singulos ad orationem dispertiebat. Ille, ut ociosas cogitationes propulsaret, summo mane hortulum adibat, & Balsameto, quod illius regionis delitium laboriose colitur, diurnum opus impendebat. Hæc rem familiarem curare, oratione, & pijs operibus diem insumeret. Postremo ne tantum facinus lateret, sed exemplo alijs prodesset, Vxor Amonem rogat, ut seorsum ambo viuerent, & sui generis quisque asseclas Deo famulaturos institueret. Amon, cui nihil potuisset optatius contingere, commendata coniugis voluntate paternas ædes, & fortunas eidem dimittit, & in montem Nitriæ secedit, ubi deinceps duobus extructis sibi mansuiculis austere, & sancte vixit. Vxor etiam diuino cultui, ac propriæ salutis consultum volens, Ædes in Cœnobium conuertit, & aggregatis eo virginibus sanctum pudiciæ, & religionis propositum late propagauit. Neque tamen seiunctos adeo præteriuit coniugalis dilectio, ut saltem bis in anno ille consortem non reuideret, & de communi profectu gratularetur. Verum quæ prodigia Amonis in Nitriæ Eremitio? Pudicum repudium secuta sanctitas quemadmodum innumeros Seni discipulos adiecit, ita populos ægritudine aliqua laborantes sæpius pertraxit. Inter eos quidam iuuenis morfu rabidi canis in rabiem versus sese miserrime dilacerabat. Parentes catenis vinctum, ut constrictæ manus ceteris membris parcerent, ad Amonem ducunt, & supplices afflicti adolescentis salutem ab eo deposcunt. Quibus ille. Non ea precum mearum apud Deum efficacia, neque virtus humilitatis est, ut morbo ipsius apte mederi possim: vestræ id iustitiæ, & manibus debetur, neque remedia vestra perditum ibunt, si viduæ mulieri bouem reddetis, quem furto abactum occidistis. Pudor ingens ex crimine secretissimo homines suffudit, neque in re subita quicquam ad excusationem allatum est



est, accusante rubore, & conscientia. Vnum in maxima perturbatione solatium, quod boue reddito, cessaret rabies adolescentis. Statim, ac bos alter mulieri traditus est, orante Amone rabies abscessit. Alij quidam officij causa virum Dei adeuntes, pollicebantur sese pro virili curaturos quicquid pro vitæ usu iuberet. Horum alter apprime avarus, ut procacius ad promissa id genus est, etiam comite liberalius sese exhibebat. Amon dixit, unicam rem sibi per necessariam, dolium quo imbres exciperet in usum peregrinorum. Promissum est. Vbi in Vicum descenderunt, avarus comitem intuitus, alter inquit dolium ferat, nam Camelum amo, & si dolio submittam, timeo ne pondere pressus intereat. Cui comes, Camelis careo, sed Asino feram. Itaque dolium, quod ille censebat Cameli viribus longe maius, Asello imponens ad Senem in montem vehit. Ipse obuius aduentabat, & iumentum vires, ductorisque studium commendans ait; tu integro Asello dolium attulisti, sed comitis tui Camelus Luporum cibus interiit. Ita rediens ille comperit accidisse. Alterum est prodigium aeris ambigo, an fluminis. Peruenerat aliquando ad Lycum fluuium, quem Nili fossam alibi diximus naui transmitti consueuisse. Naui aberat, atque nudato ad aquæ altitudinem corpore vadare oportebat. Patres modestiæ tenaciores etiam seipsum nudos intueri nefas putabant, cuius rei extant plura exempla. Theodorus comes, & præ ceteris alumnis Seni acceptus, sibi seorsum vestes detrahare; hic vel nudum cruserubescere, & summo animi cruciatu futuram mox nuditatem cogitare. Dum Sanctus, ita secum luctatur, sublatus se videt per aerem ad vltiorem ripam fluminis transferri, nullo vestimentorum madore. Expauit Theodorus celerem Senis traiectionem, & cum pedes ficos, & nullas in vestibus aquæ guttas cerneret, aliquod in ea re portentum existimauit. In hanc opinionem geminatis precibus Senem aggressus, facti veritatem ab eo extorsit, sed periurij poena sibi ab eodem indicta, si diuinum opus ante obitum suum cuiquā proderet. Amoni etiam cum Antonio vetus intercessit familiaritas, quæ virtute parta, & mutuis officijs ex-culta, post obitum etiam claruit. Amon ipse sexagesimo secundo ætatis suæ anno ad supernas Sedes euocatus mortem beatam appetierat. Eadem hora Antonius Cælum suspiciens, e terris animam vidit in sublime efferri, & obuijs Angelorum turmis immixtam gloriosæ admodum in Cælum recipi. Cupiditas animum inuasit agnoscendi beati illius exitum: & cum obnixè Deum precatus esset, ipsius dono intellexit Amonis Nitriotis eam animam extitisse, qui ab humanis ad cœlestia triumphans inigrauerat. Igitur gratulatus secum plurimum collatam amico felicitatem, Monachis gloriam obitus ad exemplum aperuit, qui habita temporis ratione post exactum mensem acceperunt ab his, qui e Nitria veniebant, ea ipsa hora Amonem obdormiuisse, quo illum Antonius elatum dixerat.

*Socrates.  
lib. 4. c. 18.  
Soz. lib. 2.  
cap. 13.  
Alexand.  
in Anton.*

*Athan. in  
Antonio.*



## N O T Æ.



*E* Nitria Eremo inter ceteras Anacoretarum palestras clarissima, præter ea, quæ habentur apud Euagrium capite. 21. Palladius eam exacte describens num. 7. plurima habet cognitione apprime digna.

De eadem sæpius mentio est apud Hieronymum, Ruffinum, & alios, qui nostra ex Italia ad sacra loca Hierosolimam profecti nullatenus eam prætermisissam voluerunt.

Amonis vitam Euagrius, & Palladius conscripsere; a quibus acceperunt Socrates lib. 4. cap. 18. Sozomenus lib. 1. cap. 14. & Niceph. lib. 8. cap. 41.

Eiusdem nominis alterum reperies apud ipsos auctores, qui Tabennesiotis Monachis præfuit.











*Diuinis oculis pergratus ONOFRIVS, acuum  
 Traduxit rara sobrietate suum .*

*Inq̃ cauo degens, palmarum vbi copia, monte  
 Herbarum pastu depulit esuriem .*



## ONUPHRIVS ÆGYPTIVS.



B S C V R V M genus Onuphrij, & adolescentia nihil detrahunt triumphali ipsius senectæ, & vitæ claritudini, qua visus est ad Angelorum integritatem tanto propius accessisse, quanto ab humanis desiderijs abscessit. Namque certior laus est, quam finis operis assequitur ea, quam initia pollicentur. Sic ab infausa Aurora atrum diem contingit albo calculo designari, si felici vespere claudatur, & viros alias improbos egregio aliquo facinore, aut honestiore mortis genere laudari. Intuere hospes Senem occultantem corporis verenda frondeo semicintio, cetera barbæ, & capillorum defluxu vestientem, vnde ætatem, & vitæ asperitatem agnoscas. En coxas, surasque inedia exiles, æstu, & gelu rigentes, æreo colore obductas, qualem speciem referant inter vndantes canos immixti æris argento. Felix, qui ex eo metallo, quod virtus conflauit, sibi statuam erexit nulla temporum iniuria, nullo hostium liuore deicienda. Cogita hunc sexaginta annorum spatio inter desertas arenas seipsum cruciantem, neminem vnquam mortalium conspexisse, conijcies profecto illum mundi huius victorem Cœli muros obsidere voluisse, & ne viuens illo potiretur, obstitisse corporis pondus, non virtutes. Olim apud Hermopolim in Cœnobio religioni nomen dederat, in quo centum fere Monachi conuiuebant. Ipse voti persolutor multum vitæ perfectioris spem dare, iussis maiorum obtemperans, & auide recondens animo, quæ de profectu religionis dicerentur. Accidit igitur, vt inter eos sermo haberetur de Anacoresi, quæ ab Helia Prophetarum clarissimo exercita, mox a Ioanne Præcurso- re repetita, dicebatur duces suos habuisse Deo coniunctissimos, eaque tempe- state excellere tanto Patrum numero, & sanctitate, vt quandam pene caliginem induceret Cœnobiticæ. Pro qua, licet in medium afferretur obedientiæ iugum, & submissa alterius arbitrio libertas, qua nihil optatius nobiliusue homini datum est; atque spontanea huius abdicatione æquaretur meritum solitudinis; tamen hæc posteriori loco audiebantur. Exemplum pro Anacoresi e militia desumebatur, in qua singulare certamen quibusdam antecellere statariam pugnam ideo videbatur, quia Cœnobitæ Legionarij mutuo aspectu, & subsidijs nixi, minori periculo configerent; & in aduersis rebus, ægritudine præsertim, solatia inuicem exhiberent: Sed Anacoretas omnia incrementa sua sibi debere, qui palam aduersus Dæmones, clam aduersus cupiditates, soli, suoque brachio diuicantes, nullius ope, consilijs, vel aspectu



iuuarentur, præterquam vna Dei benignitate, qui exoratus animum, ac vires agonistis suggereret. Num scrupæ speluncæ cum cellulis collatio? Cibos in Eremito parandi necessitas, ubi semper incertus, aliquando nullus, & de Cœlo expectandus. Æstus ibi, & frigoris intemperies, & exosa mortalibus semper solitudo. His omnibus vna obijciebatur libertas etiam in extrema omnium rerum egestate sibi imperans, & dicto nullius obnoxia voluntas, cui longe grauius est in omni rerum affluxu seruire, quam in re afflictissima imperare. Dicebantur etiam hi tantum sibi ipsis viuere, & nihilo proximum iuuare, cum illi tamquam lucernæ super montes, hi sub modio elucerent; illi exemplo, doctrina, & apud Deum precibus, hi tantum precibus possent ceteris prodesse. Attamen Onuphrij animum ita Anacoretis inuasit cupido, ut re ipsa statuerit experiri, cur eam libentius celebres viri appeterent. Itaque noctu Cœnobium egressus recta in solitudinem contendit. Iam sibi visus abesse satis a Monasterio cogitabat sedes defigere, quâdo ante eum repente obortum immane lumen oculos, & animum perstrinxit. Omen id acceptum male auspiciati itineris, seu vindicta deserti instituti, Onuphrium reduxisset, nisi cœlestis vox ex eodem lumine in hæc verba erupisset. Angelus ego sum custos tibi a natiuitate, qui iubeor tecum in desertum descendere. Cœptis insiste grauius, neque enim religiose laboranti vmquam abero. Comite tutus, & opis diuinæ iam certus, ultra septimum milliarium pergens speluncam inuenit e forma, & cultu quippiam humani operis præferentem. Cumque more Monachorum subclamasset, ut si quis intus esset sibi bene precaretur, Senem aspexit canicie, atq; hilari vultu decorum, qui obuium, ex nomine Onuphriū appellans, & pacis osculo excipiens, profitebatur præsciuisse longe antea ipsius aduentum, ac voluntatem. Porro in eadem solitudine secessum ipsi a Deo paratum esse, & post tædia, & labores huius vitæ, manere in Cœlo præmia, quæ humanos sensus, & cupiditatem excedant. Apud illum Onuphrius dies aliquot commoratus didicit in singulari agone, qua naturæ imbecillitati, qua Dæmonum violentiæ repugnaret. Inde quatridentino itinere cum Senæ ad locum quendam peruenit inter arenas desertæ regionis horridum minus. Quippe aliquot Palmæ aderant ad opus, & cibum. Inquit Senex, hunc tibi agonem Deus præstituit, ubi virtutes virtutibus coniungas, te ipsum subijcias, & improbum hostem pessundes, donec ad præmium euoles beatæ perennitatis. Ibidem cum Onuphrio totum fere mensem moratus refricuit, quæ antea dederat præcepta vitæ solitariæ, mox suam speluncam repetijt. Consuevit postea singulis annis Onuphrium semel reuifere, & solitario aliquod afferre solatium, quod tamē haud in multos annos prolatum est. Nam cum aliquando aduenisset, inter mutuas salutationes, & amplexus, corruens placide animam emisit. Credimus datum diuinitus ipsius charitati, ut in



finu discipuli moriens extrema consequeretur humanitatis officia, & sepulcro honestaretur. Sed quo animo dilecti Patris mortem, & sublatum solatium hic acciperet? Ipsa mors solatium fuit, quæ funus lacrimis, & sacris precibus componendum illuc attulisset, vbi nullius mœrore amplius deplorari, vel charitate curari potuisset. Ab obitu illius præterea nullum hominem vidit ad annum vsque sexagesimum, qui solitudinis, & laborum extremus fuit. Hoc annorum spatium quis audeat describere conflictus, & egregias de hoste victorias? Quis recenseat naturæ incommoda, & victus duriciem, cum attritis vestibus oportuerit nudo corpore nocturnas pruinas, & diurnos æstus excipere? Nulla in deserto fruges præter herbas siluestres, & dactylos, qui e proximo Palmeto citra satietatem sumebantur. Hæc vitæ ratio, dum robustior ætas fuit. At seruo suo iam senescentes artus vix trahenti humaniorem cibum Iesu Christi clementia contulit, Angelo statuta hora panem, & aquam ferente. Adiecit etiam cœlestia Sacramenta Corporis sui, quæ ab eodem Angelo idem singulis Sabbatis, & Dominicis diebus susciperet. His subsidijs vita in decrepitam ætatem perducta Onuphrius exitum optabat, & mens diu cœlestium virtutum commercio delectata, cupiebat abiectio corpore his adiungi. Sed non tulit æquus remunerator, vt ipsius res, & obitus ita in obscuro essent, vt virtuti memoria, honorque abrogaretur; quare pollinctorem, & Scriptorem eo incitavit, qui vtrumque munus egregie prestitit. Paphnutius is appellabatur Monachus, & studio cognoscendi celebriores Patres deditus. Alias Eremon ea de causa lustrauerat, sed tunc vehementiori cupiditate perinde ducebatur, atque suscepti laboris numquam poeniteret. Ea spe solitudinem ingressus post quatrimum exhausto poenu cum fame, & labore afflictiari cœpisset, etiam tantunden itineris ieiunus confecit. At sub animo indefesso miserum viri corpus elanguit, atque iam opinabatur sibi extrema imminere, cum repente, effuso circa eum lumine, quidam affuit supra humanam speciem, qui iacentem blande intuitus, & manus, ac labia demulcens, deiectas vires instauravit, evanuitque. Liquet cœlestis Genij opus extitisse, nam Paphnutius ieiunus, ac integer adhuc iter septemdecim dierum progressus est, donec prope Onuphrij spelæum perueniens eundem obuium habuit capillis, & frondeo Perizomate incinctum, qualem descripsimus. Iccirco spectrum, aut monstrum, Dei virum suspicatus magis exhorruit, quia recta aduenteret, vnde in proximum collem refugiens inter frutices sese condidit. Cui Sanctus, descende inquit Vir Dei, nam hominem cernis tui similem. Vox fiduciam peperit, & ablato terrore spes subiit operæ fortassis id precium esse, quod animo olim conceperat. Postquam propius venerabilem vultum, & comas ætatis, & sanctæ asperitatis testes conspexit, pronus ab eo benedictionem precabatur. Cui Senex. Iuuat ex nomine te Paphnuti appellare, nam scio solo stu-



lo studio inquirendi Anacoretas aduenisse. Cumque repetitis salutationibus confederent, rogabat hic Senem, ut vitæ illic suæ rationem, & labores exantlatos enarraret, unde exemplum sibi, & ceteris sumeret. Cui Pater obtemperans humillime de seipso retexuit, quæ nos supra digessimus. Inde ulterius ad tertium fere miliarium, vbi specus, & Palmæ erant, progressi, sacris colloquijs iucundissime ad vesperam usque recreati sunt; & quia Senex hospitem ieiunum, ac fessum nouerat, coenam apposuit. Aderat panis, & aqua non e frugibus, vel arenis perustæ regionis, sed Angeli ministerio allata. Hisce post aliquā charitatis altercationem, quia alter sine altero vesci nollet, ambo refecti, noctem fere totam orantes peregerunt. Mane postquam Deo suctos hymnos cecinerunt, Paphnutius vidit vultum Senis pallore suffusum, qualis in moribundis cernitur, dixitque fatin salue? Cui ille. Ne moleste pallorem meum accipias. Te Deus huc direxit, ut mihi adsis morienti. En carnis viam ingredior homini, ac bestijs æque horribilem, mihi necessariam, ut ad æternam requiem ea accedam, illic apud omnium conditorem lubens pro his intercessurus, qui opem meam implorauerint. Sacrificia, preces, aut elemosinas eorum vbique comprecator iuuabo, & aduersus hostium nequitiam hic robur, illic præmia his deposcam. Tu in Ægyptum redi, sacris adesto institutis, etiam minimi laboris mercedem in Coelo amplissimam recepturus. His dictis e sede surrexit, rectus, & lacrimans aliquantulum orauit, mox in genua procumbens ait, in manus tuas domine commendo spiritum meum, & beatam animam efflauit. Eluxit vultus morientis extemplo splendore admirabili, & audita sunt agmina Sanctorum Angelorum alacri concentu beati Senis triumphum gratulari. Paphnutius vbi lacrimis, & Psalmis iusta persoluit, cum ad amiciendum corpus nihil præter pallium haberet, scidit, & dimidio altero obuolutum tumulo condidit. Sed quamuis testamento imperatus esset Ægyptum repetere, tamen loci opportunitate, & Beati Onuphrij memoria illectus, cogitare paulatim coepit speluncam sibi, ac Palmetum retinere, & Anacoresis ibi studia sequi. Verum longe dispar humanis consilijs diuina res erat. Dum ea ancipiti animo voluit, antrum, & Palmæ radicitus euulsæ immmani fragore procubuerunt. Ostendit eorum ruina indictam redditus necessitatem, abiitque Paphnutius, si non heres speluncæ, saltem testis eximie virtutis Onuphrij, cuius postea famam inter Monachos sermone, & apud exteros scripto vbique gloriosam, auctor non inglorius, euulgauit.



## NOTÆ.



*P*RÆTERTER historiam, quā de Onuphrij rebus edidit Paphnutius hic Cænobita inter vitas Patrum libro secundo, nullam pene mentionem reperies de eo apud veteres.

Egregia tamen illius est memoria in Romano Martyrologio, quem etiam inter Sanctos veneratur Ecclesia pridie Idus Iunij.

Agunt etiam de eo Græci in Menologio, ut notauit Baronius.

De Anacoresi autem, & Cænobitica, de quibus adstante Onuphrio olim discipulari contigit, & in elogio pauca quædam recensita sunt, nobilis extat quaestio apud Ioannem Cassianum collatione 19. cap. 5. usque ad extremum coll.







*In nemore inculto, rigidi prope litora ponti,  
Sacrifici partes officiosus agens.*

29

*Distribuit socijs sacra ter veneranda PLAMON.  
Quo docuit Christus distribuenda moda.*



## PIAMON DIOLCENVS.



PIAMONI studium veræ humilitatis dedit, ut  
astantes Sacris altaribus Angelos intueretur, &  
accedentium ad ea Monachorum merita, vel cul-  
pas dignosceret. Presbyteri humilitatem vetus  
auctor præfert ceteris eius virtutibus, quamuis eas  
multas egregiasque fuisse oportuit, ut doceat ho-  
minem in agone huius vitæ necessario militatu-  
rum, mediumque inter spurios, & Beatos Ange-  
los positum, hac præsertim tessera, & signo militiæ

indicare utros duces sequatur. Alias viri laudes conijcito hospes e Sacerdo-  
tali dignitate, & Monachorum Præfectura, qua constat ea tempestate non nisi  
summos viros perfunctos. Is cum aliquando Sacris Eucharistiæ litauisset,  
& iam ex more Sacre Sinaxis singulis fratribus ex ea particulas dispertiretur,  
prope Aram vidit Angelum decore affulgētem quorundam nomina libello  
inscribere, quorundam præterire. Ipse cum prætermissa altius memoriæ com-  
misisset, absoluta Sinaxi singulos seorsum interrogauit, an sibi cōscij cuiusquā  
criminis ausi essent Sacris mysterijs participare? Inopinantes animos veri-  
tas confixit, & conscientia tacta religione aperuit Sacerdotis imperio, quam  
recte nomina singulorum Angelus dimisisset. Reos mortalis delicti sacra-  
accepisse palam fuit, quod tamen scelus vniuersis poenitentia obliterare pa-  
ratos esse ipsa reatus confessio, & subsequentes lacrimæ satis demonstrabant.  
Piamon, quamuis ex æquo immane Sacrilegium criminibus adiectum dete-  
staretur, tamen Redemptoris exemplo admonitus etiam pro ipsis Crucifixo-  
ribus orandum, ut horum poenitentiam iuaret, noctu diuque supplex, & col-  
lacrimans sese excruciauit, donec his veniam patratum scelerum impetra-  
uit. Dimissæ culpæ, & conciliatæ diuinæ voluntatis indicium tulit altera  
Sinaxis, qua Piamon sacrificans aspexit Angelum ex more nomina commu-  
nicantium sacris in libellum referre; & cum ad eos peruenisset, quorum olim  
memoriam neglexerat, audiuit illum ex nomine poenitentes ad Sacra inui-  
tare, unde eos agnouit, & albo restitutos, & gratiæ. Sed vetus hostis Sacer-  
dotis zelo, & Monachorum saluti infensus, quod præter inuisibiles eius frau-  
des, & luxuriantis vitæ huius illecebras, expedita virtutum via ad æternam  
felicitatem pertenderent, & quicquid ipse mali fragilioribus suggereret, Pia-  
monis prudentia, & monitis reiceretur; Deo in ampliorem sui gloriam, &  
Presbyteri decus permittente, acerrime in feruum ipsius flagris, & tursioni-  
bus sæuijt. Et quemadmodum olim Antonius ab eodem pessime cæsus, &

T

pene



Pene confectus iacuit, ita hic semimortuus neque se loco vltius mouere, neque exurgere. Vigebat tamen virtus, & in laudes summi Conditoris effusa, sibi triumphum canebat eo nobiliorem, quo deterius liuere corpus spectabatur. Recte itaque putamus hunc extremum Dæmonis conatum, & summam violentiæ eius extitisse; nam desperata victoria iugis belli, & in acie fractus ab eo sæpius, tunc demum a castrensi militia ad grassationem conuersus, misellum corpus, victoris animi vile mancipium, (quàm digna vltio?) ad satietatem cecidit. Piamon vero sua clade longe molestius ferebat illatum Patribus incommodum; quia Sinaxi dies indicta erat, qua sacris operari illum oportebat, eaque alijs ministrare. Stata die conuenere ex Ereino vniuersi; sed tantum aberat posse Piamonem ceteris Sacramenta impertiri, vt neque sibi necessaria susciperet. Attamen Deus insigni miraculo effecit, ne odium improbi hostis obesset Sanctorum charitati. Decumbentem circumstabant plures, qui in eo animi constantiam, & hostis nequitiam intuentes, religiosæ militiæ doctrinam efficacius hauriebant. Hos Presbyter precatur, vt se ad Ecclesiam ferant, & coram altari sistant. Illic potius vt aliorum voluntati, quam suæ salutis consuleret, aliquandiu orauit, & absoluta oratione conspexit Angelum altaris custodem, & nominum receptorem, iacentem sese erigere, sentitque illico depulso omni languore sibi vires, & salutem restitui. Ita sacris ministerijs aptus, & corpore vegetior quam olim sibi visus esset, sacerdotale munus persoluit, & postea Angelos magis familiares habuit, quos tunc sacrorum custodes, & pugilum tutelares proprio exemplo didicerat.





## N O T Æ.



*E* Piamone scribit Enagrius cap. 31. Sozomenus lib. 6. cap. 29. & Niceph. lib. 11. cap. 35.

*Idem omnium de Sanctitate ipsius, & Angelorum visione consensus est.*

*Hunc Piamonem testatur Cassianus conuenisse, & auctor facit collationis decimæ octauæ de 4. generibus Monachorum.*

*De eodem scribit collatione 17. cap. 24. quod cum apud quendam Monachum diuertisset, qui hospiti suo vinum, & uas apposuerat, quibus ab annis fere quinque & viginti ipse abstinerat, his tamen lubens vesci voluerit, ne ignotam abstinentia virtutem ceteris idem propalaret.*

*Diolcus Ciuitas, cuius mentio hic habetur, heret uni ex septem ostijs Nili fluminis, & nomen obtinet iuxta Græcos ab Nauium transuectione, de qua Plinius lib. 5. cap. 9.*

*Ipsi proximam Eremum sicut apprime sterilem, ita Sanctis Anacoretis fecundam, designat. Idem Cassianus suarum institutionum lib. 5. cap. 36.*

*De Angelorum etiam ad Sacrum altare visione haud absimile exemplum affert Palladius in Ammona Presbytero apud Diolcon: Quod cum in omnibus consentiat historia huius Piamonis, me in opinionem trahit mendum irrepsisse in codicem, & pro Ammona legi debere Piamonem. Concordant Daemonis odium, verbera, & Angeli miraculum, quo sanus ad Aram erectus est. Habetur apud Pallad. numero 72.*







*Multiplici pollens doctrina HIERONYMVS, oris  
Varij stupenda præditus facundia,*

*Arcta Patrum sectans Veterum vestigia, sacro  
Vitas eorum prosecutus est stylo.*



## HIERONYMVS

DALMATIA.



**I**N conferto virtutum theatro, vbi non imagines ad ornatum, sed ipse res fortiter gestæ ad totius humani ingenij stuporem conspiciuntur, hæreo vnde potissime tuum Hieronymæ Elogium desumam. Quia cum plures sint, etiam singulæ de principatu contendunt. Offert sese eruditio, qua inter tuæ ætatis eruditiores excelluisti. Eminet cum morum integritate vitæ austeritas: Et quam maxime vrget studium Catholicæ veritatis, quo turbidi illius sæculi hæreses compressisti, ac iugulasti. Habet tamen doctrina Elogium suum iam olim frequens per ora Mortalium, neminem sciuisse quod tu ignoraueris, qui Latine, Græce, & Hebraice disertus sacrorum librorum interpres, & reconditarum quæstionum oraculum vndique consultum, egregios titulos haud minus digne tutatus fueris, quam merito acceperis. Austerum etiam vitæ genus sua laus sequitur ab his, qui olim ducti sanctitatis desiderio tuis institutis adhæserunt, & hætenus in Ecclesia Dei tesseram abs te acceptam profitentur. At labores pro Catholica fide pie suscepti, ac strenue exantlati, cum inter Ecclesiæ memorias, nunquam interituras, perpetuo floeant, nunc præ ceteris rebus tuis argumentum exhibent inscriptioni, quam tuæ imagini illustri apprime, & spiranti etiam ex tabula robur inuictæ mentis, subijcimus. Stridon oppidum olim Dalmatiæ, Pannoniæque Confinium, Gotthorum postea immanitate excisum, inter rudera veteris gloriæ hætenus de Ciue suo Hieronymo gloriatur. Huic genus clarum satis, quod seruorum numero, & Villis non exiguis ditaretur. Ingenium vero, si in eo humanæ huius magnitudinis contemptum, & in aduersis rebus constantiam spectes, regium profecto dixeris. Postquam e contubernali pedagogia Puer Roman missus est in pensius erudiendus, edidit illic præludia Sanctitatis, frequens circa templa, & memorias Sanctorum, qui humum sanguine aspersam, etiam reconditis intra ipsius viscera sacris ossibus honestarunt. Ita Religio cum Religione coalescens iuuenem ab disciplinis, quas liberales vocant, ad sacras literas traxit. Vix eas extremis labijs attigerat, cum ab ipso Deo doctrinam censuit expetendam, qui & requiritur. Ideo statim sacro Baptismate ablutus amplius sese religioni, & sacris studijs addixit. Sed cum prudentiam e scholis haustam sciret longe minorem ea esse, quæ longo usu rerum, & peregrina-

*Hieronim.  
de se ipso  
lib. de vi-  
ris illustr.*

*In Apol.  
ad Pama.*

*Epiſt. 57.  
c. 58.*



regrinatione comparatur, in Gallias abiit, ut multos illic viros, eximias, & selectas Bibliothecas inuideret. Lustratas ab eo exacte maximas Prouincias demonstrat accurata descriptio urbium, quas barbarorum incurfu dedopulatas in Bethleem suo postea defleuit. Inde patriam reuifens non longas ibi moras duxit, perosus Lupicini Episcopi vitia, cuius illic prauitate res Ecclesiastica pessum ibat. Cœperat olim animo volutare vitam Monachorum, quæ in Ægypto, Syria, & Palestina æternæ salutis, & huius vitæ tranquillitatis extra omnem opum, aut dignitatum libidinem, consulebant, neque abhorrebat ab institutis vir pius, & studijs ab omni ambitione remotis in vnam scripturarum doctrinam propensus. Consilijs intererant Religiosi comites, qui cum eo in Eremito militarent, Euagrius Presbyter Antiochenus, Innocentius, Heliodorus, & Hylas, qui secum etiam profecti sunt, quamuis postea à latere ipsius vel obitu, vel rei familiaris solitudine auulsi. Sed e veteri cupiditate, quam ab exemplo Pythagoræ, Platonis, & aliorum traxerat, placuit primum Thraciam, Pontum, atque Bithiniam peragrarè, inde Galatiam, & Cappadociam adire, mox per Ciliciam in Syriam trajicere; nullibi tamen feriari, quod res cuiusque regionis celebriores ex ingenita discendi libidine scrutari in animo esset. Sic Cilicis mos inter Cilices ipsos didicit, unde Pauli Epistolæ his interdum refertas facilius enuclearet. Sic plurima visu percepit, quibus suos commentarios ditauit. Antiochiæ cum Euagrio aliquandiu confedit, ut Apollinarem Laodiceum audiret tunc alicuius inter Theologos famæ, postea hæreticorum Primipilarem, & Catholicæ fidei extorrem. His rerum sacrarum studijs acuebatur stimulus ineundi optatam Monachorum quietem, nec deerat hortator magnus inter Anacoretas Theodosius Antiochenus gratia miraculorum, & ipsius Hieronymi erga ipsum obseruantia, validus. Alliciebat etiam animum proxima Chalcidis solitudo, quæ procul ab omni populorum frequentia, & rerum fluctuantis sæculi strepitu, pulchra Eremitarum sedes celebrabatur. Huc tandem despectis mundi curis ille successit, vna aduersus oculum retenta Bibliotheca, quam sibi Romæ summo studio congefferat. Solitudo exusta Solis ardoribus, ac proinde sterilitati obnoxia, iuuenem frugali mense, & Cœlo temperationi assuetum concussit, & varijs ægri tudinibus afflixit, antequam Cœlo, ac victui sese aptaret. Præ ceteris illum acuta febris protriuit, qua vitæ anceps per quietem sibi visus est ad tribunal Iudicis pertrahi, à quo de religione postulatus, cum Christi fidem professus esset; tamen nimio Ciceronis studio, quam Christianum deceret, inter illius sectarios damnatus egregie vapulauit. Somnium id, an rem gestam dixerim, quando euigilans artus laceros sensit, & in corpore flagrorum vibices deprehendit? Etiam quæ Eremitæ, & ægri tudinis solatia erant, Innocentium, & Hylam fatum eripuit, & Heliodorum domestica res in patriam retraxit. Eas tamen fortunæ angustias tantum



tantum abest illius animum fregisse, vt etiam debile corpus auderet vili sacco amictum ad loca Eremiti atrociora per æstum, & algorem impellere. Cutis *Epist. 22.* iam atro situ squalebat, neque stomachus in morem satis ibat Monachorum, quibus religio erat coctos cibos sumere, quando idem Hebraicæ linguæ desiderio arsit. Sed quo labore vir tricenarius labra latinis, & Atticis sonis sueta, ad hiatus, & stridores Hebræarum vocum detorserit, ipse edisserat, qui scripsit desperata fruge aratrum sæpius abiecisse, & rursus in nouam spem repetisse. Temperauit tamen Dæmon ab infestatione viri maxime operosi, imino acriori odio exagitauit. Refricabat ei Romanæ Urbis delitias, coæuorum felicitatem, luxum, & voluptates indultas iuuentuti, & si quam oculis, vel animo vnquam libidinem cepisset ita eam conspectui subijciebat, vt Dei seruus inter saxa Eremiti, & arenas feruentes seminudus, sibi videretur inter conuiuia, & choros puellarum lasciuire. Repugnabat his ferox animus, & corporis perfidiam suspectans, ne turpem hosti deditionem faceret, eidem ieiunium acre indicebat, atque noctu diuque per deserta raptatum, lacerumque edomabat. Vbi inter rupes antrum, vel intra telluris arcana hiatus descenderet, ibi locabatur sedes orationi, ibi noctes insomnes, ibi imbres lacrimarum defluebant, & miserum pectus tundeatur, donec repressa carnis, & Dæmonis petulantia agmina Sanctorum spirituum accederent, quibus adiuncta mens sacros hymnos Deo concineret liberatori. Hoc bellum, quod in solitudine iuge fuit, alterum sequitur ab hæreticis, & schismaticis illatum. Optabat diuersa ratione vtraque factio in suas partes trahere iuuenem hunc multæ spei, & Sanctitatis. Hinc Laquei, illinc Retia. Quærun ab eo hæretici, vnicam an plures hypostases profiteatur in mysterio ineffabilis Trinitatis. Nouerat ipse tunc vocem hypostasis dispari sensu accipi ab Orientalibus, ac Occidentalibus. Ideo Monocerotis exemplo noluit ex incerto fonte latices bibere, nisi prius immisso cornu venena expelleret. Si Hypostasis Vsiā, siue substantiam designat, vnam confiteri se in Sancta Trinitate hypostasim. Si autem personam significat, credere se tres in eadem distinctas hypostases. Itaque Omouision Sanctissimam appellans Trinitatem quanto acutius eorum fallaciam reiecit, tanto atrocius odium sibi conflauit. Schismaticorum autē Lis altius repetenda. Ecclesiam Antiochenam id temporis tres Episcopi distrahebant. Meletius insignis Confessor, sed ab Acacianis, & Eudoxianis (Arianorum germina erant, quibus idem aliquando consenserat) ab Episcopatu Sebasteno in eam sedem accersitus, quamuis Catholicus probe euassisset, & ab Arianis in exilium pulsus esset, tamen rediens eo nomine plures Catholicorum infensos habebat. Dum hic exularet, Ariani vacuum naçti eam sedem Euzoium olim Arij hæresiarchæ comitem, ac propterea cū eo damnatum, & clericatu abdicatum, eo intruserant; quare seueriores Catholici

*Epist. 57.  
& 58.*



tholici vtrumque auerfantes, Paulinum optimum virum initiatum à Lucifero Episcopo Calaritano pro votis expetitur, acceptumque retinebant. Euzoiū præter sectarios suos quis bonorum respiceret? Meletio fauebant Episcopi Orientales, Paulino Ægyptij, & Occidentales, ac præsertim Athanasius ille Alexandrinus Arianorum tormentum, qui eundem Romæ apud Pontificem Maximum commendans etiam Romanæ Sedis communione firmaverat. Cum igitur Hieronymus procaciter ab his tum fidei, tum communionis postularetur, dixit illam se tenere fidem, illum Episcopum suscipere, quem Romana Sedes erecta super basim diuinæ auctoritatis, & Apostolicæ doctrinæ, sentiret, reciperetque. Adiecit ad eiusdem Sedis Antistitem Damasum de his Epistolas, quæ extant doctrina, & zelo religionis præstantis. Hinc odium vtriusque factionis plurimum crevit aduersus Hieronymum, neque cessatum est ab iniurijs, & offensis, quousque ipse improbitati eorum cedens Eremo exiret anno initæ solitudinis quarto. Antiochiæ deinceps Paulino adhæsit, quem Damasus sequi iusserat, a quo etiam passus est Presbyter ordinari, nulli tamen Ecclesiæ præfici, quia Monachalem etiam tunc quietem, ac libertatem respiciebat. Interea ne aptam studijs literarum ætatem frusteretur, Constantinopolim proficiscitur, ut Gregorium Nazianzenum Theologorum celeberrimum recens in Episcopatum illius urbis euectum audiret, quem impense coluit, & Preceptorem suum appellauit. Sed illo non diu postea eam sedem ultro abdicante, & in schismate Antiocheno in locum Meletij defuncti subrogato Flauiano, alijsque pluribus Ecclesiæ negotijs exigentibus, cum Romæ conuentus Episcoporum etiam Orientalium indictus esset, inter eos Epiphanius e Cypro, ab Antiochia Paulinus, enauigarunt. Hieronymus etiam Byzantio subsecutus à Damaso Pontifice optatus accipitur, quia eruditionis opinionem olim scriptis probatam, etiam in rebus maximis coram experiri cupiebat. Soluta itaque conuentu ab eodem sacris Scrinijs præficitur responsurus his, qui ex toto terrarum orbe Apostolicam Sedem consulerent. In eo munere vir pius, & eruditus nihil minus prestitit, quam Pontifex sperauerat. Præterea, quod inter publicas occupationes stupeas, priuatam Monachi vitam agens, nihil suæ austeritatis, orationis, & lucubrationis remisit. Ibi Psalterium olim studio septuaginta interpretum ex Hebræo Græce redditum, & Latinis minus scite donatum, ad veterem translationem restituit. Item Sancta Euangelia, quæ hætenus in Ecclesia leguntur, e Græco Damasi iussu emendauit. Sanctorum triumphos, more olim fastorum Romanæ urbis, per dies breui compendio digessit. Heluidij oblatrantis aduersus perpetuam Mariæ Deiparæ virginitatem, & coelibatus sanctimoniam, os impurum insigni commentario obstruxit. Luciferianos item schismaticos, qui iras Luciferi Calaritani Episcopi ob non receptum ab Antiochenis Paulinum, &

ab Ale-



ab Alexandrina Sinodo restitutos Episcopos poenitentes, qui aliquando Arianis consensissent, mordicus vindicabant, dialogorum libro compressit. Sacerorum librorum, quos coram promiscuis Romanæ nobilitatis auditoribus interpretabatur, abstrusiores quæstiones scripto enodauit. Plurimos etiam eorum ad religiosioris vitæ rationem traxit, ex quibus sat erit Pammachium, Oceanum, Albinam, Marcellam, Paulam, & Eustochium memorare, ut genere, & opibus præclaros, ita postmodum sanctimonia, & humilitate longe excelsiores. Verum qui admiratione suæ virtutis optimos sibi conciliabat, pessimos lædebat, qui morum disparitati infensi, & liberiore interdum facundia coerciti, famam ipsius perinde impetebant, ac diuitum foeminarum obsequia, & vulgo opinionem doctrinæ aucuparetur. Arrisit odio mors Damasii, cum qua etiam Hieronymi collapsa auctoritate, impij viri contra eum debacchati sunt. Ipse tamen in obitu Sancti Antistitis plus dolens Ecclesiæ iacturam, quam suam, & liberarum habenas nactus sui ipsius, maluit sese obrectatorum inuidiæ subducere, quam vindex suæ iniuriæ Romæ spectari. Recrudescerebat cupido solitudinis, cuius gratia olim Antiochiæ, nuper Romæ maiores potuerat dignitates recusare. Igitur cursu in Orientem instituto Cyprium appulit ab Epiphanio amice exceptus. Inde Antiochiam perrexit ut Paulinum inuideret, mox Hierosolimam ut sanctaloca lustraret. Ibi secessu delectatus ruris Bethleemitici, quod Verbum æternum humanis natalibus consecrauerat, statuit illic omnium fortunarum metam, & quietis portum locare. Ea propter locum diligens secus viam, qua Archelai quondam regis sepulcrum aditur, cellulam Eremitæ, ac studio aptam extruxit. Ea maiora deinde incrementa accepit quando Paula Consularis foemina cum filia Eustochio in Bethleem venit, & latum monachis Cœnobium, tria Virginibus collegia ædificauit, & his hospitales ædes adiecit, quibus peregrini exciperentur. Monachos ille diutius rexit magis exemplo, quam imperio, exprimens in seipso virtutes, quas alij æmularentur. Nullus ocio locus; nam orationem lectio insequabatur, & obliuionem mensæ, ac lectuli, sæpe stilus inducebat. Fortassis non exerendus is fuit aduersus monstra nouarum hæresum? Eo primum Iouiniani mores, & blasphemias duplici volumine proscidit, deussitq; Et post annos quinque adhuc incitatus discendi cupiditate Alexandriam accessit, ut post nauatam operam Apollinari, & Gregorio Nazianzeno, alteram daret Didymo illi Cæco Alexandrino spectati ingenij, & doctrinæ viro. O quam mira in cæca vulpe pellis inuersio. Origenis erroribus additus, quia sciebat Hieronymum his stomachari, abstinuit quemquam probis auribus instillare, cum tamen eodem tempore Rufino Aquileiensi nouorum dogmatum appetentiori venenum misceret. Libuit ab Alexandria Ægypti oras circumire, & Nitriæ Eremum, ceterasque Monachorum sedes scrutari,

*Epist. 99.**Lib. 3. contra Rufin.**Epist. 69.**Lib. 3. contra Rufin.*



in quibus tamen præter opinionem aspexit aspides, (nempe Origenistas) latere. Demum in Bethleem reuersus iterum hebrearum literarum amore flagruit, vsus præceptore quodam Hebræorum eruditissimo, quem multo precio ductum noctu audiebat; ne odium ille propriæ gentis subiret. linguæ studium etiam locorum notitiam requirebat, vt eorum testimonio obfirmarentur, quæ passim gesta per Iudæam ex Sacris literis didicerat. Ea propter Iudæa vniuersa lustrata. Interea temporis Ruffinus, vt libris Periarchon Origenis fauorem etiam apud Occidentales piscaretur, eos Latine ediderat, & præfatione honestauerat, qua mire efferebat Hieronymum quasi Origenis admiratorem, cuius opuscula quoque transtulisset. Sed cum a viris Catholicæ fidei, & emunctæ naris, liber deprehensus esset impijs erroribus scatere, etiam Hieronymus in præfatione laudatus insinuabatur fauere Origenis opinionibus. Res prium Romæ a Pammachio, & Marcellino comperta, eorum literis in Bethleem ad Hieronymum perfertur, qui dignum sua fama ratus falso inductam personam detrahere, apologeticum edidit veritatis aceto, & eloquentiæ fale conspersum, quo ab omnium animis æruginem indignæ suspicionis effricuit. Patuere ex eo Origenis venena, & Ruffini consilia, qui vt ea honestis titulis latius diffunderet, laudatorem Catholicum in suam rem falso citauisset. Perstrinxit etiam inter Origenistas plures tacite eo morbo laborantes, qui suppressa motus occasione in auctorem exarserunt. Ex his Ioannes fuit Episcopus Hierosolimitanus æque Hieronymo, ac Epiphanio infensus, qui ansam quæsiuit suas, & Sæctatorum iniurias vleiscendi. Inde fluxit occasio. Epiphanius nuper in Palestina Paulinianum Hieronymi fratrem in Presbyterum promouerat, vnde Ioannem furor inuaserat ac si intra limites suæ diocæsis contra scita Conciliorum immaturum quoque sacerdotio iuuenem initiaisset. Querelis non sola Palestina, sed etiam proxima Ægyptus expletur, & indicitur anathema his, qui Paulinianum rite initiatum affirmarent. Visus proinde iura suæ diocæsis tueri, recta Hieronymum impetebat: qui licet satis ostendisset Paulinianum annos triginta natum iuxta Canones rite Sacerdotium accepisse, & Monasterium, in quo Sacra habita fuerant, non Hierosolymitanæ, sed Eleutheropolitanæ Ecclesiæ subiectum esse, atque si quicquam iniuriæ limiti illatum esset, id potius a Cæsarea Palestinæ Metropoli, quam ab Hierosolymis repetendum; tamen ex ingenua humilitate, ac reuerentia ab ingressu templi dominici Præsepis aliquandiu abstinuit. Neque tamen rationes, & obedientia, cohibuere effrenem Ioannis animum ne in deteriora prolaberetur, & a Theodosio Augusto rescriptum extorqueret, quo idem cum grege Monachorum in exilium truderetur. At Dei benignitas votorum iniquitati intercessit, & rescripto antiquato monstrauit Ioannem non tam iuris, quam odij causam actitasse. Prodiit tota res quando ad



Synodum Alexandriae coactam vocatus friuolis admodum excusationibus conuentum Episcoporum eludit, creditus ideo Origeni fauere, qui ibi tunc primum a Theophilo Alexandrino suffragantibus vniuersis damnatus, Romae postea ab Anastasio Pontifice census extra classem Catholicorum cum sequentibus explosus est. Etiam Ruffinus, qui libros Periarchon minus fideliter vertisset, & subdole ad Urbem attulisset, eiusdem haereseos tunc postulatus, cum accedere nolisset, eadem sententia percellitur. Neque illic Hieronymus sibi ipsi deerat, missa ad Auitum Epistola, siue nota eorum, quae cauenda essent in libris Periarchon. Demum vt obiectam adhuc velis Scenam denudaret, eosdem libros e Graeco codice scite ac fideliter transfert, & Romam transmittit. Hinc Ruffini furor, quo sibi incendium excitauit, dum parat Hieronymum maledictis incessere. Euomuit amarulentam quatuor librorum apologiam, quae nimis contumelijs laesam viri patientiam, stilumque ad ultionem prouocauit. Sed qualis ultio? Non armis, vel odio, sed fulmine veritatis, & Orationis tonitruo cordis penetralia quassans, ac decurrens. Ruffinus deinde neque probe Catholicus, neque satis eruditus haberi. Mirum tamen in Hieronymo fuit, quod tot iaculis appetitus, tot calumnijs tractus, numquam a charitate deflexerit, & qui obiectum falso probum haereseos genuino dente vlciscebatur, vbique procurata beneuolentia Christianam modestiam exerceret. Tandem alio stilum conuertens nouis lucubrationibus Ecclesiam locupletauit. Librum confecit de viris illustribus, qui scripto sacram rem iuuerunt. Item vitas Pauli, Hilarionis, & Malchi Eremitarum. Eusebij Casariensis Chronicon Latinitate donauit, & ad sua vsque tempora produxit. Prophetas ferme omnes commentarijs illustrauit, visus prae ceteris antiquorum, propiori ad eos spiritu peruenisse. In Pauli Epistolas item commentarios edidit. Mox contra nouas haereses insurgens, Vigilantium turpissimae opinionis auctorem, atque pinguium nostri temporis haereticorum archetripum, quamuis antea in pugna Iouiniani collisum, tamen specialius editis in eum libris protriuit. Pelagij etiam errores, quasi Regulos ex ouis Origenistarum eductos, acutissime confutauit, laetus in eo prelio commilitonem habere Augustinum doctissimum, & Sanctissimum. Dum ea scribuntur nihil tamen praetermittitur sanctae austeritatis, orationis, & familiaris sollicitudinis, sed animo nobiliore etiam hospitalitati patrimonium designatur. Quippe cum vicinia sanctorum locorum, & ipsa Domini Praesepe religio, innumeros inuitaret peregrinos, aedes antea constructae a Paula nuper defuncta longe impares numero aduentantium videbantur. Igitur Paulinianus in patriam dimittitur, qui villulas a barbarorum depopulatione superstites vendat, ac precium referat nouis aedibus, & Hospitum expensis dispartendum. Praeter ea quae hospitalem oeconomiam spectabant, cura eiusdem erat peregri-

*In prelo.  
super Eze  
chiel.*



*Lib. 3. contra Rufinum.*

nos hilari fronte suscipere, pedes abluere, & cibos discumbentibus apponere. Etiam cibo adiectos de diuinis rebus sermones ab erudito, & sancto viro quis neget? Frequentia hospitum addebantur Legationes eorum qui ab extremis Hispaniarum, Galliarum, & Africae regionum, ( vt de Vrbe Romana si-  
leam ), Hieronymi doctrinam pro quaestionum solutione, vel pro sanctitate amicitiam expetebant. Sic ex Africa Augustinus magnum fidei iubar ad eum Alipium, & alios direxit; Sic Orosius, & Sulpitius apud eundem hospitati sunt; sic e Gallijs nobiles mulieres Hedibia, & Algasia; e Germania Sunia, & Fretela; ab vrbe Pammachius Oceanus, Auitus, & alij, quos tædet recensere, postularunt obscura sibi scripturarum arcana referari, vel subsidia aduersus exurgentes hæreses præberi. Sed Pater iam senio confectus, ac fessus longa corporis sui maceratione, & iugi literarum studio, vnicam apud Deum liberalem cuiusque operis existimatorem quietem illam affectabat, quam in presenti vita nulli hominum contingere usu didicerat. Corpus peregrinationibus, animum vero hæreticorum vbique insidijs afflictum meminerat, eaque omnia ad eam usque ætatem tolerata, quæ clausa felicior sibi in Cœlo iuventam numquam occasuram aperiret. Porro eam spem animo semper volutans leui febricula corripitur, quam non morbum, sed nuntium intellexit proximi obitus directum, vt quicquid officij Monachis, vel sacris Virginibus deberet, festinus persolueret. Sic vniuersis rebus ad æternam requiem compositis, septus Monachorum, & Virginum turmis, quas testamenti loco ad religionis, & castimonie propositum hortabatur, octogenario proximus extremum diem obiit non inglorius miraculis, quæ plurima mortem ipsius secuta sunt. Corpus apud Præsepe Domini vtriusque ordinis frequentia, & lachrimis religiose sepultum, mira populorum veneratione, & concursu excultum est, quousque cum ipso Præsepi Romam translatum, in eodem templo Mariæ Virginis, retento veteri apud Præsepe iure sepulcri, honorifice reconditur.





## N O T A.



*X* Simbolo Leonis, qui Hieronymo appingitur, ingenium illius accipe magnanimum, & imperterritum, quo pre foribus Catholicae Ecclesiae excubans, irruentes haereticos dicto, scriptoque lacerauit.

Inter summos Ecclesiae Ipsius doctores, & Dignos recensitus, diem celebrem sui obitus retinet extremum Septembris.

Omnium etatum scriptoribus innotuit, & dignis sua virtute elogijs honestatus est.

Illum Sanctus Augustinus Latina Graece, & Hebraice eruditum in sacris locis, ac literis instar lampadis Ecclesiae resplenduisse scribit in libro aduersus Iulianum.

Inexpugnabilem turrim Catholicorum, atque infatigabilem haereticorum hostem, appellat Marcellinus in Chronico.

Catholicorum Magistrum nuncupat Cassianus lib. 7. de Incarnatione verbi.

Morum exemplum, & mundi Magistrum dicit Prosper in libro de Ingrat.

Vitam ipsius olim à quodam imperito fabulatore titulo Eusebij, vel Cirilli Hierosolimitani, conscriptam iure merito reijcit Baronius in Annal. tomo 5. & alteram ex operibus eiusdem Hieronymi concinnatam auctore Mariano Victorio commendat, ex qua hoc elogium constat.

Purpurei galeri insignia, & Cardinalis titulum eruditiores non admittunt.

Vulgatum Leonis miraculum non Hieronymo, sed Gerasimo Anacoreta contigisse in confesso est, sed apud secula minus erudita ex nominis propinquitate alteri usurpatum.

Qui laudatores Hieronymi audisti, etiam ipsius hostem maledicum nosce Palladium Galatam Ruffini, & Euagrii sodalem, In memoria ipsius Hieronymi numero 78. in Possidonio num. 77. & in Paula Romana num. 125.





# IN TYRANNVM.

quem

D. LAVRENTII MARTYRIO

Adstantem picta tabella referebat.

Ode



*I*mmanem miser æstuas  
    Illatis scopulum findere nauibus,  
Quem sæuo Deus æquore  
    Infixit Boreæ & fluctibus obicem.  
En quo deterius iubes  
    Inuidi iuuenis membra nigrescere  
Christum lingua potentius  
    Testatur dominum; ludit & asperum  
Cratis supplicium Fides,  
    Nec strictis gladijs cedere conscia.  
Sic aurum impositum focus  
    Effulget mage, sic pondere saxeo  
Palma attollitur altior.  
    Victrices animæ funera nesciunt.



# AD VRBEM REGIVM.

## Pro Translatione Sancti Prosperi.



**P**ROSPER *sidereas vectus ad orbitas,*  
*Diuinis licet obtutibus emicet;*  
*Immixtusq; beatis*  
*Ducat cœlitibus choros.*

*Hic plebem erudiens præfuit, hinc diu*  
*Scriptis exagitans hæreticam luem*  
*Famam extendit ad Indum,*  
*Quam dudum audierat Tagus.*

*Dilectam tamen hanc ossibus, ut suis*  
*Vrbem nobilitat, sic meritis fouet;*  
*Spectans æthere ab alto*  
*Supplex ad tumultum genu.*

*Quot captos oculis, quot pedibus graues*  
*Curauit precibus? quot iuga desides*  
*Mouit scandere cœli*  
*Explanans iter arduum?*

*Nec nomen minus his sedibus, aut decus*  
*Debetur, veteres quam sibi vindicent*  
*Concines Aquitani,*  
*Quos natalibus extulit*

*Atque, ut Threicij laus fuit Orphei*  
*Syluas, saxa, feras carmine duceres*  
*Ciues ipse sequentes*  
*Deduxit cytharæ modis.*

*Vt si nunc studeas, Regia Ciuitas,*  
*Pompis, ac tumulto nobilioribus*  
*Cultum augere Patroni*  
*Exquiras proprium decus.*

---

Amice Lector. Æquum est te scire hanc Oden deberi exquisitæ diligentiae Domni Hermagoræ Patauini, qui vsus eximia in amicum defunctum pietate, & excussit omnes angulos priuatarum Bibliothecarum, & impensâ communis Monachorum Arcæ, cui merito præest, curauit vt hic Liber hac luculenta specie typorum & imaginum vt vides prodiret.



# INDEX ELOGIORVM.

Iacobus Cauaccius.	} In vesti- bulo O- peris.	Serapion' Arfinoita.	81
Benedictus Nursinus.		Pityrion Ægyptius.	85
Paulus Thebæus.	7	Eulogius Ægyptius.	89
Antonius Ægyptius.	13	Apelles Faber.	93
Hilarion Palæstinus.	19	Origenes Ægyptius.	97
Abrahamus Syrus.	25	Euagrius Ponticus.	101
Malchus Syrus.	31	Orus Ægyptius.	105
Ioannes Ægyptius.	39	Copres Ægyptius.	109
Theonas Oxirincæus	41	Macarius Ægyptius.	113
Apollonius Hermopolites.	45	Macarius Alexandrinus.	109
Mutius Pollinctor.	51	Anubis Ægyptius.	125
Helenus Ægyptius.	57	Chronion Phœnicæus.	129
Ioannes Rectus.	53	Amon Nitriotes.	133
Paphnutius Heracleotes.	67	Onuphrius Ægyptius.	139
Didymus Celliensis.	73	Piamon Diolcenus.	145
Helias Antinoita.	77	Hieronimus Dalmata.	149

---

Quicquid ex alijs desumptum, quicquid a nobis adiectum est,  
Catholicæ censuræ subiectum  
esto.

Si quid impie, imperite, vel indecore insertum pij lectoris mentem sollicita-  
uerit; irritum, cassum, nullumque, & præter voluntatem auctoris irreplisse,  
idem fatetur, reuocat, deletque.





# POSTERITATI

Ex rebus à Sereniss.

# LEONARDO

DONATO VENETIARVM

PRINCIPIS

Haftenus gestis Incitamentum.



*AB ENT Viros qualibet sacula, quos cum exactis conferant, vel sequentibus obijciant exempla virtutis; ut si quis antiquos præceteris euebat, non minimam inurat Nature notam fractæ virtutis, vel minoris in posteros charitatis. Et quamuis ipse tempestates bellorum occasione, vel inter ciuiles rixas tuenda publicæ libertatis, quosdam clariores effecerint, eos tamen non ingenio, quod pluribus eadem liberalitate tributum oportuit, sed rerum euentu, quas contigit tum præclare agi, altius prouexerunt. Sic plures Alexandro Macedoni æquales, ac forsan bellicæ rei peritiores, tum duces, tum milites, leguntur Romæ excelluisse, quos iuge bellum pro aris focusque nascentis urbis aduersus finitimos hostes detinuit, dum ille feliciori decursu latius inter Orientis populos famam, imperiumque*



riumque extenderet. Sed neque cum ipso Rege potuit belli gloria interijſſe, cum Romani poſt non multa ſecula conuulſo Macedonum Imperio, victoricia item arma eadem virtute Orienti intulerint. Itaque claritudine auos aliquando nepotes anteuiſſe, & recentiores æquaſſe veterrimos, non tam ingenij, quam rerum opportunitatis fuit. Plura hac ætate, qua armorum, ac literarum ſtudia æque feruent, ingenia conſpiciuntur, quæ ex occasione ad veterum titulos accedant, ſed unum è Venetorum Republica, quod præ cæteris ob oculos ſit, LEONARDVS DONATVS Princeps non ſolum conferendus cum Ducibus illius ſæculi, quo anxia inter bellorum turbines Veneta res totam ſe eorum virtuti commiſit, verum etiam his preferendus, qui pacato æuo vitæ integritate, rerum omnium peritia, ac fideli ubique in patriam nauata opera, hætenus habentur clariores. Et quamuis belli coram adminiſtrandi deſuerit occaſio, neque tamen inuidia militarem gloriam eidem facile detraxerit, cum eo apud Hiſpaniarum Regem agente bellum in Turcas fortiter ſuſceptum, ipſius item impulſu, conſilijsque proſpere geſtum ſit; & alterum recens Italiæ imminens ſumma prudentia difflatum. Accedit ipſius nomini, quod plerique militaris gloriæ appetentiores ſtudeant ex bellis bella ſerere, qua ſibi imperium, qua laudis occaſiones prorogentur; ipſe ne publico incendio eluceret, flagranti prope iam bello faces ſubtraxit. Quod apud alios maximum, ipſi minimum eſt, qui ex traduce Donatæ gentis egregiam pietatem erga Rempublicam, & ex Schola Philoſophorum æquam animi moderationem trahens, grauiora quæque onera libentius ſubeat, ac periculis caput, famamque obiecit, ubi patriæ quicquam interſit ſecuritatis, aut dignitatis. Exprimunt utramque virtutem res ab eo geſtæ domi ſorisque, poſtquam ex Academia in Rempublicam traiecit; namque ab ipſis magiſtratibus, qui pro eiufdem Reipub. limine multa ſpei adoleſcentibus deferuntur, feliciter adeo ſola virtute nixus ad ſupremos conſcendit, vt neque Patres aliquando maximos eidem iniunxiſſe pœnituerit, nec ipſe minorem his contulerit exiſtimationem, quam acceperit. Extra Urbem Prætor Brixienſis designatus præturam agri  
vasta-



vaſtitate, ciuium faſtionibus, ac finium ſuſpicionem ſemper ſolicitam inſigni ipſorum ciuium beneficio, & admiratione geſſit. Mox inter Summos Reipubl. Conſiliarios, & quos Senatus peritiores vocat, delecto, vix aliquando contigit collegio abeſſe, vel maximis rebus decreto ipſius Senatus non immiſceri. Inter ceteras enumerantur ad Pontifices Maximos ſeptem Legationes, quot nunquam alteri iuſſe, quarum partim honeſtarunt officia erga nuper euectos ad eam Sedem Antiſtites, quæ è dignitate Reipubl. regio omnium rerum apparatu, ac publica oratione (Leonardi onus) peraguntur; partim difficiles, ac moleſtas fecit temporum ratio, quibus accidit non Venetam ſolum, ſed totam Chriſtianam rem premi. His tamen non impar ipſius Prudentia tolerando, ac proſpiciendo egregiè adeo inſeruijt, vt domeſtico exemplo eximij Viri Hieronymi Donati turbida olim tempeſtate apud Iulium II. Pontificem Oratoris, coegerit ipſa tempora in dies pacatiora patriæ rebus deſeruire. Licet cuiquam e rebus vulgatiſſimis abditiffimas introſpicere, & ex vna baſi ingentem columnarum molem metiri, quibus eodem Architecto ſuffultum Galliarum regnum ſtetit, ne bello ciuili collaberetur, ſi meminerit Donatum Romæ apud Sixtum Pontificem extra ordinem Legatum conſilio, & eloquentia Henrico IIII. ad Chriſtianiffimam dignitatem obſeptum iter aperuiſſe, quod ſecutæ tranquillitatis ac ſecuritatis fundamentum initiumque habitum eſt. Præceſſerat olim Hispanica legatio etiam in quadriennium prorogata, qua ſœdus aduerſus Turcas coactum baud minori ſtudio tunc foueri oportuit, quàm poſtea diſſolui. Maximum ibi pondus incubuit, Fœderatis Venetam fidem reſpoſcentibus, plerisque ſugillantibus, oſtendere, ea pace, quam opportune ab hoſte receperant, vnicè conſultum eſſe patrijs rebus, afflictis æquè hoſtium impetu, ac auxilium cunctatione; neque ab dignitate, vel fide Reipublicæ diſceſſum. Alteram item legationem ad Rodolphum Cæſarem obiijt, qua eidem collatum Imperium gratulatus etiam quorundam Principum mentes erga Venetum nomen ancipites multis officijs obfirmavit. Neque diſparem locum eadem officia habuere apud Ma-



hometem inter Othomanos huius nominis III. cū pacem nouaturus Bizantium accessit, nouatamque æquiore fœdere adiecit publicæ tranquillitati. Attamen neque prorsus mirandum maximos totius orbis terrarum Principes ingenio tanti Viri flexos, delectatosque, cū sub ipsa adolescentia vetus Orator Venetum Senatum ex præcipuis Oratoribus fermè delectum potuerit frequentius ab discessione in sententiā reuocare. Allexit etiam adeo popolare ingenium, ut Prouisor terrestrium Apparatum creatus (ea pro Summo Imperio maxima est inter militares præfecturas) inter acies, & armorum strepitus, neque indidit silentio, libentius audiretur. Sed qualis tunc Venetares, ut Senatori emeritæ ætatis, quam tot itineribus, tot Magistratibus fessam vix trahebat, difficillimam, & apprime laboriosam provinciam iuberet? Æstuabat ob eorum consilia, qui post sedatos Gallorum, & Allobrogum motus videbantur non obscure Italorum Principum quieti, ac potentiæ inuidere, atque coactō antea militi, tum vacuo, prædam ipsam Italiam polliceri, si bello licuisset ipsius libertatem vno potissimum Venetorum studio sacratam tectamque euertere. Neque consilijs artes aberant erant etiam obtento pacis velo nequiores. Egregie proinde ab eo præstitum est quicquid publicæ rei, ac priuatæ existimationi debebatur. Arces commeatu, milite, tormentis communitæ. Disciplina militaris ubique restituta. Delecti in militiam plures, atque in posterum censi, qui ad repentinos tumultus nomen darent. Ita sublatis è provincia periculis, & grauioribus rebus arbitrio confectis in Urbem rediens summa omnium ordinum gratulatione excipitur, visus ferè (nec omen fefellit) ad supremam Reipublicæ dignitatem capeßendam aduenisse. Quippe inter cetera Imperij portenta censebatur Palma oppidum, quod S. C. aduersus exterorum irruptiones Italica securitatis propugnaculum decretum, olim auspice eodem Leonardo fundamenta acceperat, tunc auxiliante excreuerat in eam molem, quæ hostes arceret, vel subeuntes spe deiçeret potiundi. Etiam ad culmen Senatorij ordinis promotus Sacrarum rerum studio, ac pietate inter Procuratores



curatores Diui Marci cooptatus antea fuerat, è quorum numero sæpius accidit Duces designari. Itaque Marino Grimano Optimo Principe paulo post Vita functo facile omnium in se ordinum oculos conuertit, ut quamuis multiplici suffragio res transigenda esset, tamen ipse omnium votis iam Dux Reipublicæ præesset. Nihil enim videbatur deesse optimo Senatori ad eam dignitatem. Non familiæ claritudo altero principatu memorabilis. Non vitæ innocentia Studio Religionis etiam apud æmulos celebris. Non politicæ rei peritia; non spectata ubique ipsius administratio; non studium erga patriam, non merita. Accedebant Naturæ dona, quibus eundem visa est ad Imperium exornasse. Corpus ad labores tolerandos ea ætate firmum satis, prespera valetudo, & ad augendam maiestatem oris dignitas etiam ætate venerabilis. His Naturæ, Virtutis, & Patriæ fauoribus, annum agens septuagesimum amplissimo suffragio Princeps renuntiatus, mox patrio ritu inauguratus, illico se Principatu maiorem ostendit. Et cum uniuersis rebus intersit, easque pro summa experientia certis consilijs efficiat, neque tamen literarum studijs abstinet; sicut tanta rerum mole grauis, atque insignibus Serenissimæ dignitatis eminens, nihil præterit priuatæ modestiæ, atque congenitæ erga Ciues affabilitatis, comitatisque. Immensum porro, inuictumque animum è dignitate Reipublicæ opportunè gerens, iam satis docuit Optimum domiciuem Maximum in curia Principem esse, cui Reges, ac Cæsares concedant, ubi uitam libertatem, ac dignitatem Veneti nominis tueri necesse sit. sic illam belli pacisque artibus defendit; sic aduersus strepentes hostium conatus obiectis castris hanc retinuit, ut minas armis exceperit, quamuis prudens lubensque à cæde temperauerit. Subierat namque vigilem animum ea cura, ut aliquando in Christiani Orbis Theatro detectis eorum cuniculis, quorum in turbido consilia Venetorum gloriam impetebant, sincera Reipublicæ voluntas in aperto foret, quò studiosi Italicæ libertatis intelligerent communi ipsius periculo Venetorum gratiam apud Apostolicam Sedem perpetua Religione inuam, & obsequijs firmatam, maleuolos in-



los inuidiffent. Itaque haud immerito visus est egregie de his triumphasse, cum pace inuiolata, rebus compositis, sublatisque dissidij occasionibus bellum confecit, quod ex initijs creditum est propediem totius Europæ prouincias excursurum. Diu uiuat qui nuper in meliorem spem ex aduersa valetudine mortis periculum euasit.

I. C.

VENETIIS, Ex Typographia Pinelliana, Anno 1625.

---

*Superiorum Permissu, & Priuilegio.*











26846  
LAMI

Special 91-B  
36408



